

沃正仲子著

當代名人小傳

崇文書局印行



3 2169 1090 5

# 當代名人小傳敘

自史由官撰。毀譽失真。而稗官之說。與班志所載之小說家。其足補正史之闕者。蓋猶得什二焉。垂及趙宋。學子士夫。競立門戶。互以愛憎。撰爲私史。明代作者。遂益加厲。其舛錯作僞之迹。爲毛大可李穆堂錢竹汀諸家所糾者。殆不勝屈數。於是治國故者。相戒勿援據稗史。而奸回之陰。惡崎士之軼行。闇修之潛德。遂不可復識。故曰史法益嚴。而傳聞益隘。去年客京師。讀沃丘仲子所爲近代名人小傳。喜其立言之旨。不謬龍門。雖小節攷訂。少疎。而是非之公。近代作者。蓋無以加焉。嗣得湘潭王叔逸書。知仲子實今之孤憤介特人也。今年三月。特訪之滬上。相見抵掌。言近四十年事。若誦故書。殆所謂多識前言往行者。復睹所爲當代名人傳。人數弗逮。茲傳之多。而事蹟尤詳盡。當所見世故。應若是夫人材國之楨幹。名人尤世所稱道。而此行誼。知略鹿鹿者。實居秦半。開通風

敘

氣。改。良。教。育。且。二。十。年。於。茲。矣。吾。安。以。徵。其。功。效。哉。知。世。之。讀。者。當。亦。廢。書。太。息。也。長。沙。唐。祖。周。

一

# 當代名人小傳自叙

傳例生存人歸當代。今乃收及袁世凱、蔡鍔諸人者，以世凱任總統後，於孫文、鏗事蹟，莫踰于拒帝制也。伶人不復立傳者，以其行事多瑣瑣也。清宗室王公不入遺臣者，以受爵同於蒙古也。有帝制黨而無復辟黨者，以遺臣中皆主復辟也。別立獨行者，淵宗嬀、金鑑著者皆友其人，以其剛耿獨介，世無儔匹。葆廉則讀所爲緘札而知其思慮之純遠也。民黨止紀四人者，非敢薄視之，以今日自承民黨者多眞質，弗可卒辨也。又若傳文人，載入孫雄者，以報紙謂其已歿也。嗣得雄手書，知方隱於王城，且觀所作感舊詩，肥遯自甘，晚節信堅貞矣。馮煦本遺臣，而收之文人者，以其治拯實拜世凱命也。不紀列女者，今所知則女偉人若沈佩貞之流，吾恐紀之貽後世笑也。是皆無書史攷證，徒恃臆記地名與歲月，蓋不免小誤大端，庶或不謬爾。著者識。

育  
鼓

四

# 當代名人小傳目錄卷上

## 元首

孫文

袁世凱

黎元洪

徐世昌

馮國璋

## 官僚

唐紹儀

趙秉鈞

熊希齡

王士珍

陸徵祥

段祺瑞附弟祺勳

伍廷芳

李經羲

錢能訓

蔡元培

施肇基

王寵惠

周學熙

陳振先

許世英

范源濂

湯化龍

梁啟超

章宗祥

張一麐

王克敏

孫洪伊

陸宗輿

龔心湛

傅增湘

田文烈

陳錦濤

曹汝霖

張元奇

周樹模

莊蘊寬

孫寶琦

汪大燮

蔡儒楷

張 弧

鈕傳善

江 庸

沈銘昌

王揖唐

饒漢祥

韓國鈞

齊耀琳附弟耀珊

汪瑞闈

戚 揚

孟憲彝

陳廷傑

王 瑚

王祖同

張鳳臺

呂調元

朱家寶

張鳴岐

畢桂芳

李開侁

段書雲

郭宗熙

朱慶瀾

周善祥

方 樞

榮 勳

金邦屏

林長民

吳廷燮

金 還

吳笈孫

葉恭綽

龍建章

高增爵朱聯奎

汪聲玲黃家傑

張國淦

盧 鈞

何煜  
陳馮善徵

蒲殿俊  
鄧鎔

施愚

馮學書

蔣懋熙

鄭焯

夏同龢

楊晟

陳廷緒

史紀常

羅述稷

黎澍  
沈致堅

裴景福

胡維德  
維賢

高而謙

劉鏡人

劉式訓

顧維鈞

汪榮寶

李家鏊  
李鴻謨

黃開文

徐鼎康

冒廣生

王荃本

黃慶瀾

孟昭常

陳琪  
榮厚

鄧邦述

張壽齡

丁乃揚

屈映光

李國筠

張鎮芳

吳敬修

趙維熙

劉人熙

陶烟照

鍾文虎

嚴家熾

劉蕃

汪洋

殷汝驪

谷鍾秀

丁傳紳



卷上 目錄

四

李日垓

陸邦純  
劉鈞  
楊福璋

徐世光 世章

王 賡 周晉鏞

劉考祚

帝制黨

梁士詒

周自齊

朱啓鈞

嚴 復

袁乃寬

楊 度

孫毓筠

顧 鰲

馬 良

薛大可

卷上終

# 當代名人小傳卷上

沃丘仲子著

●元首

孫文

文少小棲遲海外。身世弗可畢詳。據所自著書。則其謀革命。實在中東戰後。越十有七載。乃還國任第一次總統焉。文其名。逸仙其字。廣東香山其籍。幼習醫。澳門奉基督教。當清光緒乙未間。嘗上書政府。蘄變法。不報。遂組新中會。謀革。改。然如康有爲上書公車上書。世人皆熟聞之。若文變法議。則得寓目者鮮矣。其倫敦避難記有言。清制不准私書言政治。涉及兵事者。且殺毋赦。而草廬經略。校邠廬抗議之類。方充坊肆。間棟初不聞其干禁。令蓋孫氏於國內情事。多闡。膜亦如國人於彼身世云。然其人風儀整爽。目炯炯有神。高冠燕尾衣。咸稱其體周旋進退。皆中西式。接人藹然。不持威儀。尤長演說。誠二十世紀新人物。

也。革命事著。清廷購之急。龔照瑗誘入倫敦華使館。將縛以歸國。賴其友救得免。既改新中爲同盟。展轉海外。圖排滿。辛亥鄂軍起義。陳其美督滬。同盟會友也。乃聯黃興返文歸。被舉爲總統。已而避位讓袁。乃游京師。據偉論。將大假外債。築鐵路二十萬里。練兵五百萬。袁氏任爲全國鐵道總裁焉。未幾。宋教仁蒙難。文主以法律解決。而黃興、李烈鈞已起兵。不得已。亦主討袁。弗克。乃逃之日。本立機關部於青山。以陳其美爲理事。頻遣人內渡發難。胥無功。帝制敗。始返國。時段祺瑞秉政。民黨不獲進用。怨望日滋。迨皖浙獨立。粵桂自主。文遂開府廣州黃埔。自稱海陸軍大元帥。所倚唯滇軍張開儒。與桂軍不相能。一日突有人以砲轟擊督軍署。或謂出文指揮。勢益水火。後開儒見擊軍政府改組。竟快去。然舊議員多黨文。仍舉爲政務總裁。而非所樂就也。當民國初。同盟會改而爲國民黨。外軍官內議員。黨人居泰半。多挾盛陵人衆。不能堪。文譽亦驟減。

其起。義討洪憲。則所任如居正。吳大洲之流。或受制日人。或濫召匪黨。膠灘之間。肝腦塗地。十室九空。東人至今言之。猶切齒然。皆出陳其美。指不得專罪文也。或謂其富風情。居日時。每晨興。赴青山機關部。道中輒遇一賣花女郎。久之。遂締密約。又謂其左右如戴天仇。丁人傑之流。皆年少美風姿。故寵最固。則醜詆之辭。或不足盡信矣。

### 袁世凱

世凱者。恃權冒利人也。且挾其恃權冒利心。以衡天下。以爲信義廉恥者。皆迂儒。膚闊語詎。足信法。苟有權以制人。有利以餌人。則國之人。任其操縱矣。庸知風氣既壞。彼狂悍武夫。貪鄙政客。見川粵屢敗。馮王騎牆。知大事已去。漸露攜貳。世凱睹狀。愴憤以死。其末路迨同。袁術是可喟矣。字慰庭。父保慶。官江南鹽巡道。項城世族也。少恣縱。吳重熹守陳州。考試拔前茅。得入邑庠。旋以資爲中。

書光緒壬午。從吳長慶征朝鮮叛黨。以功擢同知。留戍朝。後歸謁鴻章。論朝之政局。地勢。語皆中窳。異其才。奏派充駐朝商務委員。朝皆藩屬。舊與歐美諸邦訂約通商。商務委員者。實上國監其外交官也。世凱既任事。頗干其內政。日人嫉之。迨東學黨事起。初卽主戰。屢電北洋及譯署請兵。戰作。我軍敗績。朝爲日踞。遂歸國。時已屢保至道員。入對時。敷陳練兵製械事。慷慨詳明。德宗動容。立授溫處道。仍留近畿治軍。屢遷至江寧布政使。皆未之任。以小站爲軍區。練習西操。將校俱北洋武備生。號新建陸軍。戊戌入保國會。附康有爲主變法。七月有爲屬其逐榮祿。衛帝行新政。突中變。告密于祿。謂康梁傳帝旨。令其殺祿。圍頤和園。禁拉后。政變禍以作。后由是傾心任之。擢工部侍郎。移山東巡撫。拳禍發。世凱主勦匪。弭外衅。齊魯得安。鴻章死。代爲直隸總督。遂編聶士成潰軍爲巡警。重賦稅。行諸新政。趙秉鈞司警。故悉津俗。蒞事一治以嚴。盜賊斂迹。民用

大安。繼復編練新軍。訂內務條例。起兵工廠于德州。北洋凡七鎮。以新建軍舊校分充統將。歲截曠三百萬。初不報部。以什三貢。拉后賄李蓮英。奕劻諸人。以什三爲軍官津貼。餘則納之私橐。所謂軍官津貼者。標營排隊各官。苟千軍紀。撤任後。可駐軍聽差。日給以資若干。有缺出。仍得補還舊職。其優容類若此。故諸士爭頌其賢。自是兵日多。國用日匱。借款供度支之禍。作丁未。瞿鴻禨遂召爲外務部尙書。軍機大臣直隸。則以所薦楊士驥代。士驥因月提糧餉。局金三萬。供世凱京邸用。徐世昌于奉天。所餽視此爲差。德宗拉后後先崩。載澤乞孝定。誅世凱爲先帝復仇。張之洞等諫阻。乃託言足疾。放之歸。積資凡二十萬家。彰德起園林若城堡。自世昌入值密勿。爲游說諸親貴。載濤等意漸解。那相且疏舉其爲內閣協理。孝定終弗納。未幾。鄂革命起。蔭昌率師討之。道彰德來謁。誠之曰。鄂亂不足平。而吾度不浹。月風潮將遍全國。子其慎之。已而果如其言。

時北洋諸將亦爭請起。舊帥昌忖己才不足節制。疏密推袁。奕劻主立。召用。載澤尙尼之。劾謂今禍緣借款築路。宣懷瑞徵實尸其咎。非世凱孰能定變者。澤語塞。蓋嘗納宣懷巨賄。力滯其總郵傳徵則其姍姍也。於是授欽差大臣。湖廣總督。劾昌復言非畀以重任不足收拾全局。適張紹曾以兵諫實行立憲。勅議會舉閣員。議員已夙承世凱運動。投票什九推之。遂擢總理大臣。仍遙領前敵軍事。九月杪至京師。請罷載灃攝政。孝定畏其威。勉從之。且予侯封以示異寵。乃喉段祺瑞等電請清帝讓位。因入告孝定曰。今禍在眉睫。不速決者焚矣。后知旨。願讓國。唯涕泣乞其保護幼帝。領之。遂任全權代表。而令其門人唐紹儀南下議和。所議之惟一之祕密條件。則第一任總統必推世凱也。孫文慨許。避位。然猶遣使要其至南京就任。則喉第三鎮兵焚掠京師。已竟假辭留鎮。弗行。而由是兵變禍遂頻作。始任事。頗接納民黨。奉孫黃以殊禮。而南人日有責言。

趙秉鈞家寶憤告曰。徒居元首。何若領北洋。時雖笑。不置答。而亦漸卻。民黨要求更喉。諸議員武人。詆孫文侵蝕比款。詞連唐紹儀。紹儀不能堪。潛逃去。袁黨內部分攜。蓋自茲始。適孫武入覲。爲好爵所誘。盡舉南中情實以告。且請先發制人。大喜。益兵遣南下。時趙秉鈞營總理急。慮爲宋教仁所攘。屬奸人應桂馨狙擊之。罪人既得。程德全通電宣其讞詞證據。民黨大譁。要求秉鈞就翰於滬。世凱初弗預聞。至是趙入謝罪。慰之曰。吾度若曹必決裂。將假此一舉殲之。君功在發軔。何謝爲。黃季等興戎北軍。夙戒備以待。屢戰皆捷。二次革命定。長子克定密告秉鈞。行帝制。秉鈞不從。屬阮忠樞言於國務院。段祺瑞厲聲謂勿妄言。然克定志甚堅。既譖逐祺瑞。自與袁乃寬編模範軍。以備異已。楊度孫毓筠立應募爲籌安會。惲毓鼎王芝祥首勸進。而帝制禍遂作。擲中交殖邊三行及部庫內國公債。新華儲蓄銀一百餘兆。復自出私財千餘萬濟之。其資籌安



會參政院及各省選舉約三千萬。大典籌備處二千餘萬。犒軍警千餘萬。賄某國報界。賜蒙古諸王公約五百萬。偵探費五百萬。餘皆供川粵軍需。後帝制雖取銷。而部庫如洗。紙幣信用掃地。金融恐慌。禍遂作。先是五月九日約既訂。頗欲假日力制民黨。迨改元。聯日益堅。方明命遣周自齊使日。議密約。而日人拒之。自是強鄰干我內政。禍作。及蔡鍔起義。猶思剋日。薙獮已而陸榮廷獨立。朱瑞逐。陳宦變。取銷帝制。復任段氏。無何。陳樹藩逐。陸建章自代。報至。方飯。拋箸。長嘆。知總統且不可保。半世英名。行將掃地。乃縱慾求速死。間飲狂藥。聞張宗昌遣人擊斃陳其美。則張晏驩飲。未幾卽病。五月竟歿。歿之日。頗怨祺。瑞背恩。視克定。亦有怒容。世凱不畏艱險。善謀能斷。對人縱談。往往無端中輟。則他慮牛。罔持名節。仕清室。夤緣親貴。奄寺蔑所不至。私貢拉后。尤豐。嫉文人所援。皆武夫俗吏。喜狎游。居彰德。時客有過者。輒召馬班伎侑觴。唯生平惡烟賭。姬妾

子女多至四十人。有朝鮮姬。寵最專。然夫婦雍睦。故閭內安和。諸子中唯克定。狡黠陰鷲尤過其父。克文揮霍好游嬉。而工文。皆負時名云。

### 黎元洪

字宋卿。黃陂人。少肄業天津水師學堂。學成。供職兵輪。屢保。至花翎守備。擢副管駕。甲午日朝之役。禦敵旅順口外。敵砲中船要害。弗能駛。乃自鑿沈之。投海以殉。適近港船多。爲人救起。得不死。其時海軍全燼。北洋無可謀置頓。乃走還里閭。張之洞方練自強軍。苦將校難得。元洪嘗上書言兵事。中肯綮。初令襄武備學堂。未幾。卽移統軍隊。歷遷爲常備軍統領。改混成協。協統。從事南北軍秋操。頻叨獎敘。擢至參將。宣統間。授協都統。同官第八鎮。統制張彪起猥賤。弗爲人齒。尤侵蝕鑲需。所部嘖嘖有煩言。元洪獨礪廉隅。好獎藉。每校操。以已資購皮鞞巾瓶之屬。賚其下。鎮部以長官中飽。服裝製不如時。多破敝。協部則軍用。

品。咸。整。潔。人。以。是。頗。訾。彪。而。稱。元。洪。廉。惠。辛。亥。革。命。事。起。瑞。徵。張。彪。逃。方。休。于。家。至。斬。出。任。事。匿。牀。下。避。之。爲。人。搜。獲。逼。以。手。槍。乃。勉。出。卽。日。被。推。爲。鄂。軍。都。督。然。改。革。非。其。宿。志。屬。官。皆。起。義。偉。人。類。驕。橫。不。可。制。遂。讓。其。權。軍。務。部。已。唯。端。拱。聽。之。當。辛。壬。之。交。鄂。軍。皆。稟。命。孫。武。張。振。武。不。稟。命。元。洪。也。民。國。成。立。以。副。總。統。領。湖。北。軍。事。兼。參。謀。總。長。其。幕。僚。饒。漢。祥。輩。善。屬。文。頗。爲。長。電。致。各。省。皆。箴。砭。武。人。體。念。民。國。之。辭。其。言。哀。婉。深。切。自。是。譽。漸。著。然。所。屬。境。內。初。不。能。禁。軍。用。鈔。幣。及。武。人。干。政。而。其。妾。弟。危。某。者。頗。竊。權。通。賄。賂。又。陳。錦。章。黎。澍。或。竊。帑。逃。或。虧。公。款。至。數。十。萬。元。洪。亦。爲。包。庇。且。畀。以。權。要。是。亦。徇。私。害。公。徒。能。爲。仁。人。之。言。而。已。迨。南。北。交。惡。贛。督。李。烈。鈞。以。兵。過。鄂。疆。北。軍。亦。次。第。南。下。備。戰。知。北。力。強。且。夙。以。誅。張。振。武。得。罪。黨。人。故。益。附。北。而。陽。勸。贛。師。退。陰。擴。北。軍。防。綫。及。湖。口。事。作。李。純。諸。將。順。流。直。下。勢。若。破。竹。者。微。元。洪。功。不。及。此。也。袁。

氏頗德之。而段祺瑞終嫉其好虛譽。非實心向北。適其主謀孫武亦爲袁用。駐鄂北軍多不承節制。不自安。乞入覲。袁允卽以祺瑞爲代。然慮所部譁噪。不敢宣新命。去任日。假事渡江。迨段已受事。尙自稱暫攝。以副座行。返旆告于衆云。其至京也。朝列款謙。躑洽一日酒酣。袁謂君行歸楚。徒勞我懷。想元洪知旨。自乞留京。袁喜立明令。允其專領參謀。而事皆次。長陳宦主之謀。定第爲畫諾。時有黎可以之號。言其遇事輒云可以。可以也。而世凱終以其望重。徯親之。且聯姍姍。迨籌安會起。帝制謀顯著。尙未決。從達適湯化龍等咸寓書勸其勿盲從。乃壹志拒帝制。數稱病不謁。三海及封武義親王。開參謀總長缺。遂通電。明不受爵。蟄伏不接賓客。世凱病危。延之入。託以後事。元洪歛歔對敢不如命。袁死初攝。嗣卽繼任。一反所爲。罷爵秩。除黨禁。復國會。祺瑞方爲總理。固夙嫉元洪者。而段黨徐樹錚尤專橫。與內務總長孫洪伊鬩于朝。議對德絕交。元洪

復不謂然。院擬公牘。府易一字。卽擱置不行。愈弗能堪。及納哈漢章黎澍諸人議。罷祺瑞職。倪嗣冲楊善德卽豎幟獨立。推張勳擁兵入畿輔。勳惑于康萬。卒起復辟。遣使來勸。朝謁辭以疾。再來則勒獻符印者。幕僚皆惶懼請降。乃慨然曰。國體久定。吾安能首鼠從諸人後哉。告使者曰。幸謝張帥。吾不敢惜一死。負國人。他非所知。勳欲臨之以兵。康有爲阻之。乃已。無何。段師入。勳潰。徐樹錚造謁曰。今日合肥有再造功。公何以處之。答曰。吾方當國。致變起首。善分應。自効以河間攝任。埃彼就職。自論功。行賞。茲何亟亟。樹錚默然。越日。竟以僞令復祺瑞總理職。復有衛士形色異。時出入不循號令。所司收鞫之。果受人指謀。狙擊者。知不可一朝居。乃以諸印付待從武官丁槐。賚送江寧。自移家天津。閉關息影。非稔交。不得登其堂。日習書而斜峭不工。尤好梵典。人有叩以時事者。輒笑不置答。

## 徐世昌

世昌深沈。過于世凱。而機智不逮。亦輓近之才士也。字菊人。天津之世族。祖官南河河工通判。因居于汴。及昌家已中落。踰冠。卽奔走大河南北。爲諸牧會司記室。月俸不踰十金也。已而舉于鄉。朋輩讌集。酒餘各言志。至世昌。謂苟捷春官。當以知縣指汴。若除杞縣。太康必以俸錢多致賓客。其志蓋如此。戊戌成進士。選庶吉士。已丑留館。授編修。素儉于學。所習唯小楷。試律時。京師主文事者。爲翁同龢。潘祖蔭。皆尙淹博。故久之不獲一差。鄉人王文錦欲援入南書房。亦不得。當時編檢有八紅八黑之目。世昌則八黑之一也。丁戊間。共世凱入保國會。附康有爲議新法政變。世凱驟貴。乃援之。綰新建軍營務。其先居汴時。以少年好騎獵。二人已結昆弟交。袁暴縱。徐恆誠之。雖不盡從而交。以益篤。及拳亂作。世凱首荐其賢。張之洞縱之。廻鑾。乃召入對。拉后見儀表端凝。奏事明晰。大

喜退告左右曰。若世昌者。足繼李鴻章矣。自是邀心簡少。遷國子監司業。商部成立。晉右丞兼領北洋駐京營務處如故。遂加副都統銜。偶赴鄉館。謙赤頂獅補同官。皆笑之。嗣晉兵部侍郎。爲練兵大臣。奉派出洋攷察憲政。未及行。共榮慶鐵良入值軍機處。擢巡警部尙書。丙午。更官制。謝機務。專理民政。偕載振使奉天。察辦事件。知奉帑藏豐。適議大更東省官制。卽自請行。拉后嘉之。立授欽差大臣。東三省總督兼筦三省將軍事務。准破格調用人材。撥鎊餘二十萬。供行新政。然所爲一摹世凱之於直隸精神。且遜之外交。任之陶大均。用人任之錢能。訓實業任之黃開文。唯能訓差明幹大均。開文冗闕無才。時權貫子弟。戚舊南中游士。麇集奉天。科員助理員。至千餘人。倡寮戲園游客。若鯽傾庫藏。及鎊餘。以供行政費。實業初未興。舉越二年。而資已罄。僅造成宏麗之公署。一他唯電燈馬路之類。時世凱已逐。載澤陰秉國鈞。知東事不可復任。遂斬奕劻。營

內調。竟得郵傳部尙書京官第一。臚仕也。旣蒞事。專聽梁士詒。多取羨餘以貽親貴。適載濤自歐洲歸。經奉天。見廨宇壯麗。軍樂嘹唳。盛誇世昌。敷行新政之力。奕劻那桐交稱之。遂以協辦大學士授軍機大臣。未幾。晉大學士。世昌以編修四年而躋尙書。終清之世。漢大臣一人而已。辛亥。漢上起義。力主起袁。內閣解散。改任軍諮大臣。後授讓帝太保。袁就總統。乃去之青島。凡二年。還任國務卿。稱相國。丙辰。帝制議起。頻諫袁氏弗從。克定譖之。不自安。辭去。洪憲僭號。封入嵩山四友。俄而西南起義。再出爲國卿。力蒞段祺瑞組內閣。旣成。再辭去。還居河南輝縣。輝富山水。其自東三省歸。已買田營室。其地至是告人。將終老。林下。已。袁病危。招之至。託以家事。治喪竟。仍還輝。及孫洪伊徐樹錚闕。元洪蘄出解紛。至京師。日傾城迎迓。議定。遂免樹錚兼職。而逐洪伊去。自是就津門居。復辟後。一度至京師。維持清室優待條件。時世昌雖在野。而北洋武人奉若師長。



咸秉教誠。故或者謂徐州天津會議復辟計畫。皆所主張。而不知其已先事規戒。張勳矣。迨馮段交惡。吳馮中變。知北洋派且破裂。自願登臺收拾。而梁士詒方謀復起。亦聳世昌任總統。北軍人並主擁戴。新議員預議一致推徐。遂當選爲第三任總統。就職後。卽主停戰。南北搆和。且欲裁兵節財。固順世界潮流。爲措施。其願或終可償。世昌身中貌清。整鬢眉。秀發目光。射人對客。語言爽實。而不欲以才氣自見。篤于故舊。然好用私人。行小惠。欲其激濁揚清。誠不可得。用公家財。奢而用己財。則儉。一妻二妾。無子。兄世光。仕清爲登萊青道。入民國。曾爲河工督辦。嗜好頗深。世昌生平值小事。頗戒懼。而大難當前。則不避危疑。殆亦當小敵怯。大敵勇之流。亞與。

馮國璋

字華甫。河間人。北洋武備學生。並段祺瑞王士珍等。受知李鴻章。充淮軍洋槍

隊及砲隊教習。屢保至候選知縣。乙未王文韶督直。淮軍漸解散。遂置閒散。已而袁世凱練兵小站。國璋投効軍門。與語喜其伉爽。立授營官。擢統帶統領。練兵處成立。充提調。時已保官至道員。宣統初置軍諮處。授軍諮使。加副都統銜。在儕輩中較通文事。載濤頗重之。同官良弼亦謂其質實。辛亥武昌事起。授第一軍軍統。初戰不利。未幾民軍敗。遂復夏口。縱火焚之。乘勝復漢陽。大敗黃興等軍。清室封以男爵。然世凱不欲戰。祺瑞復聯電乞清帝退位。不獲。已怏怏從之。班師還。命統禁衛軍。寵遇與段埒。每侍袁坐。論及民黨。輒切齒裂眦。欲聚殲旃。世凱知其忠。令出代張錫鑾督直隸。二次革命。作督師。攻江寧。復踵陽夏。故智盡焚。下關後張勳爲日人所逐。遂移督江蘇。國璋少負氣。在北軍中有馮燮子之稱。初出督直。其從弁毆傷外交員王克敏。竟置不問。及喪妻。世凱爲媒。娶宜興周氏。周宿爲女教員。敏達有識。乃勸其交薦紳。獵虛譽。竟易舊行鎮吳。四

載。唯。攷。攷。營。利。帝。制。議。起。初。不。附。從。且。多。違。言。有。達。于。世。凱。者。遽。授。參。謀。總。長。令。入。京。供。職。贛。鄂。諸。督。與。蘇。紳。耆。交。章。請。留。更。自。登。報。章。謂。始。終。服。從。元。首。無。攜。貳。意。世。凱。意。解。令。留。鎮。然。國。璋。益。戒。備。暗。聯。絡。西。南。軍。及。袁。死。任。調。停。南。北。力。主。復。舊。國。會。議。員。德。之。舉。爲。副。總。統。仍。領。江。蘇。督。軍。然。終。持。兩。端。又。嘗。領。銜。反。對。唐。紹。儀。長。外。交。徐。州。會。議。且。主。張。帝。清。迨。復。辟。禍。作。元。洪。被。逼。退。祺。瑞。要。其。繼。任。然。已。深。悉。段。黨。專。橫。乃。結。岑。春。煊。陸。榮。廷。爲。外。援。又。以。舊。部。李。純。代。督。蘇。乃。始。北。上。頗。欲。息。南。北。爭。而。祺。瑞。弗。從。則。曠。王。汝。賢。范。國。璋。逐。傅。良。佐。段。不。自。安。辭。職。去。方。欲。搆。和。張。作。霖。遽。以。軍。內。逼。直。曹。魯。張。皆。請。戰。假。辭。南。下。犒。軍。欲。遁。歸。江。寧。豎。幟。討。段。次。蚌。埠。辱。于。倪。嗣。冲。狼。狽。歸。祺。瑞。既。三。起。勢。尤。張。樹。錚。擅。鎗。斃。上。將。陸。建。章。國。璋。熱。視。無。如。何。適。吳。佩。孚。嫉。段。徐。所。爲。馮。玉。祥。爲。建。章。甥。尤。銜。樹。錚。聯。合。主。和。電。請。罷。兵。段。黨。知。不。能。服。衆。乃。舉。世。昌。祺。瑞。且。明。告。衆。

當與馮一同下野。是以年餘代理總統而易去。江督及副座蓋段黨報復之烈矣。當謝任仍通電明已主和意。且言不復入政界。第爲世昌挽留仍居京師。國璋負氣敢言狀甚激昂。而中實依違。晚而務得石頭城中商肆。多所營業。督江時至以販烟爲報紙所詆。廨宇火。人謂鈔幣被焚者至數百萬。有某報譽之爲狗。以北軍中宿謂段虎王龍馮狗也。竟訴之大理院。世傳爲笑柄。嘗聞河間人張樹植言。國璋少吝嗇。居京師日恆轉食。諸友所雖遠。道風雨不能阻。有孝廉慈君笑曰。此可謂飛而食肉。誠封侯相也。又嗜食玉田鹹肉。每令館役往購。必整方者。蓋慮切碎爲役竊。食歸自以快刀片之。務極薄。免客攘。其厚者偶肉黏刀上。以舌舐之。竟傷而流血。雖細事。嗇可知矣。然其眞僞不敢必也。

仲子曰。總統者。國人所賴以爲治者也。辛亥以還。治日少而亂日多。豈元首之不得其人與。吾觀病國諸禍。莫不起於袁氏。雖鞭其屍不足謝國人而葬以國。

禮墓如陵寢其羣從子弟驕縱猶昔曾無人議所以懲之者然則民國尙何有是非哉孫文徒好爲大言用匪類使其秉政亦終必敗然當民國初建避位讓袁甘謝權利免衆塗炭不可謂非仁人也或曰彼自知不才其讓也宜夫袁不知其不足稱帝段不知其不足統一而勉強以圖禍延全國以孫氏較有君子與管人之別矣元洪庸庸宜多厚福然其操行之潔足風國人國璋首鼠依違唯好貨財非復赳赳本色故同儕恆非笑之使以世昌之度量智力能屏絕私交鼓勵名節國事庶其有考而惜其深中清末官習卒不可瀟也噫

官僚

唐紹儀

紹儀者清室之巡撫尙書袁政府之國務總理今日軍政府之總裁可謂君子之善變者矣字少川香山唐氏幼游美通英語文袁世凱充朝鮮商務委員隸

其下爲繙譯官。以縣丞屢擢至同知。嗣從世凱于北洋。蔣升道員。授津海關道。豪縱自喜。以津關羨餘之豐尙不足供揮霍。其父聞而疑焉。北上察之。乃逐以兵輪比至津。鼓吹騶從。迎迓煇赫。父固鄉人。見而大樂。疑遂釋。嗣開缺擢京堂。至印度議藏約歸。授郵部侍郎。與尙書張伯熙爭用人權。弗得當。互負氣。不視事。臺諫劾之。並傳旨申飭。後出任奉天巡撫。乃主建西式公署。備器物。費至數十萬。時日勢漸逼。議拒之。紹儀遂使美。終不得要領歸。則奉撫已代。以程德全乃乞病去。後徐世昌入樞府。力荐其賢。洵濤交稱之。竟代徐筦郵傳。然爲載澤所嫉。屬瑞徵劾其假外勢自重。凡部事當商之度支者。皆掣其肘。而侍郎盛宣懷營進尤急。知勢弗敵。復稱疾開缺。代以宣懷。辛亥事起。承袁旨。交通民黨。及罷戰。命南下議和。世傳有交換條件。則假比欺資民黨。而民黨以總統讓袁氏。然秘密無人能知其實。民國成立。授國務總理。紹儀固袁氏門人。又加入國民

黨時南北已啓猜嫌。殊不能爲左右袒。政客軍人之攻擊孫黃者。往往牽及比款詞連。紹儀一日會議。復爲參謀次長陳宦所詬。章炳麟等亦謂其買辦人才不足。當國竟宵遁去。至津。遇鄂軍官黃禎祥。重辱之。窘甚。賴外人調停。乃得歸滬。遂集資起金星保險公司。或謂紹儀仕清無餘資。今乃執公司牛耳。不知其生財之道。夫求全之毀。顧安能盡憑耶。然自是竟攜貳于袁。乙卯日約禍作時。共伍廷芳。訾毀政府。世凱亦以密探偵二人行藏。帝制興。滇軍起義。遂明電逼袁退位。已而其族人繼星爲政府捕戮。益聯民黨圖袁。及袁死。國會復議舉閣員。僉以外交推紹儀。而段黨嫉諸督軍。反對之。以馮國璋張勳領銜。通電指其醜行。甚多。謂果任紹儀者。以後外交訂約各省不復承認。遂趨趨不敢進。旋辭罷。自是遂爲民黨領袖。然更事漸多。值危難亦不欲冒昧承乏。當西南討段。孫文開幕府廣州。以外交界之。知段氏倚日爲奧援。乃東渡游說。然軍閥當國。說

莫能入。則留日。觀變比原。敬秉政。歐戰陡定。始歸滬上。梁士詒者。舊黨紹儀。雖以帝制宗旨不同。而交誼猶昔。乃溝通唐徐和議。遂啓紹儀語言。仇爽若無城府者。當官多用私人。政無足紀。性奢靡。用公私財。咸如泥沙。每飯左右列案饌。分華洋中坐而食之。在京師日。每出游歸。後車纍纍。皆東西洋環貨。烏利文利。威諸行。聞唐至。承迎恐後。施肇基顧維鈞。皆其壻。遼人傳說紹儀作撫時。至取商品陳列所。品物爲女子粧奩。是則操行殆不可問矣。

### 趙秉鈞

秉鈞之歿久矣。不當廁于當代。然自其遣應武擊。宋南北水火。遂至今日。關繫不綦重哉。故援世凱例。而收諸官僚傳中。云字智盦。汴人也。故袁氏姻婭。以縣主簿官山東。嘗爲巡撫署巡捕。從世凱入直隸。屢遷至道員。督辦天津巡警。素諳津俗。蒞事以猛爲治。獲會匪棍徒以紅封達總督。立戮之。日殺數十人。凡拳



匪潰兵餘擊誅錮略盡民賴以安。當光緒癸卯甲辰間，以析津繁盛，幾道不拾遺。微秉鈞力不至此。卅凱亦推置心腹，言無不納。已而調辦京師警務，民政部立，遂擢侍郎，以佐雜官。六年，至卿貳。古所未有也。然治事已少懈，且與尙書善者不相能。宣統卽位，世凱逐，明年攷績，旨以秉鈞染嗜好，聲名平常，竟休政去。自是家天津，時往來彰德。辛亥冬，代桂春爲民政尙書，民國改內務總長，唐紹儀遁，代理國務總理。時國民黨勢至張，推立宋教仁，慮其攘位，適張紹曾落河，南革令應桂馨至，桂馨固匪渠，因內部參事洪述祖爲介，願擊宋，募死士得武士英，竟斃教仁于滬。武應皆被捕，且得緘札甚多，知出秉鈞指。民黨大譁，二次革命遂作。後秉鈞出督直隸，桂馨自滬越獄遁之京師，索官急，乃遣人殺之。車中以滅口，未幾，秉鈞亦歿。或謂袁氏置毒羹中，以死之，則讐說不足信。蓋秉鈞素畏妻，不敢置姬妾，恆狎嬖童，實爲慾戕，歿年方五十也。爲人不持威儀，好諧。

謹勤于臨池而書不工。習繪佛像。僅得形似。然御下有恩。與羣士共甘苦。故北洋警界至今稱頌之。

### 熊希齡

字秉三。湖南鳳凰廳人。父官總兵。希齡幼而穎敏。常熟朱其謐官鳳凰同知。試士日奇其才。以女妻之。已讀書長沙。多交才士。乙未成進士。選庶吉士。時中東戰初。罷類上書宮道。請止和議。無成。南歸。戊戌湘撫陳寶箴學使徐仁鑄。臬使黃道憲。咸推行新政。置時務學堂。以梁啓超。唐才常。主教席。紳蔣贊助。最力者。則希齡也。政變。遂革職。永不敘用。後乃師事端方。趙爾巽。二人撫湘。交蔭其賢。復原官。從爾巽于奉天。旋改道員。分江南。益聯報館。及諸留學生。聲譽日起。復隨端方使日。歐攷查憲政。歸乃投載澤門下。宣統初。晉四品卿銜。授東三省財政正。監理官。先是爾巽謝奉天將軍時。私取財政局帑二十萬。以行徐世昌。因

効能史念祖金還葉景葵等。至是趙黨思假希齡搜世昌過失報夙忿。然世昌工運動。後雖揭其濫支。載乃並置不問。庚戌秋。以瑞澂蒞授湖北交涉使。未行。改奉天鹽運使。承澤旨。上書請定皇室經費。奔助惡之。之官未久。而南中事起。時張榕劉藝舟謀遼瀋獨立。因獻計爾巽。編革黨爲若干隊。令駐榆關。事成則長驅入櫟。永奉爲首勳。不承則約陳夔龍夾擊之。亦有功。清室爾巽不能從。遂乞假南下。知清勢已渙。乃通電勸其退位。且醜詆載灃。日來往麥根。路程德全之門。民國成立。復之京師。與其篤交梁啓超等。組政黨。獵進用。嘗被舉爲總理。自謂當組織第一流之內閣。而世凱終以其非我族類。不令參秘要也。已而罷內閣制。遂下野。由自家天津。自謂將提倡實業以利吾民。丁巳承馮國璋令。督辦賑務。中間任熱河都統。嘗通電自稱軍人。願脫黨籍。以媚袁氏。人皆笑之。世又謂其去熱日。盜取清室寶玩。無算。真僞不可知也。希齡身中微鬚。與人語詳。

婉可聽。少受知。朱氏故終身敬其妻。其妻亦開通。工交際。與爾巽。婦有同風焉。後其謔爲岑春煇罷。希齡則卒排春煇去。以報其外舅。怨綜其當官日。唯善訂章程。及表冊圖式。初不求實際。倚載澤勢。視督撫蔑如也。迨辛亥冬。聞其演說。則詆訾載澤。不遺餘力。使人盡若是。朋友之道危矣。好佛若明季楊昌嗣。終清世未獲真除。而積資已豐。是則不可解矣。

### 王士珍

字聘卿。正定人。幼肄業北洋武備學堂。考試恆居優等。李鴻章拔入營隊。嘗從校旂。丙申從袁世凱于小站。士珍少而英挺。銳志功名。視天下無難事。時與劉永慶。王英楷。齊名。及世凱督直。遂擢統制。晉副都統銜。旋代永慶爲江北提督。實兼兵部侍郎。體制若巡撫。當官日。雖無所舍施。而砥礪廉隅。屬官餽獻不得入。廨門已喪母去官。遂不復出。辛亥起爲陸軍大臣。世凱謀改國。涕泣諫之。弗

聽。堅。臥。乞。去。乃。代。以。祺。瑞。自。是。跽。伏。里。閉。後。袁。段。交。惡。克。定。堅。薪。其。出。往。復。十。餘。次。然。後。起。以。數。經。憂。患。銳。氣。漸。喪。行。事。益。趨。和。厚。當。帝。制。禍。作。亦。不。能。助。救。徒。咨。嗟。太。息。而。已。張。勳。謀。復。辟。士。珍。實。已。書。諾。勳。敗。不。自。安。辭。職。去。迨。南。北。大。閔。國。璋。代。任。知。其。素。主。和。而。北。洋。將。校。中。傾。心。士。珍。者。亦。居。什。四。遂。罷。段。起。王。長。江。三。督。莫。不。推。戴。而。以。紕。于。陰。謀。卒。爲。徐。樹。錚。張。作。霖。所。制。再。乞。罷。政。世。昌。就。職。後。屢。勸。出。山。皆。堅。辭。謝。絕。知。段。黨。驕。橫。不。欲。與。伍。也。若。士。珍。者。德。優。于。才。近。世。武。人。中。不。易。覲。然。識。難。濟。變。殆。亦。孟。公。綽。之。流。耳。

陸徵祥

字。子。興。上。海。人。卒。業。俄。京。大。學。數。充。駐。比。使。館。繙。譯。擢。參。贊。所。取。婦。比。產。也。庚。子。之。變。中。俄。事。棘。多。資。徵。祥。贊。畫。有。聲。于。時。光。緒。末。遂。授。使。俄。大。臣。時。任。使。事。者。咸。吝。小。費。務。中。飽。禮。弗。能。備。不。齒。于。西。人。獨。徵。祥。不。然。儀。表。亦。崑。朗。且。工。語。

言。外。人。交。口。贊。之。辛。亥。冬。首。電。乞。清。室。讓。位。卅。凱。亦。親。之。內。任。外。部。總。長。時。國。中。黨。派。紛。歧。咸。以。總。理。產。已。黨。中。朝。官。中。惟。徵。祥。屬。超。然。派。卅。凱。亦。喜。其。附。已。且。能。聯。絡。外。人。既。令。攝。理。國。務。遂。提。出。議。會。薪。一。致。推。舉。至。以。兵。圍。議。院。議。員。並。飲。食。弗。得。飢。甚。不。獲。已。竟。舉。徵。祥。然。亦。知。袁。氏。專。斷。佯。親。之。而。已。未。幾。解。總。理。仍。管。外。部。乙。卯。對。日。交。涉。殊。無。所。補。救。國。人。交。謫。之。復。以。多。病。乃。辭。去。後。段。氏。組。閣。復。挽。之。出。歐。戰。罷。乃。將。命。使。法。預。和。議。或。謂。其。道。出。日。本。時。佚。失。重。要。文。件。甚。多。信。否。殊。不。敢。必。徵。祥。少。美。豐。標。居。處。服。食。一。如。歐。人。侍。從。並。若。僕。歐。狀。精。法。國。語。文。通。西。法。政。學。亦。頗。愛。祖。國。視。曹。汝。霖。陸。宗。輿。等。不。侔。矣。惟。荏。弱。罔。能。抗。強。禦。內。政。更。非。所。長。故。入。民。國。恒。居。政。府。而。鮮。有。補。救。也。

### 段祺瑞附弟祺勳

祺瑞之於民國。所謂功之首。罪之魁也。辛亥冬。非祺瑞聯合諸將領。電逼宣統。

退位則民國弗得成立。至取銷洪憲，剗滅復辟，並功在共和，不媿偉人。然至今蚩蚩之氓，無賢不肖，一聞祺瑞名，蔑不痛心疾首，甚且謂其不附帝制，則志在取袁自代，誘張勳舉事而已。居功攘位，非故爲是詬誅也。以其假外力自重，損失國權，濫借外債，多至億兆，吾民困苦將萬，劫不復然，則衡情論罪，匪特梅特捏參愛士之不若，幾與李完用同科矣。宇芝泉，合肥人，畢業北洋武備學堂，世凱治兵小站，教練之事，專任之。祺瑞其後，近畿諸軍學皆所經始。故北洋軍官半其弟子，行同輩中，推軍事學第一。以統制代王士珍爲江北提督，辛亥授第二軍軍統，民國爲第一任陸軍總長，外出督鄂豫，未久仍還任。以反對帝制爲袁克定所譖，不自安。假五月九日日約通電主戰，世凱笑曰：芝泉老友，去則去耳，何必出惡聲哉。遂乞病退。然袁氏不放之行，時祺瑞負譽至隆，民黨亦稱其賢。嶺粵起義，世凱復強之起，雖出猶懷危懼，乃以曲同豐入陝，說陳樹藩逐陸。

建。章。袁。竟。憤。死。然。素。不。嫌。黎。氏。視。元。首。蔑。如。也。復。納。梁。啓。超。議。主。絕。德。元。洪。不。謂。然。交。爭。益。烈。議。員。亦。彈。其。專。橫。竟。罷。職。楊。善。德。卽。獨。立。拒。黎。祺。瑞。駐。津。以。觀。變。已。假。復。辟。敗。張。勳。軍。矯。命。再。爲。總。理。益。引。徐。樹。錚。參。密。謀。時。西。南。僅。聲。言。自。主。尙。無。絕。中。央。而。思。盡。排。異。己。乃。以。傅。良。佐。督。湘。戰。禍。大。開。范。王。承。馮。旨。退。師。忿。而。解。任。樹。錚。乃。游。說。作。霖。懷。芝。等。主。戰。奉。軍。內。逼。國。璋。危。甚。乃。邀。其。再。出。然。北。軍。中。皖。直。兩。派。漸。水。火。矣。假。外。債。多。不。可。紀。唯。供。諸。統。將。勒。索。而。吳。馮。頓。軍。主。和。川。閩。皆。敗。於。敵。知。天。下。終。不。服。已。則。舉。世。昌。而。已。與。國。璋。同。下。野。然。以。加。入。協。約。功。主。參。戰。處。事。如。故。雖。以。陝。事。齟。齬。而。外。強。中。乾。無。能。爲。役。故。時。局。終。必。歸。於。一。和。祺。瑞。在。北。軍。官。中。操。行。爲。潔。亦。粗。通。文。事。好。奕。語。言。簡。率。惟。徇。私。誼。復。而。攬。權。故。首。倡。加。入。協。約。而。外。人。亦。不。滿。其。所。爲。云。弟。祺。勳。字。子。獻。捐。納。道。員。日。本。士。官。學。校。學。生。曾。爲。東。三。省。督。練。處。兵。備。總。辦。而。在。弱。無。遠。志。入。民。



國未出獨將。

伍廷芳

字秩庸。香山人。留學美國。受法學博士。歸爲律師於香港。華人治訟得英官許可者。自廷芳始。港政府每晏集。恆招陪末座。粵人榮之。至登報相誇。時李鴻章高談洋務。左右如盛宣懷。周馥。龔照嶼。終不達外情。乃招之入北洋。司交涉。屢保至道員。然廷芳殊無遠識。甲午戰禍作。告鴻章以俄必不容日本踞朝。日俄衅行啓。我第作壁上觀。鴻章從其言。軍備不飭。因以敗績。後奉使數歷歐美。庚子。遂晉侍郎。旋召入對。第勸拉后勿茹葷而已。歷數年。官不遷。嘗送攷察憲攻大臣登車。黨人吳越投以炸彈。震而耳聾。然人有謂其作僞者。旋乞病歸。宣統間。嘗立會勸人翦辮素食。官久富。致距萬爲招商局股東之雄。起華屋。滬上。將終餘年。適革命事起。充南代表。與唐紹儀議和。清室遂亡。孫文任爲司法總長。

袁氏授以勳一位。自製冠形狀頗劣。思與拏翁帽惠將軍。鞞並傳世。而人殊無冠之者。洪憲僭位。見西南起義。乃與唐紹儀反對。丁巳。任外交總長。祺瑞免職。攝總理。未幾。復辟禍起。還滬。後入粵。謀討段。久之。始任軍政府總裁。廷芳和易。而語言支離。嘗勸人茹素。曰。人肉食。力薄。牛馬草食。力強。反唇者曰。虎豹食人。曷力。尤強。亦無以難也。議招商局事。爲王存善。嗾執事人所辱。幾不得脫。世有訾其口素心葷者。諛而虐矣。

### 李經羲

經羲當丁巳夏。嘗承黎元洪命。組織內閣。一時函電交馳。招致賢才。而人殊無應之者。俄而辦帥稱兵。乃悄然遁。至析津。祺瑞重出。再逃之滬。上雖未嘗一日任事。而當時輿高采烈。故仍收之官僚。凡以成其志也。字仲軒。鴻章猶子。父昭慶。兄孟軒。少橫豪里閭。俗稱爲老貓。經羲穎敏。以優貢捐獎道員。選四川永寧。

道丁憂起。簡授湖南鹽法道。擢臬司。晉閩藩。未之任。調滇。已而除巡撫。時拳禍作。昆明教堂被燬。總督魏光燾議賠款三十萬。經義適入闈。出而大忿。再議。竟減爲十五萬。而以七府鑛產讓法滇人。無識不知。以鑛產易銀十五萬之害。反頌其賢。亦自喜益結。蒞紳以沽譽。光燾不敢與爭。已思營他調。不得當。乃電請入覲。謂須面奏。機宜奉旨慰留。令有事以疏達。再奏。謂使章奏有濟。則在位宜言。敷陳久矣。政府大恚。責其任意挾革職。去去之日。載滇土百餘騎以行。已而起署貴州巡撫。移廣西。岑春煊適治軍桂林。論世誼行輩。卑於經義。而恩眷遠。出其上。事皆專決。無如何。復乞病罷。宣統立。張之洞荐擢滇督。時功令已禁烟。慮人譏其後。抵任日。乘馬入城。然燕居吸烟。自若。鄂革命起。傳至滇中。新軍躍躍欲試。主持者爲李根源。方爲講武堂監督。有勸其誅之者。計未決。重陽日而變作。乃招秘書兼法司楊福璋。參事陸邦純等至。出烟灰盈握。示之曰。吾世

受國恩有死而已。願以此畢命。諸君有同志。與僉曰。諾。既而謂。若此死。殊不值。當入內。易衣冠。出坐堂。星以待。寇至。詈之以殉。乃入。不復出。楊陸知其僞。各散去。時經義已易裝。逃之。巡捕蕭相家。後爲人所覺。移之諮議局。旋遣之歸。至安南。猶頻電蔡鐔。李曰。垓。乞還其抄。沒金情辭甚哀。民國初。嘗入謁世凱。授爲參政。洪憲僭號。封列嵩山四友。及組閣不成。始離都門。李氏子弟皆殷實。而經義尤富。然其視一錢若性命。狀貌頹劣。而工辨論。好爲詩文。煩晦不可解。所爲公牘。尤冗長。官滇日。嘗照會在籍總兵丁槐。治團練。槐以尺量其文。長至丈二尺。又革軍嘗搜其廨中。得黃金條若干。簽書黃鏹原質。下書某官進。一人今尙官其省財政廳。滇人嘖嘖言之。或非虛構也。子國筠自有傳。

### 錢能訓

字幹臣。嘉善人。清光緒丙戌進士。己丑留館。授編修。歷充湖北廣東鄉試攷官。

廣西學政。遷監察御史。固世昌同年生。甲辰世昌入軍機密蒞之。遂以御史超權商部右丞。已隨徐入奉。授右參贊。秩從二品。視各省藩司。管諮議廳事。主議政。周樹模擢江撫。代者爲梁如浩。冗闕不治事。能訓遂並主持承宣廳。於是奉天用人行政之柄。盡操其手。然所援多私交。否則少習新政之浮滑士也。已而世昌內調。錫良督東。先延能訓至京師議政。良退而告人曰。錢氏口若懸河。不媿稱幹。惜其浮耳。自是不相能。諸司道官亦素嫉其攬權。頗毀其短。遂奏請裁兩參贊。缺報可能。訓入覲。不蒙召見。蓋爲載澤所惡也。後世昌再入樞府。爲運動久之。始授陝西藩司之官。日適恩壽乞病去。遂攝巡撫陝中陸軍。爲皖人王毓江編練軍官中頗多熊承基餘黨。聞鄂起義亦暨職。以應能訓舉槍自擊。傷而不死。已逃出。袁政府時代。數畀以政事。然由徐間接寵遇。終在士詒學。熙下殊無所建。白段祺瑞二次組閣任內務總長。世昌就總統初令攝理國務。嗣卽

提出新國會。蕪推舉。乃爲安福黨人所持。以祺瑞疏通。而五國又勸告消弭內亂。乃一致通過。仍兼領內務。能訓明敏。通達胸無滯機。仕清時頗工運動。喜以公家職事。酬年家故舊。故所至絕無實績。然視許士英輩。風稜少著。况明訓辛亥權津海關道才。猶在能訓下。

### 蔡元培

字鶴卿。浙紹縣人。仕清以進士授編修。戊戌間主變法。爲掌院學士。徐桐等所惡。遂南歸。後章炳麟鄒鎔等蘇報獄興。傳者詞連元培。乃適青島。居久之。通德人語文。還鄉爲勸學會會長。其副會長杜某者。劣紳也。頗攬權。元培不直。所爲辭去。至柏林習哲學。辛亥革命事作。還國。共汪兆銘充專使。迨袁世凱南下。就任以兵變中止。仍任教育總長。其就任演說。辭頗扯雜。冗長。至謂五色國旗不適觀。又謂章炳麟人乖僻而長于古文。小學人皆笑之。當官碌碌。無展布。未幾。

遂下野。以國民黨關係頗增。孫黃二次革命。作會共炳麟。電迫朱瑞獨立。世凱知其迂腐。置不問。復游歐洲。袁死。出任京師大學校長。兼總纂國史。上年偕熊希齡組織和平會。以謀統一。蓋夙志也。當辛壬之交。南北漸水火。元培奔走調停。功在隱微。非希齡等之徒獵虛譽者比也。惟不達情僞。易爲人欺。文學亦非甚長。所聘大學教員。雜以小說家。數輩至爲不倫。又有謀文學革命。將以東西洋文字變國學者。而章炳麟諸弟子。持以爲不可。然章氏之徒。多好爲大言。謂左傳太史公書說文玉篇外。無可讀書。亦狹隘不足言。元培唯居中調停而已。所著書多論哲理。老妖怪學講義之類。又有紅樓夢索隱。幾不能自圓其說。識者嗤之。

### 施肇基

宇植之。浙人。慈善家則敬子。而唐紹儀壻也。幼留學美。通西語文。嘗供職使館。

後以道員分直隸。徐世昌調之奉天。未幾授濱江道。宣統初共于興。駟留京議中日交涉。適錫良新督東。肇基畏其嚴正。營內調遂移外務部參議。旋晉右丞。辛亥春。東省大疫。開萬國醫藥會于瀋陽。奉特派主其事。袁政府成立。以紹儀援。竟任交通總長。肇基少美風儀。工應對。官北洋久。衣飾皆摹。蒙貴族望之。翩翩然。除敘餐或茶話。開會招待外賓。外殊無所長。長交通時。所屬皆清之郵傳。老吏初不承其節制。亦無如何。既隨紹儀下野。旋奉使英倫。今猶未歸。

### 王寵惠

字亮疇。粵人。少畢業本省學校。復留學美國。得法學博士。辛亥共孫文還國。初任外交總長。已而移司法。未久罷去。寵惠雖國民黨。而溫雅非健者。黨人舉事多未附從。故世凱亦以書生視之。下野後。遂居上海。頗從事教育。任復旦公學校長。暇則編譯西籍。以饗讀者。視蔡元培尤澹泊。然不通利病。當官實無才。總



司法日判尋常文書間爲改削多不中竅屬官恆有誹語以其頗削儀表非佳公謙列坐世凱每日笑焉。

### 周學熙

自入民國皖人多致通顯而才力堅卓者學熙其首屈一指矣字緝之建德人清總督馥子初宦于浙後以道員分直隸適袁世凱督直因周氏姻婭且知學熙精幹遂舉理財事以任之近畿地瘠賦薄及練兵處設直隸首認鉅款已而設審判廳舉行自治需費益繁而度支不匱者皆學熙力也後遂權長蘆運使世凱內用時虧鹽款四十餘萬皆學熙以已資彌補之入民國任第二次財政總長以公債暨軍需事首通電斥撥黃興備極譏訕北洋派交稱其不畏強禦已辭職再起仍總財部適帝制議起學熙承世昌旨不增從然亦未敢顯持異議第假疾乞退袁氏知其意遂代以梁士詒馥仕清室爲津海關道直蜀各省

藩司。缺皆優裕。富僅亞於盛宣懷。而諸子樸雅。無紈袴習。學熙果斷。自信當官。頗持減政主義。唯多用私人。以是衆亦不服。其弟學銘任皖鐵路總理。既歿。帳籍糅雜。衆核之。踰月不得端緒。學熙至。自爲鈎稽。踰旬。清釐歲事。朗若列眉。其會計才。殆由天賦。無嗜好。重然諾。所持議。不論良否。期在必行。故世皆譽其剛。復云。

### 陳振先

字鐸時。南海籍。生於新會。留美農業大學畢業。歸。廷試冠其曹。授農科進士。已而授翰林編修。徐世昌督東。調任奉天農業試驗場監督。兼總農學。振先謝脫官。習出則一騎。未嘗乘輿。客至。不論貴賤。指引講畫。孜孜不倦。其建置經營。實冠各省。更購牛于英。羊于美。孳養蕃畜。種以改良。年得牛乳油。羊毳。至豐。後以攷憲政成績。奉農業居優等。晉四品銜。壬子任農林部總長。時許世英任司法。

二人奉天同官也。許好作狎邪游。亦時與偕。陳七奶奶事作穢德達於全國。世凱譏之而振先和厚無馭下才部務亦多懈弛自其狎游事聞諸衆屬官中狡險者亦起而挾其長短不自安適國務改組遂隨下野仍充公府顧問丙辰竟隨衆簽名勸進以希袁寵名節掃地矣然其人初頗質實藹然君子及驟躋部長而所交亦鮮正人遂易行爲世所指摘殆可哀矣身中白皙髯亦疎秀對人語嫵媚可聽非今之高冠革履睥睨自豪者比也。

許世英

字雋人寧國人以拔貢生官刑部主事留學日本速成法政歸供差北洋世昌督東奏除奉天高等審判廳廳丞時提法司吳鈞嗜烟博不治事法權皆操之世英則援引其鄉人爲推事典簿之屬時呼審判廳爲安徽會館好冶游平康里時有其蹤迹伴之行者則推事鄂人劉蕃也世英奢侈輿馬甚美且時往來

京津飲博徵逐在奉日與張錫鑾陳宦過從至密錫良初頗惡其爲人以宦力保其賢意始解已而竟有寵于良趙爾巽繼任以其爲徐黨惡之時廷杰掌法部主抑躁進以是志頗不得未幾革命軍起竟走天津後遂任司法總長部屬專任和誼已則共諸狎友時微服出游倡寮嘗于蕩婦陳七奶奶所爲巡警所辱報紙喧傳竟有飾爲新劇者而以工于趨附雖謝法曹仍出爲福建巡按使然狎邪性終不可悛乃租屋某山前時共慕僚游謙其中招妓侑酒政且以賄成爲人所彈劾世凱令王祖同察覆祖同以其爲袁黨要人覆上謂彈者言弗實遂置不問已而籌安會起初亦隨衆勸進既見西南起義陝浙獨立乃持異議且掎馮國璋主復舊國會當其官京師日素依段祺瑞及袁死正式組閣竟長交通益分布私人管各省鐵路電政府院之爭孫洪伊徐樹錚之閥皆力任調停終不得當乃勸世昌出解紛事以漸定旋以贓私事被劾受質法庭祺瑞

喜其埒已。竟從末減。元洪既罷祺瑞。隨以去。自是年餘不再起。然仍奔走京津。終必獵一省長。世英長不滿四尺。白面濃鬚。工口給。附權勢。名節不修。或以阮大鍼擬之。則苛論矣。

范源濂

字靜生。湘陰人。留學日本師範。歸仕清室。爲學部主事。後擢員外部。初無赫赫名。入民國先隸國民黨。以黃興宋教仁皆其鄉人也。而源濂謹飭于南北皆無。迆其任教育總長。世凱亦稱其勤實。且官學部久。部務所夙爛。故條理秩然。不似他偉人之動貽笑柄者。既下野。諸書局爭迎之。初爲中華書局總編輯。亦嘗共熊希齡籌議湘事。宣統間予曾識之。新化晏君席間溫厚平實。不愧儒者。時有謂其多通黨人者。弗之信也。

湯化龍

辛亥秋武昌起義主軍事者黎元洪主民事者則化龍也然二人皆非夙志實被。逼。而。附。革。命。化。龍。字。濟。武。鄂。人。留。學。日。本。交。梁。啓。超。至。篤。持。立。憲。主。義。以。進。士。授。主。事。宣。統。庚。戌。舉。充。鄂。諮。議。局。議。長。踰。年。革。軍。逐。瑞。徵。光。復。武。漢。推。主。民。政。強。而。後。可。未。幾。堅。辭。去。之。滬。上。自。是。元。洪。屢。促。其。還。不。應。已。而。共。啓。超。起。任。國。務。員。長。教。育。部。無。何。下。野。當。民。國。初。化。龍。爲。共。和。黨。領。袖。持。議。與。國。民。黨。異。世。凱。頗。利。用。之。後。罷。議。會。解。散。國。民。黨。政。府。日。專。橫。共。和。黨。亦。與。携。貳。籌。安。禍。作。化。龍。首。勸。黎。元。洪。拒。絕。已。同。啓。超。陰。圖。倒。袁。段。祺。瑞。引。與。共。謀。段。閣。成。立。再。起。任。事。丁。卯。後。段。討。張。勳。事。成。任。內。務。總。長。化。龍。雖。黨。段。主。絕。德。奧。而。對。西。南。作。戰。實。非。其。本。意。適。政。府。明。命。通。緝。孫。文。等。文。亦。懸。令。緝。祺。瑞。啓。超。并。及。化。龍。識。者。笑。其。同。兒。戲。而。南。北。感。以。益。惡。然。戴。戡。以。同。黨。關。繫。被。戡。于。劉。存。厚。梁。湯。皆。主。懲。劉。徐。樹。錚。弗。納。幾。啓。內。爭。適。祺。瑞。罷。去。遂。同。下。野。乃。薄。游。歐。美。竟。爲。異。

已者。喉人狙擊以死。雖不得主謀者。而草灰綫蛇。自有跡象。可尋化龍。素和謹無疾言遽色。竟弗獲善終。是可異矣。弟薈銘自有傳。

梁啓超

啓超初附康有爲而名彰。今則國以內皆知有飲冰室。而不復知有萬木草堂矣。然其名之所至。謗亦隨之。言政學則有詆其工纂輯。鮮創獲者。言操行則有訾其多反覆。非純潔者。雖有智者莫能定其是非。以吾觀之。則機警靈活。勝其師有爲遠矣。字卓如。新會人。少從有爲學。敏銳冠諸弟子。後李端棻典粵試。奇其人。拔之前列。且妻以女弟。更爲延譽京國。名漸著。當乙未中日戰罷。公車數上書言事。啓超名巍然冠其曹。且贊其師立保國會。初有爲講學萬木草堂。自擬孔子。以啓超爲顏淵。麥孟華爲子貢云。戊戌變法。譚嗣同言於陳寶琛。徐仁鑄。乃聘之主長沙時務學堂。所講則春秋改制。兼及膚淺之西學。而湘薦紳葉

德輝輩已大譁。指爲莠言。嗣以徐致靖薦。召見。賞六品銜。令編譯新書。當丁酉汪康年創時務報於上海。有爲啓超實主其事。至是改官報。詔以有爲管理。而啓超隨之譯書。乃著中西新書提要。纂進泰西新史攬要。德宗頗稱其善。八月政變。啓超已先出京。聞而遁滬。折至日本。創保皇黨。著成戊政變記。光緒聖政記。示衛德宗。庚子謀行。富有稟。謂將復辟。事洩。同黨唐才常被捕。蒙難于武昌。唐梁復逃海外。自是遂居日本。立作新社。編印書籍。吾國留學生日多。半讀梁氏文。雖章炳麟等醜詆之。而所著出學子爭購之。生事日裕。亦間游歐美。鼓吹立憲。及開明專制。與同盟會益水火。是時端方岑春煊輩已貴顯。胥保國會舊黨員也。啓超漸思返國。乃立政問社。關排滿。非是且屢電奏言事。拉后知出。康梁主持。大忿。嚴議申斥。民黨益挪揄之。然國內之預備立憲公會。實與通聲氣也。辛亥戰事起。歸國。道奉天。熊希齡等迓之。日本車站。啓超持議。猶昔。謂不。



當排滿未幾。蘇浙滇晉陝皖湘贛皆變。知清已瓦解。遂次大連不進。袁世凱組閣。授爲法部副大臣。亦不就。壬子至京。謁袁。款讌甚歡。第談不及戊戌事耳。時世凱知啓超名重。欲倚以制國民黨。而啓超亦覺北洋派勢方盛。非聯世凱不足自立。故其持論頗主中央集權。所組共和黨綱亦然。凡以投袁也。民黨不覺。胡漢民尙詆蔡。鑄不應舉其師。梁某以害國。後熊希齡組織第一流內閣。啓超預焉。然亦殊無建白。旋下野。袁氏乃授爲幣制總裁。然時至津門。不恒居京師也。帝制禍作。知世凱精銳已竭。所部漸有異志。乃與蔡鑄密謀反抗。鑄去滇已則去。桂說陸榮廷起義。自稱總參謀。岑春煊爲都司令。事多諮于啓超。未久袁憤死。時歐戰方殷。英法自救不暇。俄則內亂日熾。美力亦難東顧。而世凱僭號。頗思外藉日力。苛虐條件。接踵以來。勢殊岌岌。知非加入協約。不足圖存。遂提倡絕德。祺瑞躋之一時朝野。上下爭言非是。孫文等尤持謂不可。康有爲且

通電止之。今協約國獲勝。舊時反對者亦羣曰。公理戰勝。強權此謂華人善變。不信。然與已復參祺瑞軍。平復辟亂。任財政總長。然武人不承節制。且用兵。湘川軍需至煩。唯倚外債。苟活。殊無所補救。段再罷。隨之退。自謂將纂修文史。以貽學者。約十年不入政界。近復以私人游歐。以暗贊陸徵祥議和。啓超。聰明敏達。如水銀得地。無孔不入。既更患難。謀亦漸老。故近所行鮮敗事。所著則飲冰室全集。言新學者。家有其書。又纂中國二大政治家。未成書。所主報章。則有時務湘學清議。新民庸言。國風。凡七種。新民叢報。銷行尤廣。然用功雖勤。文學實匪所長。每以一微義。演爲長篇。徒成辭費。詩詞尤不足言。而皆有論著世之學子。且有奉爲科律者。宜文辭之日浮冗矣。

### 章宗祥

字仲和。烏程人。留學日本法政。以民政部司員。受知善耆。屢擢至內城巡警廳。

丞時京津警政。暮氣已滯。而京師多貴族顯官。亦無人遵守警章者。宗祥尸位。自保而已。在位數年。朝列無怨言。世凱亦愛其和謹。入民國。歷總內務司法。寵遇亞於士詒。帝制議興。亦附從勸進之一人。然不參密謀論者。恕之。乙卯使日時。段黨方倚日自重。多結密約。宗祥不盡預聞。然亦有爲所經手簽字者。大都借欺約也。雖留學外洋。而不以組黨爲是。超然獨處。世凱嘗告人留學生而不染。浮囂習且達。治理者金邦屏。陸宗輿。曹汝霖。及宗祥四人而已。

張一麐

字仲仁。蘇人。清代官直隸。並阮忠樞。皆世凱舊幕僚。咸以和平見稱。而一麐始終不增帝制。且時以正言規袁氏。視忠樞僕僕。南北游說。改國者爲不件矣。世凱不重文人。幕客惟取明達縝密者。一麐平謹安祥。故畀以機要焉。入民國。屢爲公府秘書。及秘書長。政事堂機要局長。乙卯籌安會立。初規克定。弗納。繼以

朽索六馬。馭帝制危險。言於世凱。亦不聽。乃假病乞退。段氏二次組閣。引爲教育總長。未久下野。一磨半生。皆居幕府。治文書。既工。且敏。往往他人以數百言不能盡者。已以數十言了之。而無不盡之義。嘗飯餘。治官書。世凱對坐。且談且起草。一炊頃而十餘稿就。人誇爲枚皋。唯肆應。絀於忠樞。故宣統間。阮已晉京堂。一磨猶以監司需次也。徐世昌馮國璋皆與善。而國璋爲尤親信焉。弟一鵬久任法官。亦有名。雖才思發越而長厚則弗逮其兄矣。

### 王克敏

字叔魯。浙人。父存善。見近代名人傳中。克敏游學海外。通英法語文。以道員官直隸。袁世凱楊士驤皆賞其才。令司洋務。士琦固與存善篤交。故士驤以家人子弟畜之。一日衙參。十驤謂克敏來。孰若克琴。來。蓋王克琴析津女優。有豔名者。也。人傳以爲笑。入民國。充直隸外交員。適馮國璋作督。偶晉謁。爲一馬弁所

辱無怨言。國璋以是親之。後遂引爲財政總長。欲代馮組黨而爲安福派。所敗近爲南北和議者代表之一。克敏英妙饒才思。熱中希用事。亦盛宣懷之流亞也。起居奢靡。每出僕從輿馬。奕赫道途。丙辰乙卯間。時論謂京朝官之泰侈者。以克敏士詒爲最。云兼任中法實業銀行華總理。北方諸省所營工商業亦富。

### 孫洪伊

字伯蘭。天津富家也。宣統間充直隸諮議局議員。以結衆促政府實行立憲開國會。有名於時。入民國仍爲國會議員。已而爲世凱解散。直人張縱者奔走革命。有年。同盟會健將也。與洪伊善。遂引之黨。孫黃然。世凱治革黨嚴厲網羅。四布。亦不敢顯示反抗。及洪憲改元。知國璋不附。始南下。昌言討袁。世凱亦指之爲津門訟棍。令各省通緝。然北籍軍官多其戚舊。坐是聲勢益熾。袁死遂被舉爲內務總長。洪伊治事固疎闊。又多排斥舊吏屬官。咸不服。時徐樹錚兼院祕

書長專斷自恣。二人互負氣不相能。樹錚謂孫通報館多洩機務。洪伊謂徐挾制元首。竟致大閔。賴徐世昌出調解。免徐兼職。聽孫去。然樹錚仍貳陸軍部。勢猶炙手。洪伊益忿去之。滬頻通電揭段。徐劣迹。孫文入粵。組織元帥府。頗預其謀。然以殷富多姬妾。樂滬上繁華。初不他適。頻與國璋通信。使謀以倒段。世昌將就任。則電詆其爲宗社黨。頗欲操縱南北。而南中之陸榮廷等視之。殊輕。唯舊議員及戊午社中人頗倚其聲勢。或謂吳佩孚馮玉祥之主和。洪伊與有力焉。然激烈而不達事情。坐言而不能起行。往負盛名而已。

### 陸宗輿

字潤生。海寧人。清舉人。留學日本。速成法政。歸納資爲郎中。以工結納爲朝官。所賞調充出洋攷察憲制隨員。憲政編察館成立。充幫提調。兼政務處參議。奔助重其才。蔣擢授四品京堂。徐世昌督東。調督辦東三省鹽務。乃爲制定章程。

設分局七。補征局九。緝私局三。灘務局一。吉江則別歸官運。奉鹽值固賤。一時行銷甚暢。稅帑日增。時仍兼任京師諸差如故。頻往來京奉間。錫良至東。請辭以其應對明哲。且諳外交。雖允其住京。仍月支俸八百兩。已而謀築錦瓌路。益引參祕要。宗輿狀貌不揚。而平易近人。故良始終信其賢。奕劻內閣成立。授印鑄局長。國變後復有寵于袁氏。歷國務院秘書。駐日全權公使。交通部總長。並曹汝霖為親日黨領袖。頗營實業。致富有爲。新交通系中堅分子。宗輿喜怒不形於色。犯而不校。而審機達情。善爲趨避。强悍不若曹汝霖。而警敏過之。亦一時未易才也。世傳其接日人若奉師保。又納官實取資於名妓陸素娟。或不足信與。

龔心湛

字仙舟。合肥人。照瑗族姪也。初以知縣官廣東。稱幹吏。擢至道員。岑春煊張人

駿。皆舉其能。後除欽廉道。李經羲督滇。密藩移雲南。臨安開廣道。駐蒙自。駐轉地毗接安南。總理邊防。時滇越鐵路方通。外交煩重。歷任若增。厚魏景桐。職皆不舉。心湛至勵精圖治。時軍騎出巡。羣吏悚然。以軍事任孔繁琴。粵桂健將也。（繁琴於革軍時力戰死）經羲無知人鑒。所拔如熊範輿之流。徒能爲大言。悉無實際。獨心湛當官勤廉。百廢俱舉。民有頌言。光復自安南歸。後以藩授皖財政廳長。內擢財部次長。然不持名節。竟投王揖唐爲安福黨員。外任安徽省長。以加捐及鹽飭加價爲經羲所詆。然實倪嗣冲主政。心湛無如何也。未幾遷財政總長。蒞事。卽持減政節餽論。首次本部冗員。統一京師。出納然軍人方驕橫。裁兵議不能行。饒從何節。減政復爲朝官反對。世昌亦不謂然。司法官聞而大闕。謂將提起公訴。志竟不申。乃鬱鬱求去。以段祺瑞堅留始止。然恐終無留理。心湛勤樸。果敢視今之政客滑吏。蓋不可同日語。惜失足入安福系。君子羞之。



其減政節餽論尤正大而庸流撓之報章且從而譏訕輿論殊不爲援助賢者惡居下流其此之謂與甚畏其妻終身不敢置妾媵

傅增湘

字沅叔四川江安人父官直隸知縣久增湘弟兄皆長於三輔清進士授翰林院編修任貴州學政後改官直隸道員赴日攷察學務歸袁世凱頗倚以興學後遂授直隸提學使增湘治事詳慎頗調停新舊學辛亥鄂軍事起張紹曾阻兵于叔灤津勢岌岌乃贊陳夔龍謀拒革軍國變後辭職已而復出旋任教育次長祺瑞二次組閣引爲總長增湘恂恂儒雅不隸黨派嘗筭津門諸校北省學者多其弟子師張百熙所爲以獎借收衆心且家於直北洋軍官半聯鄉誼交馮國璋至密而段氏亦頗引重之誠善處輓近之世者矣弟增滄清進士授主事工詩有文名

## 田文烈

文烈。兼資文武。袁黨之上。駟然以持重和平。故入民國。馭歷內外。詆毀罕見。其智誠有足多者。汴人少卒業北洋武備學堂。嗣從世凱治軍。屢擢至道員。官直隸。名亞於馮段。而寵遇與埒。時共陸建章稱陸遜田單。言其饒智計善攻戰也。及陳夔龍領北洋。遇之甚疎。恒至彰德。待世凱。辛亥從之出。自是歷山東河南巡按使。攝河南都督。內任農工商總長。其巡警也。世凱舉其治績。風示各省。然曹兗之交。盜賊充斥。緝捕不修。然則何政足言。惟文烈少習法政。當前清卽主實行立憲。故于世凱之解散議會。停止地方自治。皆不謂然。在汴日頗注重教育。惜不久去任。未盡所施云。

## 陳錦濤

錦濤留學美洲最先。中學亦具根底。籍新會。梁啓超鄉人。而兼同志者也。當清

代受知載澤。充度支部參事。入民國後。凡兩爲財政總長。第一次代態希齡。在癸丑間。第二次則在丙辰世凱歿後。段氏組閣時也。既蒞事。用人頗偏私。守亦不能潔。未幾。以會計含混。爲議會彈劾。當時未作時。先已有人告錦濤。行賂彌縫。不聽。及彈章達政府。同官中有乞解于祺瑞者。祺瑞謂國是新定。不敢壞法。遂提送法庭。然許世英與錦濤案近似。而許獨得未減者。蓋錦濤嘗以事得罪。樹錚因譖之於段氏也。已質訊事實。竟收繫之。踰年始定罪。馮國璋初欲特援例赦。爲祺瑞所阻。說者謂袁氏時代之王郅馨。段氏時代之錦濤。皆以贓私獲罪。而貪人終不可止者。則以政府愛憎用事。非真能激揚清濁也。錦濤容貌甚都。文辭亦條達。而竟以墨敗。可嘆已。

曹汝霖

初則國以內無賢。不肖聞汝霖名。莫不欲得。而甘心。近則歐美報章亦詆之。不

遺餘力穢聲幾遍五洲而汝霖絕無媿怍方雍容壇坫假強鄰以自重烏乎不可謂非悍者矣字潤田上海世族留學日本法政以舉人官外務部受知奔馳那相時交涉唯日最煩皆賴其贊畫倚之若左右手數歲由額外司員遷至左丞攝侍郎事時漢尙書鄒嘉來權猶不逮汝霖也光緒末日人踞我延吉和龍峪地爭久不決是爲間島交涉宣統初以議安奉約日人自由行動朝野震驚汝霖獻計勸桐并爲一案安奉政警權咸讓之日人且以吉長路權奉之而彼撤去間島軍警東省疆吏人民咸指其損失利權太甚而勸桐以延吉鄰近長白爲祖宗發詳地今幸索回外部功在旂常反對者何無人心自是汝霖親日迹暴著而朝眷日隆衆無如何辛亥後袁氏任之如故乙卯五月九日之約帝制聯日之謀舉其參畫而輔之以陸宗輿嘗歷外交財政交通諸部近仍總交通徐樹錚欖權恃勢同列側目獨汝霖與之一鼻孔出氣故祺瑞視之若子弟

初王揖唐組織安福俱樂部頗藉力于交通系迨總統產出兩派中分而汝霖復與次長葉恭綽爭用人柄恭綽辭職去自是交通派中之新舊兩系亦不睦蠶系首領梁士詒新系則汝霖也值國內財政涸竭借款專倚東鄰汝霖勢不可侮士詒乃降心交之近方合力組織銀公司備壘斷財政汝霖對人和易不善爭辨而輕名節棄聲譽有唾詈不顧之概然非那桐亦無以至今日或謂所娶爲日女故視日如祖國云

張元奇

字珍干閩侯人清丙戌進士授編修擢監察御史嘗劾載振招南班妓謝珊珊侑酒又劾岑春煊暴戾時振春煊皆有寵于拉后故元奇直聲大著京察一等外放湖南岳州府知府世昌督東密蒞調錦州府知府至卽擢署民政使已而眞除錫良至撤左右參贊以用人柄授之民政升爲從二品視各省藩司於是

奉省政權盡操元奇手以起寒微多賴臧舊資助宣統初閩人羣至藩陽一時民政所轄署局其科長科員并三山籍矣尤奇者則以胞弟爲本署民治科長而甥楊東生筦警務元奇固畏其妻納妾弗敢使知就甘万橋居以公暇輒微服往左右則乘機通賄賂其時各縣警長半以賂得趙爾巽至頗裁抑之方欲營他調未幾革命事作元奇主獨立爲張作霖聶汝欽所持保安會不果行乃自乞退入民國歷爲內務次長奉天福建巡按使所至用私交如故不畏人言也元奇狀貌端凝神采甚肅望而知爲國器善語言卑抗得宜以錫良之落落寡合亦信之綦專世昌其同年生交誼尤篤終必畀以要任非內總長則外省長也雖起家帖括而主張新學故不持節操熱中獵進而較之許世英則差賢矣工詩主講鰲峰書院及官奉天時恆與弟子屬官酬唱哀然成集

### 周樹模

字少樸。鄂天門人。清己丑進士。授編修。擢御史。充出洋攷察憲政隨員。己授江蘇提學使。擢奉天左參贊。遷黑龍江巡撫。國變歸。居滬上。時與瞿鴻禨樊增祥等游讌。居然高蹈。無何。世昌出任國卿。舉之爲平政院長。聞命立起。人有廣北山移文以譏之者。然平政持其名。殊無所事事。第以特任官驕人而已。樹模通舊學。思想不如元奇士英之新。庚戌疆臣互議憲政官制。有言陸軍專防國外。警察專治國內。行政官勿兼軍權者。樹模通電謂使歐時親見法境內亂實。假陸軍力平定。故軍權必歸之督撫。議未決。而清社已墟矣。其撫江日幕府皆鄉人。若張國淦盧弼之屬。任官第重私交。政以不修。民政使趙淵恒於廣座間。詆之不能堪。乃誣淵肆口謾罵。遇事紛爭。載澧憤憤。竟罷淵。而江人極頌淵賢。建坊城闈。書還我使君樹模日過其下。不以爲赧也。樹模嘗告錫良程樹全多私墾欺罪當極。而說者又謂樹模取與亦難信。本起寒素。故而任撫。未及四年。遂

致殷富。是則弗可知矣。威儀整肅。自視甚尊。接屬官閉目。緩步人稱爲周城隍云。

### 莊蘊寬

字思緘。武進人。少而才氣發越。有才子之目。以明經仕清室。官鄂桂等省。屢擢至道員。除廣西太平思順道。所治接安南界極邊。兼領戍防。蘊寬恃才政多。更張已而因事爲長官劾罷。辛亥革命起。乃出而聯絡民黨。後幾代程德全督蘇。以望輕止。旋授浦口開埠督辦。獲交馮國璋。數荐其賢。政客文人亦多爲之延譽者。遂遷都肅政使。肅政官爲袁氏所創設。都使則清代總憲職也。蒞事頗獎勸臺官。多所彈劾。然世凱方思僭號。頗優容羣吏。彈章上第。令察覆。輒彌縫了事。坐是鬱求去。政府堅留之。已。遂代樹模長平政。籌安會起。舉朝發狂。蘊寬獨不謂然。頻諫袁氏勿爲宵人所誤。弗納。乃乞病罷。或謂段祺瑞之排帝制。蘊寬



亦參密謀。又謂其曾勸國璋反對洪憲。是亦有功。民國已。

### 孫寶琦

字慕韓。錢塘人。父詒經。官戶部侍郎。曾行走毓慶宮。寶琦以蔭爲部曹。內值總理衙門。外參使館。光緒間。晉京堂。充出使德國大臣。歸而上疏。主立憲。漸負時名。時已以女字奕劻子載搏。世凱等交接之。漸嚮用。宣統初。代袁樹勳巡撫山東。寶琦固嗜烟。才力荏弱。徒能言新政。他無一長。無錫許珏譏其難爲名文子。及任封疆。才益支絀。所任官吏。皆京朝有內援者。不問功過。辛亥冬。迫於議會。竟獨立絕清。世凱入爲總理大臣。以嚴辭責之。復取消前說。仍自稱山東巡撫。海內騰笑。未幾罷去。共奕劻設橡皮輪車公司於天津。袁氏以其嫻外交。且同出動門。引總外部。然力薄不足負重任。乃任稅務督辦。今且數年矣。雖廛仕。而以家用繁侈。仍無以自給。孫氏固張曜姻婭。曜撫東治績照然。比歿。民哭送其。

櫬已酉。袁樹勳擢粵督。奕劻力荐寶琦。載灃初不允。乃極稱其親德。今德方踞膠澳。外交繁重。非寶琦不辦。始報可。同鄉官餞之。寶琦演說。謂當效法勤果。勤果。躍謚也。座客咸日笑存之。殊不覺也。已而以獨立反覆名。竟敗。

### 汪大燮

宇伯唐。錢唐人。以舉人仕清。官內閣中書。工楷法。其鄉人葉爾愷。蔭之大學士。張之萬充總理各國事務衙門章京。累官至郎中。擢外務部參議。左右丞。已而晉侍郎。以訂滬杭甬借款築路約。爲湯壽潛所詆。騰譏國內。報章至斥爲賣國。然大燮特以善治公牘。嫻故事。爲奕劻等所拔。若借款結約。固主持有人。非其愆也。已奉派至英國考察憲政。宣統改元歸。歷外務部侍郎。兼政務處憲政編察館諸差。以和謹爲同官。所稱入民國。仍歷顯要。掌使事。任平政院長。乙卯帝制禍起。大燮初不附。從嘗共張一麀。談咨嗟太息。謂不圖項城竟至若。

此有宵人告之。世凱一日汪大燮入對。謂聞衆中有詆予初終易節者。君亦有所聞乎。知前語洩。默然不能答。自是乞退甚力。後段氏組閣。復起長教育。非所長也。未久下野。世昌就職。以歐戰告終。我國當參和議。組織外交委員會。審察利病。被舉爲委員長。然祺瑞自負參戰首功。徐樹錚等頗干涉外交。大燮惟作壁上觀而已。當日使要求懲戒顧維鈞等。至涕泣痛國事之不可爲。雖不起家學堂。亦不習東西語文。而在中國外交官中。除伍廷芳李經方外。資格爲最深。故諸政府皆倚任之。遂號外交界重要人物。

蔡儒楷

儒楷並傅增湘。皆以通達學務。受知嚴修。修因薦于世凱。焉。贛人初以知府需次直隸。充學務處提調。年方三十也。頗負才氣。工結納。入民國。遂任教育部次長。出爲山東巡按使。其寵遇駸駸視周自齊輩矣。然褻淺。率實非政事才。時

將軍靳雲鵬。魯人也。間干行政。權且亦不滿。儒楷所爲。坐是志不行。竟罷去。已而充參政院參政。袁氏方謀稱帝。則亦隨人勸進焉。儒楷初登仕版。卽筭學務。故始終主擴張教育。當甲寅乙卯間。地方自治取銷。學費多移供他用。儒楷不謂然。巡東日。頗責屬官興學而齊魯吏治不修。地方官多滑吏。乃假興學歛財。自肥。民頗以爲苦。吾聞之于資生云。

### 張 弧

字岱杉。浙紹人。少薄有文名。或謂其應試時。頻爲人捉刀。功令所謂槍替也。既舉于鄉。以知府仕粵。爲岑春煊劾罷。後投効吉林。或又謂其曾飾女優進。之陳昭常。因得復原官。管長春轉運局。錫良督東。湯壽潛旣書落其賢。而監理財政官熊希齡。更稱其綜核才冠三省。旋擢道員。代吳匡總吉林官運。弧豪縱。喜接納。所入羨餘。雖豐。殊莫供其揮霍。光復後。熊氏掌財政。拔吉省理財吏二。一弧。

一壽鵬飛。皆紹人。皆工心計。而弧聲氣爲尤廣。遂得筦鹽政處。日以資招府院。要人飲博狎游。於是輿援益多。不專恃熊氏矣。已兼財政次長。以恣縱。而度支亦多含混。爲人彈劾。察實褫職。未久。帝制議起。有爲解於袁氏者。適袁氏亦思得聚斂。臣遂復起。後仍筦鹽政處。乃與王揖唐聯姻。婭以附祺。弧初以條理精密。且飾爲曲謹。受知湯熊。旣達。頓改風行。鹽政處實權。半操之。稽核外人手。議事。往往齟齬。而弧治處事。有年。以恭順爲外人所信。歷政府。皆獎其能。獨周學熙薄其所爲。嘗以告世凱。世凱謂吾亦節取其才耳。報載其爲麻雀戲。每場勝負輒萬金。又所納姬妾多名妓。或信然。與。

鈕傳善

字元伯。江西人。捐納知縣。分四川試用。師事沈秉堃。歷權煩劇。晉知府。授雲南楚雄府知府。國變後還贛。附張勳。因爲落於袁氏。傳善固明幹。語言動作皆中。

規矩既入覲。遂爲世凱所賞。以道尹立擢陝西巡按使。嗣入筦菸酒公賣。且兼財政次長。駸駸稱理財專家。與熊周張梁抗手矣。當帝制初作。亦頗爲洪憲盡力。丁巳復辟禍起。傳善夙爲張勳落拔。至是不得不附其筦公賣。第用私交出納固不能無弊。及辦軍潰。逸出。祺瑞呈請褫職緝辦。然仍往來贛滬間如故。其鄉人宋育德李盛鐸復爲營求。陳光遠乃電乞政府取銷通緝。頗鋪敘其功績。世昌有尤意。段氏聞而阻之。遂不得請。然其人自試令蜀中。卽工結納善夤緣。並傳秉莖衣鉢。民國需賢。終當復起也。

## 江庸

字逸雲。長樂人。父瀚。事具文人傳中。庸少而淹博。及留學日本。習法政。益富新智識。嘗共梁啓超纂諸雜誌。或衍譯論說。名亞於梁。然安雅無時。士浮囂習。當清季。瀚官學部參事。所議教育章制。皆庸爲草定也。歷法界久。頗有聲。世凱初

重其賢。已而有譖其祗政府不應解散國會。摧殘自治者。遇以日疎。籌安會起時。共啓超化龍等議。拒帝制。後袁死。段氏組閣。推爲司法總長。庸富於學識。而昧于考察。喜用留學生。學于歐美者。化尤速。至特請破迴避例。調陸守經爲上海審判長。然守經雖學于美。而浮薄。卽取滬妓金小寶者也。初任事。試承發市。放榜屢愆期。致人言嘖嘖。其他任法官者亦多。此類頗累。庸清譽。然持正議。不爲勢屈。議赦帝制。復辟諸犯。堅持不可。雖志弗申。而卒以是辭職去。祺瑞仍援之爲日本留學生監督。時學生方起罷學風潮。紛紛歸國。庸至少少撫慰之事。始解著述。甚繁多。談法政。

沈銘昌

字冕士。吳興人。父某官常州通判。銘昌少穎達。光緒中舉于鄉。納資爲宜州牧。分湖北。嘗權沔陽州篆。久爲牙釐善。後諸局文案。以明敏爲上官。所賞。嘗赴日。

攷察政務。趙爾巽、陳夔龍皆賞拔。之後夔龍移督畿甸。遂以道員奏調北洋差委。充節署祕書。辛亥春。竟權津海關道。入民國。嘗官內務次長。乙卯。爲其親治。壽南。下實將袁命。以帝制事。與鄭汝成等多所接洽。明年外任山西巡按使。已而仍以將軍閻錫山兼攝。罷還京。近徐世昌任爲山東省長。當夔龍督直。幕僚以銘昌及林葆恆最有寵。然葆恆爲紹年子。與北洋派之豪縱者格格不入。銘昌獨圓活。袁黨要人多與聯譜。其爲次長。巡按一主和平。不敢忤權貴。故官僚皆稱之。其至魯省任事日。卽臚陳張樹元治匪功。蘄爲補實。冀見好。同官且聯絡諸武人。其靈敏可知。弟寶昌。字韞石。清舉人。任上海縣知事。亦通達。工交接。視其兄。又爾昌。任杭州關監督。

### 王揖唐

合肥人。初名賡。字揖唐。後以字行。清進士。授主事。自請赴日習武學。長官器之。



卒業士官學校。歸以道員從徐世昌至奉天。初爲督練處參議。已而任吉林兵備分處總辦。陳昭常撫吉。頗重科名。揖起。甲榜。雖充軍職。仍時引參政事。乃少。援引鄉人。而不得大行其志也。錫良督東。辭去。入民國。皖籍武人多執兵柄。揖唐獨不居軍隊。自願組織政黨。爲袁氏排異己。造輿論。世凱驚喜。呼爲可兒。遂發起共和統一黨。時國民黨主行聯邦制。共和黨主中央集權。互相反對。政府頗右共和。然所爭在政見。且黨魁爲湯化龍。梁啓超亦非悅服袁氏者。自統一黨出。專以衛袁爲職。純粹私爭。無政見可言矣。其言論機關則滬上之大共和報也。後國會解散。黨爭並息。乃出任吉林巡按使。頗張皇文告。而所任官吏。蔑一非私交。嗣以與孟恩遠不能罷歸。再起爲參政院參政。頗鼓吹帝制。戊午。段氏集新國會。揖唐承徐樹錚指。組爲安福俱樂部。以發起功。推爲衆議院長。乃舉徐世昌爲總統。要求世昌以安福爲大本營。世昌漫應之。然黨綱主征服。

西南徐就任。孜孜營利。欲舉曹錕爲副總統。梁士詒等持之。揖唐大憤。迨錢能訓組閣。案提出。竟主反對。賴祺瑞疎通。始勉強通過。揖唐以武人而專組政黨。以組黨而竟致鉅富。其視名節清議若敝屣。然使生明末。崔成秀阮大鍼之選矣。工演說善接納。章炳麟初入朝。爲所愚。頗引與謀時政。已而始悟其奸。

### 饒漢祥

字宓僧。鄂人。樊增祥弟子。清代以舉人考試得鹽場大使。發福建候補。夙嗜鴉片。至閩適逢功令禁烟。其調驗日賴同年生梅某調護。得無事。梅固禁烟局文案也。入民國。應黎元洪聘。充鄂軍府祕書。漢祥固工文辭。所爲公牘多摹唐陸敬輿。頗爲元洪製長電通告各界。皆悱惻悲痛之言。其諷刺偉人軍官驕恣狀。咸默契社會心理。黎譽漸著。漢祥遂領幕僚。後竟落充湖北民政長。然幕府貴能言政。長貴能行。漢祥徒工坐論。實不足當一面。旣任事。殊無他長。世凱嘗笑

告左右。彼素爲大言。今權已在手。還能一一實踐否。語少少。外聞不自安。乞罷去。迨參政院立。以其爲元洪親信。援爲參政。及袁死。黎繼。遂爲領公府秘書。頗憤祺瑞專權。樹錚盜柄。乃聳元洪。罷段。其以李經羲組閣。亦漢祥等所主張也。當梁啓超湯化龍議絕德輿。黎幕府僉稱非策。謂協約國必不能勝。俄方內亂。求和。設德軍自西比利亞來。我國覆亡。且不旋踵。元洪信之。黎段惡感益深。聞持是議者。以漢祥爲最堅云。

韓國鈞

字子實。江蘇泰州人。以舉人仕清室。官河南知縣。補永成。歷權劇邑。當官日。擅聽斷。頗提倡農工業。有名於時。已捐升道員。筦汴省實業。兼理交涉。歷任撫臣。交蒞其賢。獲交軍機處存記。趙爾巽任奉天將軍時。嘗奏調之。後隨張人駿入粵。署勸業道。兼督練處參議。錫良調歸東省差。數爭人駿。乃允其行。至卽擢

奉天交涉使。光緒中河南吏治不修。牧令唯知酬應趨奉。國鈞獨留心庶政。且涉獵新書智識通敏。故聲譽銳起。奉省外交首重對日。而日狡強我疲弱。非有弘毅先見之才。不獲補救。國鈞非其選也。當官幾年。碌碌自保而已。時議開葫蘆島商埠。築錦洮鐵路。事皆主於鄭孝胥。國鈞僅領銜。辛亥趙爾巽督東。擢權吉林民政使。國變復退還。袁政府時代。歷任江蘇安徽巡按使。在皖日倪嗣冲方恃寵專橫。時干民政。莫能與爭。乃乞罷去。國鈞微髻方面。行則挺胸俯首。而趨。雖老神觀不衰。對人語詳婉可聽。每草公牘。書法奇特。不易識辨。頗主推廣。綿鐵與張謇聲應氣求。現爲江蘇水利會會長。

齊耀琳 耀珊

耀琳。耀珊。弟兄也。籍吉林伊通縣。在清代爲漢軍旂人。皆起甲科。耀琳入翰林。耀珊授內閣中書。後並外任監司。受知張之洞。袁世凱等。宣統末琳擢至直隸。

藩司。珊任江黃德道。入民國。琳代韓國鈞爲江蘇巡按使。洪憲稱帝時。封子爵。初亦隨諸人勸進。已而西南浙陝川皆叛袁。知事不可爲。則附馮國璋。持中立度。態故袁死。仍得居省長。丙辰楊善德督浙。屈映光已先逐去。乃蔣耀珊爲浙省長。江蘇大彊一水相通。以兄弟領之。且琳在任。幾年。珊亦三年。民國政界。傾軋文官。鮮得久任。若二人者。誠蒙異數矣。並廉平和謹。與人無迕。當官亦不能有所樹立。琳用人先請託。而後私誼。蘇省差缺。優者恒有京朝官。及重要政客之援引。次者則以處年家。故舊。珊用人。反是先私誼。凡浙之優美缺。皆鄂中舊同官及吉林同鄉。次者則留以待獻者之託。故二省吏治。僉不修。然屈映光操守弗可信。耀珊繼之。包苴不入。故屬吏中尙有稱頌之者。

汪瑞闈

癸丑袁世凱特命瑞闈爲贛民政長。都督李烈鈞拒之。乃明令罷烈鈞職。於是。

南北決裂。未幾。遂有湖口之役。二次革命。以起。然則瑞闈之進退出處。關係不誠重哉。皖人字喆荀。踰冠入官。以才氣勝。或謂實納妓爲室。取其資運動。始致通顯。是弗可知矣。當清癸卯。以道員需次江西。緝武備學堂。柯逢時。夏時。交落其賢。稱爲光明俊偉。辦事實心。遂權臬篆。後改歸江蘇。司上海商埠警政。有年。後任巡警道。瑞闈固楊士琦姻婭。與袁氏有舊。時議軍民分治。遂令長江西民政李烈鈞。以其非國民黨。喉議會。撫拾舊事。通電拒絕。實則瑞闈雖品節不修。而舊官贛省頗果敢。任事初非劣吏。特以黨派關係。初之官日。竟爲省議會都督所拒。不得視事。及烈鈞罷。革亂定。乃受篆。自以袁氏爲己。興戎寵異。他吏日益驕恣。營私樹黨。差缺強半。皖籍爲人。彈劾王瑚。馳察得實。提付文官懲戒會。議決褫職。上書自辨。謂以擁護中央得罪。黨人致中誣。蟻不報。已而帝制議起。特復原官。充參政。瑞闈少美風儀。有璧人之目。權贛臬時。常備軍統岳嗣儀。日

與周旋語多狎戲人皆笑之

戚揚

揚在清代以強項稱疆臣密蒞爲贛中良吏第一特擢松江府知府自入民國久縮省符趨炎附勢阿順取容譽以銳減說者謂其晚節不保然在宣統初人已有以假龍圖譏之者矣字升淮紹縣人以庶吉士散館授江西東鄉縣知縣初蒞官以廉幹稱移權首邑柯逢時適作撫風裁頗峻揚知其好虛譽乃以強鯁應之遂獲蒞拔及晉監司程德全撫蘇夙耳其名亦專疏蒞之汪瑞闈治贛以舊屬挈之從已竟代其任旋改巡按則屈節以迎武人事皆稟命李純而後行張勳籍贛時巡閱長江勢方炙手故所舍施亦頗承勳意因力蒞於世凱竟得久任癸丑贊帝制甚力封子爵袁死以李純力仍保其位及復辟事敗則通電宣勳罪狀抄沒其產人有譏其反覆雲雨者弗顧也無何勳得釋且有復出

筭軍耗。又函電稱賀。勳怒拒之。揚治贛踰五年。善政寥寥。謗書盈篋。而處之泰然。所謂行危言孫者。非與而君子羞之矣。

### 子孟憲彝

字秉初。順天人。以舉人官奉天知縣。和易安祥。爲上官所賞。蔭擢監司。光緒季年。除雙城府知府。權長春。時顏世清任東北路道。其長官也。恃才恣縱。漸不相能。錫良督東。以張錫鑾蒞知奉天。首郡也。憲彝事張元奇等。皆能得其驩心。而對商會自治會。亦主和平。純以敷衍出之。故上下交稱其能。辛亥春。遷東北路道。入民國。初任吉林民政長。改巡按。以狎妓縱博被彈。察實。付懲戒。褫職。帝制議起。復官。充參政。馮國璋任總統。授爲畿輔河工督辦。憲彝短軀。幹工楷法。當官不持儀節。守奉日恆。從張錫鑾觀劇。爲品第伶人優劣。然當章鱗炳。爲東三省籌邊。使駐節長春。憲彝方任觀察。而視章蔑如。有所指令。並置不覆。炳麟憤



而揭之。以多內援。竟不能去。

陳廷傑

銅梁人。仕清。官廣西知縣。有能名。辛亥。桂林獨立。胡景伊方爲混成協統領。不附革命。還蜀。廷傑從之。二人皆籍重慶。交至篤。迨景伊任蜀都督。遂舉之爲民政長。旋改巡按使。而廷傑特小有才。不可大受。旣總省政。惟孜孜援引私人。百務廢弛。省內外會匪充斥。盜賊塞塗。陳宦旣代景伊。遂兼領巡按。廷傑先已入覲。宦卽劾其度支浮冒諸罪。褫職。禁之詔獄。後乃判決徒刑。廷傑治蜀。筭財政者皆貪。吏若董鴻詩之流。竟挾資數十萬以逃。庫官趙文哲。日市珍異。治美饌。以餽之。羣吏效尤。風氣大敗。嘗春日讌集。酒酣。召雛伶侑觴。堂屬酣嬉。無復體制。人有爲竹枝以譏之者。當奉命入覲。遍餽府部。要人多拒弗納。知事將敗。亟求鄂人某爲解於陳宦。而彈章已上。或勸其逃。方屏當行李。提騎已在門矣。

## 王瑚

字鐵珊。定州人。起家翰林。授四川筠連縣知縣。當官勤樸廉惠而治盜甚嚴。戊戌川東仇教案起。瑚乃短衣草履率練勇拒匪境上。邑賴以安。受知長官。歷權劇。呂岑春煊調之廣西。充統領。勦辦游匪。所部周國祥孔繁琴皆健將。所向有功。事平擢知府。林紹年撫汴。任陸軍協統。旋奉旨攝欽廉道。以防城陷。褫職。錫良督東。特疏落復原官。授吉林東南路道。治三姓。乃考求警政實業。以時微服出巡。境內躡年百廢俱舉。輿頌翕然。後章炳麟籌邊。言於世凱。謂清代東省兩循吏一黑龍江。民政使趙淵。一則瑚也。二次革命後。武人把持湘政。不修益以災。侵熊希齡。特言於世凱。遂得任爲湖南巡按使。而湯薌銘拒之。竟不得之官。嘗承令按事江西等省。歸授肅政使。及籌安會發生。亦默默列班。行既不。敢諫。諍亦無去意。視趙淵之不臣袁氏者。有媿色矣。然其人廉儉勤實。任牧令時實。

足。衿。式。末。流。自。飲。廉。罷。歸。躬。自。糞。田。溷。跡。畊。牧。治。軍。粵。西。紀。律。甚。肅。一。軍。弁。偶。醉。後。戲。肆。人。女。肆。人。訟。諸。瑚。審。實。將。行。刑。國。祥。稱。其。善。戰。持。不。可。聲。色。甚。厲。瑚。起。以。鎗。擊。弁。斃。謂。國。祥。曰。君。不。服。曷。擊。我。國。祥。感。服。跽。謝。罪。乃。已。

### 王祖同

河南鹿邑人。清光緒己丑翰林。選廣西知府。以丁憂去官。袁氏既任總統。以鄉誼任爲肅政使。復授參政院參政。令按事福建。至閩。則許世英參案。蔑欸非實。隨員某請據實揭覆。以肅吏治。祖同笑曰。今之政。卽清之政也。載振。納楊。翠喜。通國皆知孫文正察覆。且力爲辨誣。况雋人方有寵於項城。吾何爲結怨於彼哉。覆上。世英竟免吏議。時袁謀稱帝急。思結好陸榮廷。知祖同夙與同官。因特任爲廣西巡按使。比蒞官。雲南已起義。龍覲光承袁旨。進兵百色。龍陸固姻。姪祖同不虞有變。尙排日晏官吏。薦紳稱述。項城功德已聞。榮廷起義。弗信。一日

方接客。有弁以陳炳焜公文進。啓視則遣其出境護照也。駭極泣下。然桂軍仍以禮送之出。遂自粵港歸。有同年生叩此行。何若。輒歛歔。謂本初負我。

### 張鳳臺

亦汴人。以乙科知縣。官直隸。有勤幹名。丁未徐世昌調赴奉天。時已擢知府矣。充長白設治委員。長白巨嶺密箐。亘數百里。不通行。人至是議設一府四縣。鳳臺乃募民夫開道路。所爲報告書頗涉鋪張。錫良至。有譖其開支浮冒者。檄之還藩。及進見。則一樸直老吏也。意遂解。且奏請試署。然鳳臺已衰老。不賴荒寒乞歸。令充署參事。則幕僚也。國變後入關。從政畿輔。已而簡爲河南巡按使。當官一無建樹。權皆操之。左右羣從之手。一知事方以事咨內部。褫職。越數日。突委任權一劇邑。其人欣然捧檄之。官無何。部覆至。大總統命某官著褫職。訊辦幕客。叩以旣已請褫職。何以委權劇邑。鳳臺茫然不能答也。所行多類此。騰

笑遠近。袁氏乃令人授意。使自乞休。已而復充參政院參政。爲汴人勸進者。領袖。

呂調元

字燮甫。懷寧人。仕清。以知縣官直隸。除南宮。以工。酬酢能得上官。驩時當庚子後。頗勤緝捕。參。匪。潰。兵。餘。孽。不。得。逞。衆。稱。幹。吏。因。歷。權。繁。劇。辛。亥。後。仍。官。畿。輔。馮國璋張錫鑾等。僉稱其能。乃授參政。未幾。陸建章出守秦疆。落爲陝西巡按使。陝固中省。亂後。度支尤竭。建章夙嗜鴉片。至任日。大開烟禁。調元利其可裨饒。乃創爲畝捐。凡土種烟者。分上中下三等。科稅販運發賣者。另輸捐。於是關隴間。遍地皆煙。外人之來游歷者。著論譏之。世凱方倚建章爲爪牙。第令秘書密書戒之。弗能禁也。帝制禍起。外吏勸進最殷者。首推陸呂。後陳樹藩受祺瑞指。起義陝南。建章軍殊無鬪志。遂圍西安。調元就陸決進止。陸給之曰。晉汴援。

軍尋來何憂。爲是夕已寢。有弁來告曰。將軍已挾輜重遁矣。大驚跳而出。狼狽北逃。行裝蕩然。仍還就天津。居以此頗怨。建章漸附祺瑞。龔心湛內用。遂除皖省長。調元無他。能徒工逢迎。亦今之從政才也。

### 朱家寶

字經田。雲南寧州人。起甲科。官直隸知縣。庚子。獨拒拳匪。豁境晏然。世凱督直。落爲近畿循吏第一。擢直州牧。已。晉知府。調守保定。奉派至日本。攻察政務。累官至臬司。乙未。超擢吉林巡撫。吉界日俄。外交繁劇。非家寶所長。乃移撫安徽。戊申。經熊承基之變。賴江寧軍來援。得無事。適世凱被逐。幾不保其位。奕劻爲營救。乃免。蓋家寶工夤緣。其子。民政部員外郎。綸。師事。載振者也。辛亥。安慶革命事起。初猶堅守待援。已而鄰省咸報。乃宣布獨立。被舉爲都督。旋被擠去。內任倉塲總督。其先雲南光復。蔡鍔等知皖未下。竟拘家寶父。令作書勸降。毅然。

拒之曰。吾子已仕身爲國。有吾不預其進止也。明年憤死。其弟亦以毀卒。家寶官京師。如故。初不奔喪。可謂無心肝者矣。後出任直隸巡按。力贊帝制。袁死。改省長。復辟事起。又首先來賀。懸龍徽。用宣統紀年。後幾爲祺瑞所縛。賴世昌曹錕交救得脫。今仍擁厚資家於天津。

張鳴岐

守堅。伯山東人。父某官湖南縣丞。鳴岐幼而穎悟。嘗肄業南學。衆以其巧黠。擬爲紅樓夢之王熙鳳。已中鄉試。時岑春煊方官太僕少卿。時共夏同龢等游。因識鳴岐。及春煊簡粵藩。同龢力荐之。遂入岑幕。嗣隨至甘肅。庚子夏。力贊春煊勤王。自是歷秦晉蜀諸省。皆掌機要。遂專疏落其才能。謂可躋左宗棠。竟特賞道員。復調至粵。時岑幕名流。推岑熾與鳴岐。然熾剛方不諧俗。且不通新政。鳴岐則靈敏計事。輒中躐年。遂除太平。思順道。超遷藩司。代林紹年撫桂。當春煊

以鐵路事收繫粵紳黎國廉時論大譁。鳴岐電屬礪王秉恩等職以謝衆君子。自是有以窺其微矣。宣統庚戌袁樹勳爲載澤所嫉罷去。鳴岐適入覲。餽親賈頗豐。遂代樹勳督兩粵。一舉人至兼圻不踰九年。清代所罕覩也。蒞任未幾。值辛亥三月廿九日之亂。狼狽走出。非李準救。幾不免。迨鄂事起。粵人亦思獨立。而鳴岐首鼠不敢決。頻反復。後李準已通民黨。遣其弟及胡漢民等共盟於香港。遂逐鳴岐去。後陸榮廷龍濟光交落其賢。世凱欲用之。左右譖其爲岑黨。世凱曰。斯人知有富貴而已。我以好爵寵之。叛岑必矣。竟授廣西巡按使。嗣移廣東。二次革命作。春煊之粵。謀說龍張叛袁。竟爲所拒。且聞於政府。遂縣賞通緝。春煊乃爲書絕。交力祇其天性涼薄。語絕沈痛。殊不以爲赧也。洪憲改元。以勸進功封上爵。事敗遁去。鳴岐父子皆予夙識。其父長身鶴立。伉爽直實。誠齊魯間丈夫也。鳴岐貌旣委弱。微髻削肩。其治公牘。起草字大勁。三寸一牘成。寥寥。



數語而已。殊無精采。春煊奉若神明。末路竟爲所阨。使人皆若此。朋友之道危矣。

### 畢桂芳

桂芳旂籍。光復後乃自承姓畢。少卒業同文館。習俄文。光緒末爲海參崴領事。前任則上海李家鏊也。家鏊負氣敢任事。議外交不爲人屈用財。尤慷慨僑商羣戴之。桂芳至反其所爲。衆怨沸騰。錫良密言於外務部。而那桐夙暱桂芳。竟置不報。入民國俄方畢力煽外蒙叛我。假事逐都督宋小濂。世凱以其嫻俄事。任爲黑龍江民政長。已而兼領軍符。適歐戰作。邊境少安。時師長許蘭洲方專恣。倚張作霖爲援。素薄桂芳。不習軍事。乘世凱死。竟逐桂芳。因踰隄南下。今俄勢已衰。莫從營置頓矣。

### 李開沅

字穎臣。黃岡人。祖某。官四川布政使。經歷。開僉以優貢授州判。分雲南。適李經羲撫滇。以已起明經。凡出身五貢者。並予優差。缺而開僉尤工書能詩。時與酬唱。因納爲幕僚。捐升同知。以勸辦秦晉賑捐功。擢知府。適安陸李紹芬任滇藩。聘司官吏遷點。權勢奕赫。一時有大藩司紹芬。小藩司開僉之號。然第共僚友。飲博狎優。未敢通賄賂也。未幾紹芬爲丁振鐸劾。罷懼禍及。去之廣西。張鳴岐固其篤交。仍引治機要。旋擢道員。除太平思順道。龍濟光陸榮廷先後提督廣西。舉契開僉。而黎元洪又其鄉誼。交相汲引。癸丑竟任粵省巡按。以議田賦實業事。與薦紳不相能。梁啓超等亦毀之於政府。憤乞病去。後授參政院參政。開僉故黔撫王毓藻甥也。予夙識之一。在弱書生耳。及官滇桂。殊鮮政績。自入民國。乃與諸政客斡旋乎南北之間。有聲於時。所謂士三日不見當刮目相待者。是已。書法道潤。有風致。詩亦精雅。間據感憤。頗近玉谿。

段書雲

字少蒼江蘇清河人。以拔貢仕清。受知李鴻章。落擢至直隸道員。書雲勤幹奮發。屢筦近畿及永定河工。饒有能名。楊士驥嘗告人。若少蒼者可謂樸勇。宣統間。除永定河道。初蜀人衛杰治河久。綜覈甚嚴。帑以大節。自杰死。始少浮濫。書雲法杰所爲。頗剔浮費。羣下不便。其所爲者。呼爲段種。斷段同音也。入民國。朋輩多疑其不復出。孰意銳進不已。竟獵得湖北巡按。或謂書雲官三輔時。聯祺瑞芝。貴爲同族。因得內援。遂縮省符。是雖不可知。而其總鄂政日。所任官吏。莫不挾有權要。蒞牘者。若爲芝貴等所蒞。雖貪酷被控。揭亦爲彌縫。息事。自是風節日卑。政亦不舉。籌安會作勸進。尤力與仕清。日若出兩人。論者惜之。書雲精神強固。雖老而健。啖善談。有豪士風。

郭宗熙

字調伯。湘陰人。清翰林院編修。徐世昌督東。奏調東省。差遣。遂以道員留吉林。或謂時。湘人郭立山。官翰林。至負清望。世昌欲調贊幕府。而誤以宗熙名入章奏。云。然宗熙。陳昭常同年生也。昭常既撫吉。因得除延暉兵備道。適吳祿貞方督辦邊務。頻以詩詞屬和。實俚拙。不可通。少少諷之意。遂相左。自以督辦爲長官。視兵備若屬吏。宗熙不能堪。假病乞罷。昭常以其情告錫良。慰留之。間島事解。擢權交涉使。國變後。改教育司長。已。遂代孟憲彝。巡按吉林。近仍任省長。兼中清鐵道督辦。民國文官罕得久任。獨宗熙八年不出吉省。雖無赫赫譽。而同官之武人。與夫薦紳父老。都無怨言。固由其和謹使然。而視孟憲彝輩操行。亦較可信也。宗熙狀貌平平。接人謙巽。而通達事理。其治延吉日。每祿貞與日官談判決裂。皆賴其調解。發語中。槩頗能顧衛主權。故祿貞雖與不合。亦卒稱其賢焉。

朱慶瀾

字子喬。紹縣人。起文吏。以長緝捕。筦奉天巡防軍。受知趙爾巽。光緒乙巳。授統領。駐軍錦州。累保至道員。時日俄戰方罷。避兵者。麇集寧錦。慶瀾親督諸軍。梭巡。獲盜。便宜斬之。不請命。將軍也。以故。轄境大安。關外人莫不頌其賢者。已爾巽自鄂移蜀。奏署四川陸軍統制。然慶瀾不通軍事。學所屬。若周道剛之流。咸輕視之。治軍幾年。初未成。鎮爭路事起。趙爾巽調陸軍彈壓。慶瀾聽之。未幾獨立。初被舉爲副都督。是時爾巽實暗調邊軍入圖恢復。爲尹昌衡等偵知。遂殺爾巽。逐慶瀾去。去之日。狀至狼狽。復投爾巽于奉天。落諸世凱。得筦黑龍江軍符。兼理民政。頗飭警務。且議興墾牧。世凱以其政績。風示天下。然予詢之。黑龍江人謂百姓殊不蒙實惠也。後段芝貴督東。稱上將軍。將並轄吉江。時帝制議已起。乃乞休去。袁歿。段祺瑞蒞爲廣東省長。丁巳。祺瑞罷政。浙皖獨立。西南

自主慶瀾頗主張絕段頻演說宣告指斥政府不良願躬率師徒北伐而人皆疑其爲段奸細督軍陳炳焜首收其警備隊權粵人且羣起詆之赧而辭職還居于滬或謂其熱心虛譽不甘蟄伏終必再起焉

### 周善祥

字仰菴浙人或謂其初爲北洋電報生又有謂其卒業于警視學校者趙爾巽黨中健將也嘗治瀋陽警政已而從爾巽于鄂蜀奏除四川巡警道初周善培筦蜀警雖形式設備未完而精神奮發視天津不多讓繼者爲高增爵政以日弛善祥至第求形式苛捐嚴罰殊無實際而民怨益滋肆商聞善祥名莫不蹙額辛亥爾巽移東督乃自請開缺游歷日本是秋至奉卽奏留司奉天會垣巡警無何鄂軍起義奉事岌岌善祥等乃議結保安會國變爾巽稱奉天都督仍畀以民政商民惡之者與蜀同然以出北洋系且工運動復有寵于袁氏內而

參政次長。外而政務。屢居要津。丁巳。傅良佐督湘。援之爲省長。既蒞任。而范王退師。乃偕良佐潛遁。去更通電。自明身受政府委任。范王既叛。政府義無留理。故挈印以行。已而交付懲戒。然倚祺瑞勢。殊不赴質。近聞張作霖將舉爲巡閱署參贊。亦段力也。

方 樞

字立之。皖人。學于日本。習法政。歸供職奉天諮議局籌辦處。爲張元奇所賞。蒞諸錫良將引入幕府。而良以樞所取爲日婦慮洩。幾要事竟寢。壬子調京師法制局。徐世昌任國務卿。援入公府。時袁氏方修改約法。樞實預其事。授爲少卿。已而洪憲改元。與顧鰲等同受命制定憲法。未就而帝制取銷。然樞固隨人爲進退者。故時論亦澹然忘之。不若鰲之負譏謗也。

榮 勳

父恭壽官成都將軍。勳以廕爲部曹。取榮祿從女。庚子後改官直隸道員。世凱爲祿門人。勳因得信任。已蒞綰京師內城警務。擢內閣學士。民政部侍郎。入民國任內務部次長。時總次長中旂籍。唯勳一人而已。後移蒙藏院副總裁。妻子皆顯。獨勳明白事理。其妻與載灃妻兄弟也。當灃攝政日。勳無驕人色。以蒞拔。由于世凱故歲時書問。餽遺恒致。彰德不以其放逐少略禮數。故世凱感之。任蒙藏院時。報紙謾詆。蒙古王公亦有譖之者。政府終弗信也。當籌安會起。蒙滿人之希富貴者。紛紛結團體勸進。世凱初亦甚喜。酬賚頗優。已而效尤者衆。賞漸薄。勳乃告袁克定。若是將失人心。於是時滇蜀已起義。悉索敝賦以供軍費。卒無以應。勳請勸進黨。至有登勳門。訴誅者。乃太息告人曰。彼稱帝不成。徒累吾若。囊人負責者之度。除夕寧非池魚殃耶。

金邦屏 林長民



籍皖。基督教徒也。爲鄭孝胥壻。留美學生。廷試最優等。受翰林院檢討。已入陳夔龍幕。參北洋外交。國變後。受知袁氏。內參秘勿。且任平政院長。外任日本使事。宣統間。予嘗見之。析津人。頗雅飭。無留學生習氣。及洪憲僭號。彼乃爲袁氏計畫。外交。依倚強鄰。自是爲士林所羞。稱長民間人。留學日本法政。爲預備立憲會會員。掌福建諮議書記。鄭孝胥荐於錫良。聘之弗至。入民國。爲衆議員。隸共和黨。共劉崇佑等。持議屢與國民黨左。世凱賢之。引入政界。命制憲法贊部。務官至司法總長。袁死。湯梁等任國務員。咸援長民相助。近爲外交委員會會員。頗主統一鐵路。破他國壟斷政策。歐美人士多贊其議。而新舊交通系。力詆其行失主權。議遂寢。閣夫國力不充。欲以平均假欸。統一路權。吾恐公共管理。鐵道團成立。寢假而及于公共管理。財政內政矣。蓋此類計畫。言之未嘗不可。動聽而弊。卽伏之。賴有明達者。執權其利害。輕重。庶幾行之而效耳。

## 吳廷燮

字向之。陽湖人。父宦於晉。少卽居山西。好研求掌故。邱鈔至。則分別編之。爲類博稽政書輿地圖誌。久而貫通。記憶力尤強。卽以清代故實言之。纍纍若貫珠。嘗授讀錫良家。後以同知官晉。歷任疆吏。皆延之幕府。趙爾巽尤愛其才。擢至道員。蔣入政務處。除民政部右參議。兼憲政編察館編輯。時沈家本修律。多所改革。朝官守舊者。半持異議。廷燮獨主張行新律。著論以排異說。入民國。曾任法制局長。兼公府祕書。爾巽復聘修清史。然其爲學博稽而鮮創。獲工爲條議。有倩其起草者。一日間能成章。程數百條。且融貫古今。故時流皆詫其博而實不盡可行。徐世昌督東。大更官制。其議案。廷燮一人所草創。而潤色者也。及錫良繼任。主節帑汰官。裁去左右參贊。旂務司。巡警道。亦廷燮主稿。蓋以已所發議。而能自爲駁削。雖辨才無礙。亦可見其博而鮮要矣。形狀蹣跚。復短于視所。

服衣皆寬博而袖尤大。晉人呼爲吳大袖子云。

金 還

趙爾巽幕中號多才士而還與葉景葵爲領袖字仍珠江寧人以舉人官山西知縣受知爾巽調入湘頗贊其維新然所任吏多假興學苛歛者故爾巽撫湘兩載頗爲學生稱頌農商之氓則痛心疾首焉已授奉天將軍再調入藩筭財政局瀕行提公款二十萬朋分之世昌繼任奏揭革職雖終賴爾巽力復官而爲張之洞所惡不敢復出乃就上海居爲爾巽交通報館及在野諸名流錫良督東立電告良謂世昌去任盡以軍械報効禁衛軍希寵親貴關東界兩大軍儲不可一日虛還方居申願爲購辦良笑卻之已而議築錦瓊路之洞亦先死遂奏調至東令會辦鐵路及錦州灣開埠事兼東三省官銀號明年爾巽繼錫以舊僚寄日隆重辛壬之交歷任度支鹽運諸司態希齡引爲財政次長世凱

將。重。用。之。以。世。昌。諫。乃。止。然。還。仍。來。往。京。津。間。交。通。聲。氣。蓋。趙。幕。皆。工。運。動。而。還。尤。靈。敏。足。冠。其。曹。然。以。共。陸。大。坊。設。公。司。墾。荒。奉。天。張。作。霖。指。爲。暗。通。日。人。突。縛。大。坊。還。百。計。求。之。不。得。釋。公。司。竟。爲。封。閉。可。知。巧。黠。縱。橫。之。士。一。遇。趑。趄。者。其。技。亦。無。所。復。施。有。友。告。予。當。時。曾。見。還。京。津。車。中。狀。至。愁。鬱。亦。可。憫。已。

### 吳笈孫

字世湘。固始人。父官直隸知縣。因家于保定。少共其兄篋孫。師事吳汝綸。嗣納資爲部曹。分民政部。世昌督東。調充秘書。兼筦電報。徐幕非翰林官。若劉福姚孟錫珏之流。則留學生。或腐敗。或豪縱。獨笈。溫雅明通。論者稱之。世昌亦信之最專。雖私家事。亦倚爲處分。已。隨世昌還京師。改官郵傳部。國變後。世昌援之入公府。以謹飭。故名位不顯。帝制禍作。尤自蹈晦。然亦和異。未常迕人。戊午。世昌受總統任命。爲公府祕書長。吳氏昆弟三人。長篋孫。自有傳。笈孫。質孫。咸有

時名而笈孫尤和慎人莫能窺其喜怒其鄉人張邵予許爲遠到器焉

葉恭綽 龍建章

字玉虎粵人以甲科授主事由商部調入郵傳黨於梁士詒以明敏爲歷任尙侍所賞擢郎中掌路政司印時郵部有一龍一虎之號謂恭綽與建章也舊時京朝官以郵傳最腴而鐵路局事又冠郵傳士詒筦路局久遍植私黨台諫交章劾之詞連恭綽爲堂官所庇無如何及盛宣懷任郵傳始令李經芳代士詒而以恭綽爛公牘仍聽其留司然權則少少替矣入民國施肇基初任交通然士詒爲交通銀行總理實權仍操其手而方任公府秘書長力弗能兼顧建章又已外任則舉而託諸恭綽一時權力之偉直擬總長焉袁氏僭號度支益仰給交通於是京奉京漢津浦京張正太五路號五路財神其局長皆與恭綽等有密切關繫者已而帝制失敗士詒挂名逆案逃去曹汝霖陸宗輿等並管交

通稱新交通系。而以士詒恭綽等爲舊系。新交系者。專主聯日。與徐樹錚政策同。遂爲段黨勁援。舊系初亦無他。帝制黨之獲特赦。實藉新系及軍閥之力。然士詒頗欲以調和南北求解於國民。竟貳段氏恭綽以次長而用。人行政事皆專決。汝霖不能堪。遂起衝突。士詒知勢不敵。乃囑恭綽辭職。出洋攷察實業。和議若成。舊系力當澎漲。恭綽屆時必重登舞臺矣。建章當清代獲記名。郵傳部參議。文學在恭綽上。而智計不逮。辛丑突與士詒有違言。勢遂弱于恭綽。後賴袁克定力。簡爲貴州巡按。缺屬邊瘠。帝制禍起。爲劉顯世所逐。竟不復起。

### 高增爵 宋聯奎

增爵。米脂人。字劭農。起甲科。官主事。以知府發蜀。歷重慶夔州成都等府。有廉幹名。擢巡警道。遂漸荒怠。其任監司。不能察吏。所舉半貪滑人。亦以是少之。辛亥革命事作。適丁憂家居。被推筭內務。已而晉民政長。改巡按使。傾心附袁。而

缺。竟。爲。呂。調。元。所。攘。增。爵。官。清。時。頗。高。談。忠。愛。以。端。謹。受。知。錫。良。而。晚。節。乃。貽。羞。于。世。聯。奎。字。菊。隴。亦。陝。人。亦。官。蜀。安。民。緝。暴。時。稱。循。吏。已。而。簡。授。雲。南。永。昌。府。知。府。增。爵。任。巡。按。時。蒞。筦。政。務。後。復。攝。省。長。直。實。過。于。增。爵。惟。亦。非。濟。變。才。近。方。承。政。府。令。察。勘。南。北。軍。戰。界。若。軍。民。分。治。陝。省。長。或。當。屬。之。聯。奎。焉。

汪聲玲 黃家傑

聲。玲。皖。人。以。甲。科。官。內。閣。中。書。才。氣。縱。橫。有。聲。于。時。文。廷。式。笑。擬。爲。明。代。之。汪。文。言。後。改。官。同。知。從。岑。春。煊。於。蜀。充。營。務。處。時。蜀。機。器。局。員。魏。廷。椿。綠。營。精。兵。統。領。王。長。灑。皆。侵。漁。帑。項。長。灑。尤。有。寵。于。奎。俊。勢。可。炙。手。聲。玲。盡。得。其。貪。劣。狀。以。告。春。煊。並。褫。職。拿。問。蜀。政。以。肅。已。隨。入。粵。充。巡。防。軍。統。領。累。官。至。道。員。漸。驕。縱。爲。幕。府。諸。僚。所。嫉。謂。春。煊。曰。公。左。右。有。周。善。培。汪。聲。玲。猶。豺。狼。久。且。反。噬。矣。遇。遂。疎。知。旨。請。辭。去。入。民。國。段。芝。貴。等。交。薦。于。袁。氏。召。與。語。果。明。幹。後。竟。授。福。

建巡按使。當蒞事日。頗鋤豪強。而剛愎。自是好用私人。閩薦紳多毀之。旋罷家傑。贛人固富家。素營農商業于鄂宜昌。以舉人捐納知府。官直隸。調黑龍江。嘗除綏化府。時倪嗣冲方爲江省民政使。遂結姻婭。及督皖軍事。初引爲政務長。已授參政。贊襄洪憲帝政。戊午。授安徽省長。家傑飲博狎邪。不修品節。時來往蚌埠。共嗣冲招妓侑觴。當官碌碌不足望聲。玲肩背也。

### 張國淦 盧弼

皆鄂人。皆從周樹模于黑龍江。國淦以甲科中書。爲江省公署秘書。弼畢業日本法政大學。納資爲道員。充江公署秘書。國淦通舊學。少工文詞。弼通新學。善談法制。辛亥後。黎元洪慕其賢。且爲鄉人。並聘入幕府。時饒漢祥以議論辭藻傾動一時。至若爛故事。諳體制。則終推國淦。徐世昌任國務卿。藩國淦爲參政。晉少卿。弼爲政事堂秘書。晉上大夫。帝制議起。元洪與決從違。皆不敢勸。其拒



袁及元洪繼任國淦爲內務總長。弼爲公府秘書。鄂士爭入京師謀置頓。國淦戶限幾穿。二人皆溫雅。營進甚澹。未嘗結聯。政客交通。聲氣在今日不可謂非賢者。弼籍沔陽。其兄靖。初以通算數有名于鄂。後以知縣仕直隸。屢任腴缺。納資遷道員。頗主張興學。卅凱蒞爲提學使。然其人至庸昧。且嗜烟。世凱漸疎之。調奉天。後竟爲趙爾巽所屏。代以邵章。

何煜 陳闓 馮善徵

煜字蘭孫。丹徒人。闓字季侃。諸暨人。善徵字子玖。南通人。皆清代東三省總督幕僚也。煜初官四川知縣。慨蜀官趨附之醜。改工部郎中。程德全調之黑龍江。改道員。錫良督東。招入幕。以計事不合去。後從德全于江蘇。任參事。辛亥後嘗爲某省觀察使。已入任國務院政事堂秘書。有年。煜學非甚優。而思以功名自見。慕張鳴岐之爲人。公牘書法並摹之。闓父適聲。固詰經精舍。上舍生。有文名。

後官川東道。閻以舉人捐納郎中。錢能訓落之。徐世昌奏調入奉。充參議。錫良至東。頗疎。徐幕人材。獨閻以伉直爲所重。請改知府。旋補海龍府知府。仍留爲民政科參事。國變後。嘗入程德全幕。已而爲國務院秘書。閻恂。恂。儒者。然入仕十餘年。未嘗獨當一面。善徵黨。面長身。若武人。南菁書院高材生。嘗爲南洋公學教員。以拔貢舉經濟特科。用知縣。補四川榮陽。捐升道員。錫良調充奉天度支參事。後亦入程德全幕。袁政府時。久任統率辦事處參事。後爲國務院秘書。亦質厚溫雅。是三人者。並無浮囂豪縱之行。在邇來名士中。幾曙星碩果矣。

蒲殿俊 鄧鎔

殿俊字伯英。廣安人。以甲科主事。留學日本。後舉爲四川諮議局議長。適當辛亥爭路之變。爲趙爾豐所繫。幾不自保。光復後。被舉爲都督。已而尹昌衡起兵。殺趙爾豐。自辭退。充參議員。殿俊學問湛深。生平持公議。無所偏倚。其在京師。

于故鄉事多所調停。人皆稱之。復不附帝制。段祺瑞二次組閣。任爲內務部次長。未久乞罷去。鎔字壽遐。成都優貢。肄業尊經書院。工詞章。後留學日本法政。歸授小京官。入民國充衆議院議員。鎔負氣敢言。而依附顧鰲。因引之入袁幕。風節不足。望殿俊也。今仍爲國會議員。有時名。

### 施愚

字鶴雛。涪縣人。父官翰林。愚幼能文。數千言。援筆立就。舉癸巳科鄉試。後成進士。入翰林。留學德國。凡六年。頗研究法制。歸國供職憲政編察館。孫寶琦專疏保薦。得軍機處存記。復調赴山東。贊外交。入民國。袁氏改定憲法。特令爲總裁兼公府秘書。或謂其頗暗贊帝制。是弗可知。然世凱任之甚專。寵遇在他。政客上袁死。下野。馮國璋聘爲顧問。愚頗不直。祺瑞之爲人主。調停南北。李純之聯和王。陳兩督力張和議。多愚爲計。晝世昌就任時。往來北京江寧間。參預密議。

頗爲徐樹錚所嫉。或有勸其須防險圯者。笑答曰。以此流血雖死。猶生。愚少頗英挺。堅於自信。有清末造。紛議憲法于式枚。及愚皆主師法德。意志世有譏其迎合朝意者。初不爲動。近爲議和北代表之一。

### 馮學書

字仲賢。紹縣人。以廩生從錫良于熱河。已而隨至四川雲南。皆佐幕府。以贊畫賑務軍務功。擢至道員。宣統改元。調奉天。從良既久。知其忠純。縝密。遂令總理幾要。凡兩年。雞鳴而作。夜分始寢。批擬文電。日數百件。莫不得當。迨良去。學書勞瘁。委頓幾致不起。且謝絕私交。不通竿牘。雖爲幕僚。領袖而人無間言。余生平見名流參佐疆吏者。多求其品節清嚴。殆無如沈同芳與學書矣。入民國。陳宦援之入國務院。已而改政事堂機要局副局長。甲寅從宦入蜀。爲政務廳長。時資勞已深。陳氏夙約蒞之爲蜀巡按。遲之久。無明命。忿請辭。不允。避之郭外。

令道尹鐘文虎迓之歸。然去志已決。後遂先宦去蜀。齊耀珊長浙。蔣懋熙爲政務廳長。學書善治文書。雖無高論而條達中窳。誠篤易爲宵人所欺。少短于肆應。浙紹人多城府深阻趨利忘友者。學書獨不然。可謂賢矣。

蔣懋熙

民國成立。理材家輩出。大之則希齡。克敏。士詒。學熙。小之則張壽齡。張彖。及懋熙輩。皆能融貫中西。每爲政府興一稅法。必比附西制。曰此文明國所已行者也。我當效之。故七年來。雜稅層出。蚩蚩之氓。僉拜諸理財大家之賜也。懋熙江蘇人。起乙科。清代仕于河南。以幹吏稱。除巡警道。然恃才自恣。同官皆銜之。後因事罷去。入民國。以周學熙落筦江蘇財政。厲行新稅。信任鄉人曹元度。頗爲報紙所譏詆。後移任浙江財政廳長。時巡按使屈映光起家掾吏。懋熙視之蔑如。積不相能。映光竟上章劾之。世凱令財部察覆。覆上謂懋熙早官監司。饒負

譽望宜其不爲人下。語皆諷刺映光者。學熙手筆也。

### 鄭焯

字昆池。贛人。生于保定。官河南雜職。後以知縣仕熱河。善逢迎。有寵上官。歷權劇邑。後以知府從徐世昌于奉天。充行營發審員。日共張錫鑾恩澤等觀劇狎游。嘗清丈日人車站商埠界地。爲其所毆。韓國鈞方任交涉使。不敢爲抗議。焯亦自願忍辱。長官喜之。檄權昌圖府。未幾喪母。錫鑾等爲乞得營口漁業。蓋平鹽務差。同官中嘖有煩言。趙爾巽至。寵漸衰。國變後改官直隸。獲記名道尹。世昌任國務卿。竟營得漢口統捐天下第一腴稅也。遂以萬金購名妓爲妾。排日游。謙受代時不名一錢。其豪縱類若此。近復任命爲河南財政廳長。焯短小精悍。善伺長官喜怒。世昌督東出巡。吉江時方隆冬。焯司支應。雖圉人僕夫皆供狐貉衆歌挾纊。遂爲世昌所賞。宜其享膺仕矣。

夏同龢

字用卿。麻哈人。光緒戊戌一甲一名進士。授修撰。少好結納。有豪士風。惟文學非所長。甲辰游學日本。雖所交多顯達。而官殊不晉。一階入民國。其同年生夏壽田。蔭之世凱。爲公府祕書。時偕袁克文游。謙後馮國璋任總統。任之漸專。出任江西實業廳長。然同龢志在省長。欲取戚揚。自代揚。乃倚李純。爲援。得保位。而贛省實業用人權。皆廳專。主省長不少干預。則同龢力也。或謂其遙應安福派。以乞寵段氏。而近日李盛鐸。王揖唐等。合賣九江城門山鑛。同龢報告議會。謂中央主持地方官吏。無力挽救。則人言不足信矣。其爲人也。慷慨好義。篤于友誼。而不修小節。初入詞林。卽爲掌院學士。徐桐所扼。幾共吳式釗等得罪。後共湘人籌開礦。亦負累致鉅萬云。

楊 晟

晟三任江蘇外交特派員。不知者疑其有折衝尊俎才。實則一淺俗人也。廣東駐防漢軍旂人。其兄儒樞等皆使外洋。晟以廣方言等館學生。初議敘縣丞。已留學德國。歷參使事。累官至道員。光緒季年。晉卿銜。授出使德國大臣。通一德婦。是婦固設酒肆者。卽用晟影相拓大懸之市門。當商標衆見之。大譁笑。有留學生楚人賓步程者。控之於外務部。竟撤任。歸適端方督兩江。任爲江南督練公所總參議。壬子任滬海道。鄭汝成力藉其能。遂兼任外交特派員。有民事案。會審公廨已判決。不服上訴於道。晟准提訊。已設座於交涉署。并延人旁聽矣。領事團反抗之。禁原被律師不得上堂。事竟中止。或傳其撤座。日狀至懊惱。又德奧人有獵于浦東者。爲鄉人所辱。依法當由領事知照外交員。轉行地方官署懲儆。而晟竟令警拘鄉人至租界。由公廨判罰其喪辱主權甚矣。而當日報紙默然。衆亦置之。會有人譖其通民黨者。代以周晉鑣。旣北上。廕昌力爲解於



袁氏會汝成被狙擊死。遂命爲統。率辦事處參議駐滬。專司偵緝亂黨。乃挾皖北幫匪江老小南下。果得黨人詹大悲。唐繼星。袁寵遂復。後復代晉鑣治外交。旋罷居於滬上。時預各團體開會演說。近以陳貽範病退。三起筦交涉。晟狀頗爽實。不持儀節。姬妾衆多。鎮江人馬某其幾要科長也。寵信最專。議者遂謂。晟時出吸烟於馬所。或不足信與。

陳廷緒

字理卿。寧波人。父以甲科官山西知縣。廷緒從之。庚子拉后。西幸。供應皇差。偶誤。岑春煊撲責之。人傳以爲笑。後趙爾巽攝晉撫。聞其賢。納入幕府。歷湘奉鄂蜀諸省。擢官至知府。蜀寧遠故夷疆。古越。嶺地也。俗強悍。叛服不常。戊申。奏令權郡篆。兼領巡防軍。議將改土歸流。廷緒知其不易。主緩進。在任。幾三年。殊無所舍施。國變後。從爾巽於奉天。筦警政。熊希齡總財政。援之。爲兩浙鹽運使。所

任治。饒官吏。半其私親。頗爲人所詆。辭去。趙慕多才士。以運動權。要交通聲氣。爲能獨廷緒。營進少澹。尙不失爲自愛者。弟廷絜字萊卿。亦爾異慕僚。

### 史紀常

字曜五。宜興人。以乙科知縣。從錢能訓于奉天。充諮議廳參議。已擢知州。除遼陽牧。遼陽固巨邑。當南滿鐵道衝。清未開商埠。日本以領事駐其地。非長肆應者。鮮能久于其任。而紀常當官四年。餘上下交孚。日有頌言。若電燈馬路形式上之新政。無不舉者。世昌錫良交落之。張作霖籍遼陽。辛亥駐軍其地。因結昆弟交。及作霖握奉軍政權。初落爲道尹。已而授政務廳長。今之操奉天行政權者。厥唯紀常。其人明敏。開通工於結納。朋輩有緩急。解囊助千金。無難色。不視炎涼。爲交誼也。蜀人高樹守奉天。迂腐守舊。錫良初至。樹頗短紀常所爲。謂其鋪張無實。後樹開缺。筭權遼陽。紀常仍執屬官禮事之。甚恭。人以是賢之。或謂

其豪于賭。共張作霖博。一夜負至三千金。是弗可知已。

羅述稷

南海人。父度。宦蜀。因家焉。遂爲蜀人。述稷幼而穎敏。師內江陳其章。宿學也。家復富於藏書。涉獵益博。宣統紀元。納資爲知府。分四川。錫良奏調東省。差遣趙爾巽。以其諳蜀利弊。任爲參事。弗聽其行。未幾。權敘州守。年方踰三十也。壬子。攝蜀西觀察使。爾巽及王人文交蒞於世。凱令入覲。條上財政興革。周學熙躡之。授江西財政廳長。戊午。爲人所奪。調任四川。然蜀方獨立。北政府所命官吏。咸拒弗納。述稷知旨。竟不之官。自謂數載章貢。整理出納。成績昭著。而政府乃假是罷黜。頗憤。激詆財部。不公。然度官蜀久。致鉅富。若述稷者。家居讀書。自娛。詎非至樂。乃猶僕僕。南北獵官。銳進視其父。却聘不起。以一主事終其身者。有雅塵之別矣。

黎澍 沈致堅

父大鈞。仕清代。官大清銀行副監督。兼漢口分行總理。澍初官貴州知府。嫌其邊遠。調充南昌分行總理。喜結納豪縱。侈靡居恆。演劇招客。驩讌致虧。鉅帑辛亥冬。逃之滬上。賴張伯烈爲交通。民黨固籍黃埠。當大鈞貴顯時。元洪已與通譜。癸丑。竟縮鄂財政。頻爲中央責讓。自乞退。及元洪代世凱主國。遂入公府。或謂拒戰德。罷祺瑞。多哈漢。竟饒漢祥。及澍主謀。然其人夙和易。不樹畸行。當弗參。諸議致堅。黃岡富室。夙啓商肆。漢上販綿布。倩人捉刀。捷于鄉。實不通文理也。已納資爲部曹。改道員。分四川。充筦機器及造幣廠。致堅狀貌質實。而工於趨附。凡長官親信士及幕府。皆諂事之。屬僚入見者。延之對坐。亘時許。默無語。人皆以木偶視之。錫良調入奉天。筦鹽政。凡陳宦。張錫鑾。所引蒞吏。不問賢否。并裨。差行政事。一稟命於監理官。熊希齡。科員白事。則手一報紙。自掩從不。

能決進止。衆皆掩口而退。已思謀真除。乃謂所設肆歇業。多虧耗。冀良垂憐。久之不得當良去。趙爾巽至。倚希齡爲汲引。而爾巽殊無留意。不得已。怏怏行。賴大鈞力。任長沙。清分行總理。辛亥冬。逃出。壬子。投元洪幕。不得置頓。辛丑。陳宦始援爲牛莊關監督。復授雲南運使。未之官。近爲錢唐道道尹。其人濃髯短視。對客語。若村嫗而脂韋。自安下駟材也。

裴景福

字伯謙。霍山人。少穎達。博通圖史。有才子稱。旣捷禮部試。試令粵中。凡訟獄。涉疑難。他人屢鞠而不能決者。景福以數語了之。情僞盡揭。是非昭然。益陽周開銘守廣州。稱爲天才。歷權煩劇。後移南海。益豪縱。排日演劇。延賓爲長夜飲。幕客至數十輩。專檢校金石書室者。凡若干人。養以厚糈。故久。歷腴仕。用仍不給。遂少。少通賄賂。以供應長官。豐腴盡禮。頻書上。攷岑春煊初任粵藩司。嘗告人。

廣。東。貪。酷。吏。莫。過。王。存。善。及。景。福。者。然。並。有。寵。於。譚。鍾。麟。彈。之。殊。不。能。動。春。煊。旋。亦。調。任。至。光。緒。癸。卯。自。蜀。移。粵。景。福。適。任。南。海。至。卽。臚。其。逢。迎。貪。縱。狀。專。疏。劾。之。奉。旨。革。職。拿。問。命。下。日。士。民。稱。快。已。而。讞。定。發。新。疆。効。力。贖。罪。去。三。日。其。司。閹。者。積。資。亦。十。餘。萬。迨。抵。戍。所。乃。編。游。記。賦。詩。攷。古。無。愁。苦。態。後。釋。還。入。民。國。頗。來。往。張。勳。及。倪。嗣。冲。所。後。嗣。冲。荐。爲。安。徽。政。務。廳。長。而。委。蛇。無。復。精。銳。氣。矣。景。福。以。貪。墨。敗。而。治。事。才。實。匪。人。所。及。初。權。番。禹。受。事。日。積。盜。劫。案。凡。四。十。有。九。長。官。謂。非。先。破。其。什。三。不。可。景。福。對。卽。全。獲。亦。非。難。同。對。者。皆。怪。其。視。事。太。易。相。率。愕。然。已。不。踰。旬。搜。一。匪。鄉。贓。盜。並。得。四。十。九。案。無。一。漏。網。蓋。其。未。下。車。時。已。以。人。溷。匪。中。囚。盡。得。其。情。狀。與。巢。穴。焉。

### 胡維德 維賢

字馨吾。歸安人。以通天算。舉於鄉。供職京師。同文館。出參使事。積官至道員。擢

京堂。歷使英法俄日諸國。晉除外務部右侍郎。時持使節海外者分兩派。李盛鐸。李家駒之流。皆詞臣。劉式訓。薩蔭圖之流。皆學生。詞臣率庸闇學生。率浮鄙。時唯許珏。陸徵祥及維德三人安詳合度。國內外無間言。其貳外務部。日部權實總於那桐。桐則曹汝霖之傀儡。維德及鄒嘉來等第端默。書諾而已。辛亥秋。袁世凱組織內閣。受外部副大臣。已代總部事。時使臣陸徵祥等電請清室退位。維德謂外交官不當預是事。世凱笑其迂腐。及改國。遂以徵祥掌外交。嗣以有援之者。授稅務督辦。再使於法。籌安會起。中外官吏約起。勸進維德。亦默默。袁黨捉之。曰。吾猶此志。外交官不干國事也。維德治外務。資遜於伍芳廷。生平謹飭。自守弗獵。虛譽狀貌不揚。初參贊使事。預晏會。外人有笑之者。使日本時。值續娶。縣燈張筵。客有投詩譏之者。報章和之。知出留學生所爲。故每談及學生。輒蹙額攢眉。云。弟維賢。嘗從徐世昌於奉天。歷爲歐美各埠領事。官道員。人

亦纘密。

### 高而謙

字子益。閩侯人。幼由船政學堂資遣留法國學習。卒業歸。屢保官。至知縣。其兄鳳歧。夙友岑春煊。庚子春煊撫晉。因調令佐理洋務。後復隨之至粵。旋擢道員。時法人方築滇越鐵路。滇邊交涉煩劇。瞿鴻禨荐其能。遂授雲南臨安開廣道。方其赴任。道經河內。錫良密檄令與越督商辦鐵路公司。虐待工人。及撤換駐蒙領事阿而得雷事。而謙援據公法。申論邦交。越督感悟。竟撤阿領。阿駐蒙久。暴戾恣橫。喜聽羣小滇官畏之如虎。至是罷去。衆論大快。良乃專疏請設交涉使。缺卽以而謙請簡。得旨報可。未幾澳門劃界。葡人持異議。以兵輪窺粵邊。相恫。惕乃特令赴粵。勸議久之。不得當。而良已移督東三省。入覲時。力荐其老成。可大任。遂調外務部左丞。是時部權操之滿大臣那桐。桐則唯右丞曹汝霖言。



是聽而謙備位而已。後片馬事作，授雲南藩司，未及赴官。清社已墟，說者謂袁氏主國而謙必不出，無何竟膺命使歐。凡五年，猶未受代，而謙質厚勤樸，見者不知爲顯官也。治事有恆度，律已廉潔。鄭孝胥偶爲錫良言，而謙官京師，俸薄無以自給，良擬月餽乾薪五百，卒力辭弗受。非陸宗輿等所能望其肩背矣。

劉鏡人

當宣統初，施肇基任濱江關道，鏡人筦墨龍江駐哈交涉局，時官猶知府也。錫良覲京師，肇基力落其賢，嗣迎謁於奉天，良退告慕容曰：其人眸子不正，弗足用也。未幾肇基內用，鏡人乃蘄薩蔭圖調充駐俄參贊，入民國竟代陸徵祥爲俄使。外蒙獨立禍作，屢交涉，殊不得要領，徵祥方長外交，遂移京師辦理。俄京革命起，逃之莫斯科，有報紙傳其已被害者，獨李家鏊不信，謂是人無他長，臨逃則當仁不讓，已而果然。然駐外公使固無死理，諷之殊苛。鏡人籍上海，俄文

學生平居服飾甚都頗似施肇基

### 劉式訓

南匯人肄業方言學堂習法文取西籍婦固富有資財者爲納官得主事庚子李經羲撫滇奏調外交人材式訓與焉雖通法人語文而外交實非所長經羲寢厭薄之乃自乞去初充駐法使館繙譯未幾擢參贊後晉京堂授使法大臣已而除內閣侍讀學士先是李經羲私以雲南七府礦產讓法光緒末法人索之甚急式訓乃密達外部謂苟許法英必援之而起滇烏能支况築滇越鐵路法實無利故承辦者皆意人若招股開鑛彼國內必不能踴躍苟師晉省資贖福公司辦法必可得當後果以金二百萬收回實式訓電蘄政府堅持力也是其人雖絀于才而視曹汝霖陸宗輿輩有別矣入民國歸家于滬上不復營進故聲聞闐然凡各團體通電招搖絕無式訓名亦可謂知難自保之士已

顧維鈞

維鈞負辨才。言論侃侃。列席歐洲和會。以提議索還青島爲外人所驩。誦國民更交稱其賢焉。江蘇人留美學生初婚張氏。已而慕唐紹儀女。乃棄張娶于唐。人有議其薄行者。弗顧也。本擅交際。得紹儀援引。益有聲於時。夙參使事。未幾卽特任爲駐美公使。北美女權發達。冠天下。華使多拘禮。數不善聯絡女界。維鈞獨蠲棄界限。多接女賓。每燕會或演說。或致頌祝詞。致爽邁。彼都人士詫爲從來華使所無。或謂其留學時所友女學生某某者。今已爲富室及名人婦。有左右政界能力。故維鈞益得美政府驩然。中美夙敦睦。正不啻其女友力也。矧當遣使美。得藍辛認可。日本有殊特權利於我國。一時上下震驚。爭電維鈞謀轉圜。彼亦束手箝口。尙不若梁啓超能預料歐戰時間。美特餌日。必不實踐。是言爲有先事之見也。然其英銳敢言活潑。工肆應。固非施肇基輩所及也。

## 汪榮寶

元和人。父鳳藻。以翰林使日本。有聲清光緒中。榮寶幼穎敏。博通文史。以明經仕清。爲曹郎。積官至民政部右參議。鳳藻嘗教授京師大學。門下多雋邁之士。而皆服榮寶淹雅。時同官延鴻者。旂籍中才士也。一日偶與榮寶迂譎於尙書善者。謂其徒負才而疎於治事。善者召入。謂有言子疎懈者。有改之。無加勉。可榮寶對使事有不舉。是曠職。當彈劾。第同堂治公。主見有貽誤。否善者不能答。自是益重其風節。行擢部丞。已而桂春長民政事。竟寢入民國。初爲議員。阮忠樞將援入袁幕。以疾辭。後任爲駐比公使。榮寶工詞章。擅攷據。亦重志節。唯外交殊非所長。

## 李家鏊 李鴻謨

家鏊字蘭洲。上海人。習俄文。丙申。王文韶啓俄文館於天津。令主校事。後出爲

海參歲領事。時當日俄戰作。俄方虐待華僑。家鑿頗申正論。且揮霍時以資濟。僑民困苦。值令節。則蠲俸張燈設燕。集衆驩飲。諸商莫不愛戴。謂自設領事。賢無若李公者。歷保官至道員。留東省補用。錫良督東。丰采嚴峻。屬僚入謁。多被叱責。獨家鑿不屈。且謂若此。則自愛之士。將絕迹。公門所得唯齷齪者。流良大稱善。欲任爲濱江道。先是其隨專使經俄時。使俄者爲薩蔭圖。冗闕無能。家鑿於衆中厲聲責之。陳昭常告良。是人曾辱欽使於俄廷者。驕恣弗可用。遂中止。然良終信其賢。辛亥以防疫罷於駟興。仍落家鑿承其乏。國變後屢蹶復起。皆任濱江道尹。卒以亢直好面譏。詆人爲孟恩遠誣罷。蓋家鑿嘗告人若恩遠者一字不識。馬弁且不勝任。乃膺專閫。然吾視之則一火夫也。展轉竟爲孟聞。怒極誓必殺此僮。賴人解免。僅彈去之。鴻謨字虞臣。黃縣人。以附生習俄文。供職東省。初爲鐵路交涉局繙譯。已充奉天交涉司科長。保官至知府。爲黑龍江駐

哈交涉總辦。癸丑任濱江道尹。鴻謨和謹小心。其當官行已迥異家。整而臨事。柔懦寡斷。當外蒙事急。勝福亂作。俄人頗以非禮加我。鴻謨不敢與爭。日報恆非笑之。

### 黃開文

粵人。兄開甲以侵蝕。會建築費致鉅富。歿後其妻通伶人李春來者也。開文亦嫻英語文。素受知於唐紹儀。蒞諸袁世凱供職北洋。官至道員。丁未徐世昌督東。奏除奉天勸業道。初不知實業。爲何如事。惟多置局。所以置頓私人。所設官牧場。工藝傳習所。種樹公所。月費幾二萬。無一成績。可言他若公園。游憩場之類。皆司市政者事。而亦視爲實業。蒞其鄉人某營造公署。製購器具。費金四十萬。而建築多未得當。器具則半私家用。品非公署所需者。錫良至。卽嚴辭責之。殊戀棧無去意。時方裁員節薪。減汰勸業道署。獨苛夙月支萬餘金。至是減。

至二千四百金。或勸其乞退。曰：「一官補買匪易，奈何？」言去。初，良欲重劾之。張錫鑾曰：「此庸懦材，何足污白簡？良意解，遂薄彈之。以同知降選。世昌在東日，官吏至有寵者，莫若支應。同總辦陸緒聲開文誥事。一日，燕集緒聲，盛誇京師。京師填鴨之美，惜奉所無，退即電京師聘養鴨人，至故瀋陽之有填鴨，始自勸業道之官牧場。既罷官，適緒聲方隨世昌治津浦鐵路，因援之築路事。辛亥鄂事起，世凱督師，蔣授江黃德道，道兼江漢關監督，缺至腴。然是時方經兵燹，公私子然，乃營爲公府大禮官，以其嫻英語，延接外使，可代舌人，也。以便佞。袁氏寵之日隆。晉中卿洪憲僭號，開文贊助甚力，事敗，獨免彈治。近仍爲公府禮官長。

徐鼎康

嘉定人。父致祥，見當代名人傳中。鼎康才氣恢張，明敏善辨。清光緒末，官吉林勸業道。時陳昭常作撫，鄧邦述筦民政，黃悠愈筦度支，或執袴或俗吏，舉無任。

事才獨鼎。康遇事能斷。僚吏莫不稱其風采。而亦以此自恣。多援引私人。錫良嘗諮其賢否於王瑚。瑚對肆應。不可謂非優。惜所援引皆年家故舊耳。嘗議事公署。昭常偶卻其請。竟厲聲色以報之。入民國仕於安徽。朱家寶固致祥弟子。因以蔭之倪嗣冲。歷司長。觀察使。道尹。財政廳長等官。乃變節爲異順。不似其在吉林時矣。當己酉。那桐曹汝霖訂間島約。讓吉林路權於日。鼎康方權交涉。使力主抗議。昭常不獲已。電部毀約爲桐所中傷。干旨嚴詰。惶懼謝過。乃免事。過告人曰。吾幾爲徐狂所誤。謂其狂直有父風也。

### 冒廣生

字鶴亭。如皋人。辟疆裔也。以明經舉於鄉。納資爲曹郎。補農工商部郎中。時共諸名士結社吟詠。並孫同康稱詞流焉。然詩才不足擬同康也。廣生以籍通州。得張謇汲引。時謇甥沈雲霈方貳商部。故京察屢書上考。國變後以袁克定力。



得任甌海關監督。則以當清代與同部。且事克定。素謹也。當官碌碌。無所短長。而頗自尊。大視商會。及溫之薦紳。幾不值一錢。時袁氏方抑民權。衆更知其有內援。怒不敢言。後罷任。世昌就總統。復任以甌關紳商。通電拒之。省吏亦言其。人地不宜。乃調任以解之。所著有詩集。間亦倚聲。

王荃本

字墨緣。皖人。初以牧令官直隸。擢知府。徐世昌督東。奏調入奉。充糧餉局總辦。糧餉局者。總新軍出納時度支部。方清釐外銷。款疆臣濫支。皆取給糧餉局。師世凱北洋故智也。故非親信而縝密者。不能任局事。荃本慮周藻密。人亦安雅。當光宣間。奉天事皆破格。署局公牘亦以潦草出之。獨糧餉局條理秩然。錫良亦信其才。蒞擢道員。後良將去任。其幕客劉濬。假良書提局款四萬。蓋濬從良久。時方爲督練處參議。軍政皆賴其傳達。然荃本以良素礪廉隅。不之信。張錫

鑿解之曰。是安敢作僞者。荃本乃爲數奉之。而其告人曰。吾終不信錫帥有是事。革軍起。奉事棘辭去。久之。出掌湖北財政。適帝制將作。厲行搜括。荃本頗重輿論。欲分別緩急。以少紓民力。軍官及財部皆弗善其所爲。竟假細事罷去之。戊午代羅述稷爲江西財廳長。李純蒞知事。某權鉛山贛省第一腴。缺陳光遠亦蒞其故舊。某戚揚窘甚。終以光遠近在本省。遂任陳所蒞者。而以李蒞者。權都昌。其人負氣。走江寧。告於純。純爲書責揚。揚憂懼。莫知所措。荃本聞之。曰。文官顧尙可爲耶。力請免職。始繼以楊慶鑿。

### 黃慶瀾

字涵之。上海人。以舉人捐納知府。仕於鄂。固富家。好結納。嘗主南洋公學教席。爲滬紳之望重者。瑞徵備兵海上。日卽與善。迨督湖廣。私令權宜昌安陸諸郡篆。已奏補高等檢察長。未幾革軍起。逃歸。時李鍾珏任上海民政總長。乃舉慶

瀾爲審判廳長。適宋教仁案作。既獲種種證據於應夔丞所。知事出趙秉鈞指。滬檢廳卽票提秉鈞來滬受鞠。時高等審長楊蔭杭者。共和黨人。頗護袁氏。不直滬廳所爲。日益齟齬。頻以檄令責讓。慶瀾不能堪。乃爲長書覆之。自明兩權。郡篆一任檢長。未尙薄視。同官頗醜詆蔭杭。無何。二次革命作。滬官皆逃。慶瀾亦解職。旋被蔭爲記名道尹。以善交官府。楊善德任護軍使。時延爲顧問。已而善德督浙。浙省長齊耀珊。又其湖北同官。遂除授甌海道尹。慶瀾好譽。無實。初踰。跟自鄂。逃歸。卽躬任審判長。疑必爲新人物矣。孰知滬上集雲軒稱濟顛大師。主壇書。亂者卽慶瀾爲主任。且驕蹇。非顯官名人遇之。殊落落若不解周旋者。

孟昭常

武進人。初留學日本。已爲武建軍記室。隨鄭孝胥禦寇桂邊。設戍於龍州。是役。

孝。胥。以。京。堂。督。師。自。稱。邊。帥。實。則。並。未。與。游。匪。交。綏。頗。爲。守。土。者。所。薄。視。且。糜。饟。視。他。軍。爲。多。更。無。以。解。於。衆。口。昭。常。乃。著。武。建。軍。籌。邊。記。言。榮。軍。有。功。之。功。小。武。建。軍。無。功。之。功。大。榮。軍。謂。陸。榮。廷。軍。也。讀。者。無。不。失。笑。後。附。張。謇。等。稱。實。業。家。然。日。暉。織。呢。廠。之。失。敗。或。有。譏。其。蠱。疎。者。嘗。爲。國。會。議。員。戊。午。置。各。省。教。育。實。業。廳。以。梁。啓。超。落。授。黑。龍。江。實。業。廳。長。昭。常。素。提。倡。墾。牧。尤。講。求。羊。毛。事。業。政。府。故。以。是。任。之。然。武。人。專。柄。政。弗。能。舉。未。久。卽。請。辭。代。以。魏。紹。周。昭。常。近。功。利。敢。作。爲。苟。能。假。以。事。權。寬。以。歲。月。必。能。有。所。樹。立。而。今。則。非。其。時。也。

### 陳 琪 榮厚

字。蘭。熏。浙。人。仕。於。清。庚。戌。襄。辦。南。洋。勸。業。會。趙。爾。巽。督。東。調。入。奉。革。命。事。作。代。蕭。應。椿。任。勸。業。道。所。爲。計。畫。書。獨。重。林。業。然。實。無。所。舍。施。後。巴。孛。馬。賽。會。充。監。督。以。其。會。贊。勸。業。會。事。也。然。勸。業。會。特。雛。形。巴。會。則。規。模。宏。鉅。非。兼。學。識。經。驗。

者弗足參其列。琪本盜虛聲。貿然從事。建築陳列。無一合法。騰笑列邦。頓爲人彈劾。提付懲戒。近被選各浙省議會副會長。厚字叔章。滿州人。初爲民政部巡警廳僉事。改官奉天知府。權錦州府。擢道員。代熊希齡爲東三省財政正監理官。辛亥後。久官遼瀋道尹。厚矯情自飾。心術殆不可問。初趨附熊希齡。得任監理。繼倚張錫鑾。力得久領一道。匪特輿論平平。卽奉省旂籍。亦嘖嘖有煩言。尙不若陳琪之不矜風稜。爲不失本色也。

鄧邦述

字孝先。江寧人。父嘉縝。官奉天巡警道。邦述甲午進士。入翰林。隨使歐洲攷察憲政。已而聯姻於端方。遂被峻擢。徐世昌督東。蒞授吉林交涉使。以編修七品躋三品。可謂異數矣。然邦述實紈袴非治事才。錫良慕其名。移權奉天交涉。適議安奉路約。所提議爲改良。不改軌縮減租地年限。持議雖正。而皆日人所萬

不能久者。果招其自由行動。錫良程德全等。復引與謀補救。則已茫然莫知所措矣。後晉民政使入民國。初任牛莊關監督。以驕蹇爲商民所拒。調任蕪湖關。未幾乞罷去。自是不再起。爲江蘇省教育會會員。邦述狀貌疎秀。少工詞章。法端方所爲。頗收蓄金石書畫。而鑒別弗精。所得半贗鼎。以與端方姻媾。於袁氏亦戚黨。且夙受知。世昌乃竟不獲進用。或者遂謂其祖廷楨仕清。官總督。爲貞臣。齊名林則徐。邦述殆有舊君故國之思。然則兩任稅監。又胡爲者。說者又有謂其行驕才疎。故當道弗欲畀以權要。而微官薄俸。又非邦述所欲居。或信然與。

### 張壽齡

字小松。蘇人。清代試令直隸。歷官煩劇。稱能吏冠。尤善理財。嘗佐周學熙治會計。學熙以其綜覈精詳。自愧弗如。嗣蒞擢監司。壬子爲江蘇國稅廳長。已而改

財政廳長內擢財政部次長。乃舉蔣懋熙代。已理蘇財。自入都。佐邦計世。謂近時所行新稅。蔑一非壽齡所規畫者。或亦過甚之說。與然其人熱中銳進。不畏疑謗。民國經濟家分三派。周學熙龔心湛等爲一派。皆持減政主義。熊希齡梁啓超等爲一派。皆以新學說當政策。梁士詒曹汝霖等又爲一派。專致力於借用外債。若其用人。先私誼。賞罰無標準。調查弗精覈。則三者所同而爲此派所重者。恆不容於彼。派唯壽齡與張弧二人。三派莫不倚信之。則其才可知矣。世昌初被選爲元首。嘗以度支匱乏爲懼。壽齡獨建議。謂不足慮。卽菸酒公賣。苟整頓待宜。歲不難增鉅帑。故能訓組閣。首請以公賣處爲專官。壽齡遂晉特任員。行且代龔氏總財政。其揮霍豪縱。逢迎貴要之術。遜於張弧。而樹黨攬權。自信之堅過之尤能排斥異己。故時流頗畏其爲人。

丁乃揚

歸安人。仕於清末。有才名。積官至廣東鹽運使。宣統初。袁樹勳督粵。自以有寵。載澧務爲刻覈。更張實則庸妄。不達政體。乃揚卑視之。每銜參議事。菲薄之意。間露。言表樹勳銜之假事。彈劾。遂開缺。另候簡用。時載澤掌度支。以其妻爲孝定后妹。實權在監國。上知樹勳久任江海關。饒貨財。索重賄。弗至。乃揚知狀。輦鉅金投澤門。未幾。樹勳開缺。而乃揚內任順天府府尹矣。以開缺。運司遽尹京兆。清代所罕見也。以好作狎邪游。嘗以萬金納妓爲簞室。頗爲報紙所詆。載澤亦戒其斂迹。入民國。仍來往京津間。嘗被命爲參政。暨公府顧問。素交馮國璋。丁巳戊午間。屢欲畀以財。齟政要職。以未得祺瑞同意中止。然乃揚饒智計。思以功名自見。且工運動。終當獵得臚仕焉。

### 屈映光

字文六。台州人。以小學校生。充安徽督練公所書記。已而還浙。爲朱瑞治軍需。



時瑞方爲陸軍管帶也。因結昆第交。辛亥冬瑞統浙軍援蘇。克江寧。驟擢師長。映光稱總參謀。後瑞被推爲浙都督。適議軍民分治。竟蒞映光爲民政長。後改巡按使。從來進身之速。殆無有踰此者矣。而事必商於瑞。然後敢行。瑞則一維其參謀。長金某之言。是聽金則痛惡民黨。主扶翼中央者也。故其時浙省効忠于袁政府。最力。映光數解部款。獨先他省。以是爲世凱所愛。特令褒獎。所任知事及統捐員。非瑞所屬託。則以賅得者也。洪憲將僭號。首先贊和。且假詞黎元洪受爵稱臣。發起勸進。元洪嚴電詰之。不以爲赧也。已而封伯爵。益搜括庫款。貢京備登極費。丙辰春。呂公望等起義逐瑞。映光又附從。通電詆毀帝制。稱浙獨立。得暫時留任。然實權皆操公望手也。未幾罷去。富已踰百萬矣。其在浙日。承袁命出巡。存問父老。恆授意薦紳。爲之立碑。建祠。歌頌功德。以三勸塘工。至海寧。寧人仿子瞻故事。立三到亭。以紀之。然亦不出民意也。滬上某報以銷滯。

本耗乃納映光。運動費於浙政時。有頌言實則政以賄成人皆知之。丁戊間。仍來往京滬。後舉爲議員。有謂馮段皆稱映光拱衛政府。絕無他志。足當一面。或將重出任省長焉。

### 李國筠

字飛卿。合肥人。經羲子也。仕清室。官道員。宣統初。經羲督雲南。隨之滇。或謂當時滇督所發長電論憲政。官制外交者。皆國筠手筆。是則冗長晦雜。足傳其父衣鉢矣。其幕僚莫不諂事。少帥者恆待於公園觀劇。革軍起。挈兩僕懷金。頁無算。先其父逃出。避於參事陸邦純所。後歸居上海。國筠多識新聞記者。故經羲以七府鑛產送法。而各報無責言。且稱其應付片馬交涉之能。箇中固有通綫索之在也。至是國體已更。言論界益發攄。中有稱國筠學識者。而周學熙等亦落之。世凱笑曰。不圖孺子竟能爾。宜吾輩之老且慙矣。未幾。經羲入覲。世凱復

曰。聞。郎。君。才。跨。竈。吾。思。一。見。之。經。義。喜。過。望。立。進。其。子。果。浮。誇。飾。辨。如。其。父。袁。爲。所。惑。絕。寵。愛。之。無。何。竟。持。任。爲。廣。東。巡。按。使。之。官。曰。自。募。兵。衛。扈。從。熒。赫。滇。中。舊。吏。皖。省。故。舊。爭。赴。粵。垣。一。時。竟。充。塞。旅。邸。國。筠。一。循。父。政。頗。以。長。電。招。譽。用。人。則。先。私。誼。時。龍。濟。光。方。開。府。粵。東。欲。政。由。已。出。國。筠。不。爲。下。積。漸。齟。齬。粵。報。有。不。受。運。動。者。頗。登。載。巡。按。用。吏。不。公。狀。政。府。聞。之。令。與。廣。西。巡。按。張。鳴。岐。對。調。廣。西。邊。瘠。且。陸。榮。廷。亦。弗。表。贊。同。不。獲。已。返。上。海。至。之。日。適。鄭。汝。成。先。期。得。統。率。辦。事。處。電。謂。李。烈。鈞。黃。興。將。于。是。日。乘。輪。抵。滬。遂。以。軍。探。多。人。偕。英。探。捕。蒞。其。至。而。搜。索。之。後。乃。知。爲。國。筠。而。非。烈。鈞。蓋。音。之。誤。也。然。自。是。不。復。起。迄。丁。已。經。義。承。元。洪。命。組。閣。國。筠。終。日。奔。走。求。名。流。出。助。爲。理。興。采。高。騫。殊。不。踰。旬。而。功。名。泡。幻。吾。友。悔。盒。親。睹。彼。父。子。當。日。狀。後。輒。舉。以。告。友。聞。者。咸。爲。噴。飯。云。

## 張鎮芳

字馨庵。項城人。世凱姻婭也。以進士授戶部主事。世凱既筦北洋。納資爲道員。分直隸。後擢長蘆鹽運使。晉湖南按察使。適津滬商私假外債。禍作。載澤方掌鹽政處。素嫉袁黨。先請于朝。不令赴湘。新任更嚴。檄斥責。勢將興。大獄懼甚。載商某進曰。澤之當權。由于其妻。其妻乃承恩公桂祥女。夙好賄賂。此逕通澤。曷足慮。如其言行之事。果解澤上疏。請寬鎮芳。過然。終不及之。湘任也。既歸。家彰德。時共世凱倡和。兩人詩皆近俚。工力悉敵。入民國。初爲河南民政長。內任財政總長。籌安會起。所親叩其意。嚮曰。慰廷稱帝。吾與有榮施。唯歎然。無以對。清室耳。嗣世凱死。佐徐世昌爲營喪葬。已復出任政。丁巳。張勳舉兵復清。鎮芳曰。此正義也。事成。則中夏奠安。無民國南北交爭之患矣。願爲領財。政遂授。度支大臣。首冠翎頂服。補褂蟒衣。入謝恩。未幾。武人多背徐州舊盟。祺瑞率師討張。

以兵單敗。鎮芳偕雷震春等逃出。方下車爲段部所縛。送京繫詔獄。夙嗜鴉片。至是癮作。時世昌等已爲解於馮段。授意法官先判其吸烟罪。已雷震春馮德麟以督軍聯保釋出。鎮芳獨向隅。其子乃呈請願毀家助北省水災賑款四十萬圓贖父罪。果釋出。當其初就縛。不遑攜烟具。困頓幾死。狀殊可閔。哀黨多健者。類明銳豪縱。鎮芳獨顛預。初筮蘆鹺共周學熙爲世凱彌虧帑至數十萬。尙曰。慰廷不我欺。必見償。人皆笑其異。嘗入都謁載澤。數爲閹者所拒。廢然而返。及澤妻納其賄。爲解于澤。特傳見。則已先日還天津矣。當復辟任度支時。一日入部。人有告以祺瑞已起兵馬廠者。噉之曰。彼惡能寒。徐盟此來。必爲衛上。逐黎氏耳。及天壇戰。作始狼狽。逃然生平篤友誼。雖貴顯未嘗以驕。故舊不可謂非哀黨中之質厚者。

吳敬修

字鞠農。固始人。父鏡。沅官江蘇知縣。敬修甲午進士。授翰林院編修。贊于大學士張之萬。後簡任廣西學政。未久。丁艱去。服闋。擢吏部右參議。癸丑。充公府顧問。已而授肅政使。封上大夫。敬修溫雅而起。統庸弱。無任事才。當清代。已擢京堂。乃久之弗晉一階。既受肅政。有蒞其才。并王祖同。可勝巡按任者。世凱獨任祖同。謂敬修乃玉堂風度。非疆吏選也。鏡沅官江蘇久。初除鎮洋。已而任長洲江陰。歷宰煩劇。傾所入。以供敬修京邸用。及被劾。罷官。不名一錢。然敬修初無嗜好。更非豪縱者。蓋其得破格除參議。乃賂樞要力也。

### 趙維熙

維熙以文人任都督。以清臣輔袁氏。以舊學爲議員。政客可謂非常之士矣。然其任都督。弗終卒爲武人排之。去輔袁氏。則洪憲弗及。正位爲議員。政客而所建議。率迂闊。恆爲新黨及報紙所詆。卒鬱鬱焦卒。以歿。徒供後世指摘。非至愚。

或。不。出。此。矣。字。芝。珊。南。城。人。父。植。桂。任。四。川。按。察。司。經。歷。粹。然。長。者。維。熙。己。丑。進。士。入。翰。林。嘗。任。陝。西。貴。州。學。政。當。官。皆。稱。職。庚。子。朝。令。臣。工。落。舉。人。材。乃。疏。落。其。猶。子。謂。時。事。棘。敢。援。內。舉。不。避。親。義。時。論。翕。然。稱。之。後。以。京。察。異。等。出。任。甘。肅。寧。夏。府。知。府。故。提。督。董。福。祥。寧。夏。人。也。庚。子。以。縱。兵。殺。德。使。褫。職。家。居。時。深。隴。軍。隊。多。回。人。皆。董。舊。部。而。福。祥。家。儲。軍。械。尤。富。資。產。至。數。千。萬。清。廷。用。以。爲。慮。維。熙。蒞。事。值。福。祥。歿。乃。勸。其。子。姓。報。効。鉅。資。且。盡。獻。藏。甲。羣。疑。遂。釋。督。臣。升。允。亟。稱。其。精。幹。擢。爲。巡。警。道。辛。亥。革。命。事。起。新。軍。稱。變。甘。督。長。庚。以。旂。籍。自。請。去。維。熙。遂。被。舉。爲。都。督。然。軍。權。盡。操。巡。防。軍。諸。統。將。手。都。督。第。司。民。政。而。已。然。所。任。知。事。若。孫。賢。之。流。皆。滑。俗。舊。吏。省。議。會。議。長。李。鏡。清。夙。仕。清。嘗。統。四。川。雲。南。奉。天。等。省。軍。旅。強。矯。廉。悍。頗。不。直。維。熙。所。爲。復。積。迕。諸。武。人。一夕。突。爲。人。狙。擊。死。說。者。謂。出。軍。府。所。使。然。莫。能。指。實。終。以。武。人。跋。扈。乃。自。請。入。覲。遂。留。京。

後授參政。晉少卿。爲當時京師政客之一。洪憲禍作。贊助頗力。而卒無成。竟家居死。維熙少而英發。及入詞林。亦著令望。末路乃至若此。利祿之中人深矣哉。

### 劉人熙

湘人。初以知縣官河南。以樸幹稱。頗師新化游智開之爲人。然初無講學名也。久之擢道員。巡撫劉樹棠。藩司額勒積額。交稱爲循吏。時中州牧令員缺。優裕人熙。官久以致富。辛亥秋。頗贊助湖南獨立。少有名。新黨中。後譚延闓督湘。尊以耆宿。理學名始大彰。二次革命失敗。湯薌銘繼任。頗嫉湘士。或謂人熙嘗爲故人子。乞差委于巡按劉心源。心源厲色拒之。乙卯帝制禍興。薌銘堅附袁氏。黔桂兵旣入湘邊。長沙岌岌。北勢漸挫。人熙等乃起設會。維持嗣湯。去衆舉爲都督。政府知其有鄉望。遂令權督軍兼理省長。然已衰老。且蔡鍔等咸屬望。延闓旋卽乞退。及南北變。再作湘蒙兵禍。遂移家滬上。時通電中外。論政局。



衆立和平聯合會。舉爲會長。然人熙終不附北。故議恢復舊國會。易張敬堯。陳樹藩。其死也。民黨頗稱其功德。政府亦卹以金三千焉。

### 陶炯照

字月波。黃岡人。以諸生肄業心經書院。工制舉文。丁酉拔貢。陝西學政沈衛舉。應經濟特科。中式。以知縣分河南。歷權繁劇。其治盜。用重典。羣小斂迹。受知林紹年。補南陽令。以權安陽。日多得罪。巨室有僭於吳。重熹者。幾被劾。旋爲學部調用。入民國。黎元洪欽其名。特聘之。起使治黃陂。黃陂元洪桑梓鄉也。一治以猛。三月。轄境大安。後元洪繼任元首。遂擢爲河北道道尹。炯照固官汴久。悉其情僞。旣蒞事。時微服出巡。吏莫敢欺。然訥于言。且好詆諆人。以是爲衆所惡。方晉給二等嘉禾章。突以事與趙倜不相能。遂自乞退。炯照勤樸質實。旣仕達。儉素若寒士。嘗官務鋤豪強。不爲勢屈。劬于治史。爛熟。太史公書手抄。至四次。惟

固執惡新學。其鄉人陳某。以留學生攷試得編修。至貧時名炯照曰。是洋翰林。試試以不同字。百彼公不能遍識。語爲陳聞。銜之刺骨。又陳宦以文案而護解。武衛軍佚饗十數萬。因是受知錫良。然事初非實。乃浙人章某誤納而揚之于。良者是時炯照亦居武衛中軍。後入良幕。頗笑宦冒進。其戚沈致堅向乞貸。亦弗應。致堅搆之于宦。遂成衅。未。然炯照直厚非致堅。宦所能望也。第操土音。又好以相人術。自炫。絕可笑。其兄壘。以舉人官江西。改部曹。僻傲慳吝。入民國後。曾居元洪幕府。

### 鍾文虎

字蕪卿。海寧人。父肇立。見當代名人傳中。文虎初官四川知縣。敏活圓融。上下交譽之。所歷皆腴缺。遂納資爲道員。仍分四川。到省未幾。借欵築路。專作蜀亂。以萌以置產成都甚饒。遂家于蜀。適湘綺老人。膺聘修史。袁氏奉以更老之禮。

文虎固湘綺壻也。爲蔣諸朝。獲政事堂存記時。陳廷傑任巡按。財政紊亂。陳宦繼任。銳意清釐。苦不盡悉其底蘊。文虎因爲逐條摘發。諸弊豁然。宦喜。蔣授川西道。道尹兼清鄉會辦。用人行政。半以諮之。聲勢驟盛。人呼爲二巡按。然文虎守潔饋遺不得至其門。所建議亦中地方利病。故宦傾心任之。方以嚴緝捕釐度支。整夷治。爲入手辦法。而帝制禍已起。蔡鐸劉存厚起義。客軍麇集。政事竟輟。後陳宦叛袁。文虎不爲然。謂反覆若此。慮爲天下笑。無何。周駿逐宦。亦棄職去。文虎狀貌不揚。僅通俗學。當光緒初。其父肇立官蜀。見湘綺爲丁文誠姻家。而文誠方督川。遂乞昏王氏所取。則湘綺弟四女名芬者也。博通三禮。書工篆隸。古樸雄傑。于歸後。不嫌文虎。產中恣食果品。飲生水。竟自戕死。後文虎僕僕北上應試。謂必得鼎甲。始足慰亡妻。人皆笑其俗云。

嚴家熾

蘇人。清代仕粵東。凡十餘年。歷官監司。除高州。移廣州。蓋老吏也。以當官持重。治訟。獄尤愷悌。輿論無間。言國變後。初任廣東財政廳長。時濟光總軍寄饟需煩多。度支苦不給。奸商輒運動開賭。家熾知其弊。峻拒之。坐是迁濟光。旨然張鳴岐。方任巡按。素信家熾。因爲調解得無事。然京師官僚。謂外吏所入豐。無過粵財廳者。衆思染指。而本籍政客。與夫龍黨之滇桂文吏。亦莫不睖睖以視。頻爲人彈劾。乃假覲見休官去。後再任爲湖南財政廳長。適湘中被兵禍。催科非易。而張敬堯左右。尤專橫。遂堅請辭職。乃代以劉淇。

### 劉蕃

字季衍。安陸人。留日法政學生。以好狎游。患惡瘡歸。未及卒業也。後許世英任奉天審判廳丞。以夙識。挈之至瀋。初爲登記講習所教員。已而錫良督東。其兄濬爲良內幕第一人。蕃聲勢日騰上。竟擢候補推事。復從勸業道管鳳龢。至日

攷察政務。乃展轉請託。斬得畢業文憑歸。應攷試。賞法學舉人。已而竟補推事。排日借世英獵豔于平康里。尤好博。月捧數百金。不供揮霍。則假其兄及陳宦力。四出揭債。夫東西洋俗稱。開通然以法官狎妓宿倡者。所未聞也。其妻固鄉人女。素樸直惡。之納奉妓爲妾。一子已舞勺。聰穎雋秀。一日出突墜車死。蕃方挾蕩婦飲。聞信澹然處之。壬子世英驟長司法。竟落授京師總檢察長。以資淺行。佻衆有微言。世英不省。時開司會議。且指派爲副會長。世英陳宦恆飲妓寮。陪席者必蕃。後內閣改組。繼任者知蕃無狀。始開其檢察缺。後世英巡按福建。仍借之入閩。兄濬舉人入錫良幕。保官至道員。乘良將罷任。假其名提糧饟。局銀四萬兩去。竟爲其鄉富室焉。

汪洋

字子實。徽人家于揚州。嘗爲小學教員。已而投滬上報界。後入奉天。爲東三省

日報主筆。固半官報也。洋因得交通官吏。時共張元奇詩篇。酬唱許世英。則狎游友也。然洋潔身自愛。主申正義。若顛例是非。詐索金錢。爲言論界之普通流。行病則初未一染也。故主報館幾年。官民皆無間言。第好評。隲女優妍蚩人少。少譏其輕薄。辛亥後還南。入國民黨。宋教仁之死。主討袁。力頻爲激烈之演說。然民黨俄頃已失敗。無可謀置頓。而世英適有書招之。乃北上報許。施從之。至閩。充教育科科長。復時與世英挾技侑觴。官箴蕩然。屬爲人彈劾。彌縫得無事。後世英反對帝制。或謂實洋所建議。予見籌安會初起。洋所致大人書。頗醜祇袁氏。然則或說當可信。嗣段祺瑞組閣。世英入總交通。竟令充上海電政局監督。中國第一大局也。已而許退。爲人所攘。廬永祥乃聘爲秘書。

### 殷汝驪

直隸人。留日法政學生。初爲衆議院議員。與谷鐘秀等籍共和黨。頗反對國民

黨已見政府日專橫。遂屢彈劾。要人世凱惡之。又見民黨已解散。不用藉援于人。竟毅然罷議會。唯超啓化龍等寵以虛位。他政客多不得置頓。至是各黨皆怨袁氏。而抵抗力弱。未敢發難。會帝制禍起。孫洪伊首倡反對。汝驪其鄉人也。爲奔走游說于諸武人。雖長江諸省。始終附北。而馮國璋等亦不主征南。於是袁勢漸弱。後元洪繼任。汝驪爲衆所推。祺瑞亦嘉其有拒帝制功。援爲財政次長。然其人至浮薄。自貳部務。力摹官僚所爲。盛車服。侈居處。酒食徵逐。無虛日。復以五千金爲南妓某脫籍。納爲筵室。坐是虧日積。乃少少通賄賂。是時祺瑞已知汝驪爲洪伊黨。聞其恣縱。嘗告湯化龍。謂將懲之。語外傳。頗疑懼。無何。賄案爲人所揭。已有令提交法庭。乃變服挾其妾。攜鈔二萬圓遁。至日本。中間嘗爲人騙沒萬金。憤極幾投海死。而是時洪伊方坐滬上。以言論討段。因應之于日本。唐紹儀居東時。汝驪日與往還。今果由李根源等提議。特赦。謂其有功護。

法。嗚。呼。吾。特。不。知。法。爲。何。物。亦。不。知。貪。賄。爲。何。事。若。曰。貪。賄。者。亦。可。護。法。則。賣。國。者。亦。可。衛。國。今。日。廉。恥。之。所。以。滅。絕。名。德。之。所。以。淪。喪。皆。此。類。偉。人。政。客。官。僚。所。釀。成。也。吾。復。何。言。

### 谷鐘秀

字九峯。保定人。以乙科留學日本。速成法政。歸以知縣官浙江。爲增韞幕僚。後舉資政院議員。入民國。爲衆議員。初隸共和黨。每會議反對國民黨人甚力。後改組。遂爲統一黨重要人物。異黨報紙。咸醜詆鐘秀。謂其逢迎政府。然袁氏數以觀察使。關監督。餌之。殊不爲動。克定。屢招飲。多託辭。不赴。是非不修品節者矣。迨國會解散。遂去之天津。帝制議起。乃南下議倒袁。後馮國璋。溝通南北。主恢復舊國會者。鐘秀贊助之力。爲多。袁死。段氏組閣。被推爲農工商總長。自是漸驕蹇。人多惡之。且治事甚疎。後自乞罷去。心不直。祺瑞樹錚所爲。而又不願。



附和舊民黨。以其持義過激。或不利於國家。乃隨湯化龍等組織進步黨。主退段。徐和南北定憲法。海上之新中華報。卽其言論機關也。近復起和平聯和會。促和議早成。世多訾詆之者。或刺其陰事。皆反對黨之詞。舉不足信。

丁傳紳

字桂樵。長沙人。父鴻臣。官四川提督。以貪墨爲岑春煊劾罷。傳紳留學日本法政大學。歸爲朱瑞秘書。以縝密爲瑞所親。密荐其賢。未久卽簡任錢唐道尹。雖當官碌碌。無所短長。而是時屈映光任巡按。政以賄成。傳紳獨介然不爲所浼。近世留學生歸國。若驟膺臚仕。強半豪縱奢侈狎邪蕩檢。而傳紳始終謹飭。不染浮囂。習呂公望獨立。自乞退去。自是家居。不出鮮接賓客。每談次及朱瑞。則太息彌襟。未嘗須臾忘知遇。三感輓近。得此人。乃在少年。可謂難矣。

李日垓

陸邦純

劉鈞

楊福璋

日垓字子暢。大理人。留日師範學生。歸爲蒙自中學堂監督。辛亥主張革命。有  
功。任軍政部部长。用行政。頗持公議。與民政司長孫光庭齟齬。然人皆知先  
庭。矯僞也。後改任滇中道道尹。邦純字次芟。四川人。以捐納通判仕滇。爲臬司  
興祿義子。數權煩劇。擢元江州直牧。爲李經羲幕僚。以善逢迎。旨經羲絕。寵  
愛之。辛亥革命。國筠及其眷屬。背匿邦純所。蔡鍔謂其不忘故主。用爲秘書。嗣  
授迤西觀察使。以不治輿情去任。嗣復充警備營務處坐辦。邦純父母皆八十  
餘。旣不迎養。亦不復還。蜀置產滇中。有終焉之志。是可異夫。鈞字鴻安。贛人。清  
代以知州仕雲南。以工酬酢。爲上官所喜。擢至雲南府知府。權迤西迤南兩道。  
國變初。爲迤南巡接使。後改觀察使。時猶丁艱也。鈞熱中甚。官首郡時。有道缺  
出。輒爲人奪。憤極而泣。尤嗜博。於奔喪歸。行滇越鐵道。在車中。尙招友爲麻雀  
戲。法人官車某。固通華語。見其素服。笑曰。外國禮教。弗若中夏。而服素者。亦不

至劇館俱樂部及爲樗蒲戲也。鈞殊不覺。福璋字遐生。紹興舉人。久爲錫良幕客。保官至道員。除雲南巡警道。福未引見也。福璋心術險惡。初入錫幕。爲其鄉人胡某所泥。引至蜀。乃譖胡去之。其任警道。了無舍施。第知趨附沈秉堃。李經羲。至幾不自保。則撫拾良過。以迎經羲旨。果被寵任。令兼秘書長。且權臬司。迨光復。蔡鐸引爲參議。固短於視行。尤蹣跚。至是佩力趨公。狀至可笑。旣易騎乘。籐輿。報紙。饑之後。出爲迤西道尹。以事爲其屬徐嘉鈺所醜詆。赧而乞去。適李國筠方巡廣東。仍引爲秘書長。予鄉人高元玉。素稱福璋學識。且裕經濟。然觀所擬奏疏。皆卑淺。無高論。猶之紹興俗慕所爲。而良始終倚任。弗衰。是不可解。

徐世光 世章

世光。世昌兄也。清代以同知隨袁世凱入山東。以河工擢知府。除東昌。孫寶琦撫東。移濟南。時世昌方以大學士居樞府也。未幾。晉登萊青道。辛亥冬。爲民軍

逐去。袁政府特任爲運黃各河工督辦。遂援清代例。多置官吏。接時以安瀾。請獎。河初不治。旋歿。其人嗜鴉片。絕無才猷。徒緣弟貴。其守濟南日。屬吏入白事。未竟。已垂頭睡笑。時寶琦及藩司朱其煊。臬司志森。皆顛預。人稱爲一堂糊塗。吏世章。世昌從弟也。留比鐵道學生。卒業歸。任津浦海隴路事。曹汝霖欲排葉恭綽。思引世章爲交通次長。言于世昌。不久。事遂寢。然世章安詳諳練。且託兄蔭。終當長郵官焉。

### 王廣 周晉鏞

廣字芷鵬。撫寧人。以甲科官部曹。外任山東曹州府知府。曹多盜。民俗悍甚。廣以和慎治之。衆亦感頌。嗣以屬境有聚衆抗官案。台諫彈之。由直督察覆。遂落職。馮國璋督直。任爲天津知事。久之。擢滬海道尹。近兼遣送敵僑事務局局長。廣初官山東。有廉名。及任天津。以桑梓地。沈主恭愼。及晉滬道。事皆讓護。軍盧

永祥主政。復不兼外交。更無毀譽。然其人長者也。晉鑣甬人。初以知縣官江西。受知德馨。歷任鉅邑。已擢知府。以助拯獎道員。歸而商于滬上。爲外人銀行買辦。被推爲商會總理。年已衰耄。籌安會起。頗鼓吹帝制。袁氏知其爲南商主要。且熱中趨勢。竟罷楊晟。任爲滬海道尹。命下日衆。皆驚詫。民黨至有投以炸彈者。及袁死。戚故咸勸其乞退。弗從。已而雲南代表隨司法總長張耀曾北上。挾鴉片至多。有貶之道署者。爲洋藥公所洋商所知。靳捕房察之。竟偕警搜于其署。果獲土若干箱。一時中外大譁。頗指摘晉鑣。憤致辱主權。段祺瑞聞之曰。是烏可須臾留。遂代以徐誥。誥去。賡始繼任。

劉孝祚

字林訪。閩侯舉人。官四川知縣。嘗授讀總督奎俊所。後納資爲候選道。隨錫良至滇。令筦鑛政。孝祚無他。能第治庖廚。頻邀權要。燕飲且時。以精饌饋沈秉堃。

秉。堃。力。蔭。其。賢。於。良。因。奏。補。雲。南。勸。業。道。李。經。羲。以。其。庸。闇。奏。劾。開。缺。或。爲。經。羲。向。索。賄。不。遂。乃。罣。彈。章。是。弗。可。知。然。孝。祚。實。不。勝。任。入。民。國。其。鄉。人。同。姓。者。多。爲。議。員。政。客。咸。附。從。政。府。漸。據。要。津。因。乞。爲。援。引。竟。任。命。爲。福。建。鹽。運。使。鹹。官。不。承。武。人。節。制。而。孝。祚。獨。以。長。官。禮。奉。李。厚。基。故。得。久。於。其。任。已。而。財。長。易。人。適。滬。關。監。督。馮。國。勳。以。焚。土。舞。弊。懼。輿。論。詆。謫。營。他。調。遂。罷。孝。祚。代。以。國。勳。孝。祚。當。官。第。徇。私。誼。所。任。場。知。事。半。皆。故。舊。閩。人。有。爲。竹。枝。以。譏。之。者。

仲。子。曰。從。來。官。僚。之。多。殆。無。踰。今。日。者。矣。有。前。清。之。老。吏。有。從。政。之。學。生。有。軍。官。偉。人。政。客。之。故。舊。有。諸。逸。老。之。子。弟。有。參。預。光。復。之。學。生。紳。衿。說。者。恒。訾。清。代。捐。納。之。濫。然。譬。諸。營。業。者。尙。須。資。本。近。之。內。外。濟。濟。庶。司。百。執。事。皆。無。本。之。商。販。也。宜。卷。歟。棄。職。之。吏。接踵。而。起。清。政。雖。不。綱。然。一。省。中。猶。可。得。循。吏。二。三。人。今。也。則。無。大。約。居。腴。缺。者。必。督。軍。或。國。務。員。之。戚。族。次。則。與。省。長。及。著。名。政。

客有關係者也。又次則與巨紳或省議會有關繫者也。無所謂政績也。若簡任以上官則在外者苟能得督軍驩若戚揚及江浙之齊皆可久於其位。道尹本間曹若上下無忤兼能敷衍新聞記者或亦可爲終身官在內者則毋論有若何之手腕一官而任二三年者稱罕睹矣。獨曹汝霖自入民國曾無一日投置間散蓋其與援乃大日本宜袁馮黎徐皆以驕子奉之嗚呼托根貴得地樹木猶然而况於人孫寶琦獨立反覆爲此譏訕獨得久督稅務或曰此出於總稅務司之請也。故張弧徐恩元輩皆思假外力以自重斯皆民國官吏進用之奧竅也。茲之所紀描摹運動術殊不能工不特仲子筆拙仲子人亦拙也。然以如鯽之官所舉乃不踰二百人可謂略矣。昔明天啓間刻摺紳者一時六曹九列添註官更多不可紀而非閹兒則閹孫也。人呼爲穢錢閹敗羣起剗其名肆人自悔當日刊官之多然則以略爲愈矣。而堂堂民國固不敢以明季相擬也。

## ●帝制黨

### 梁士詒

字燕孫。順德人。清光緒甲午科進士。選庶吉士。後改官道員。嘗充廣州電報局總辦。舉應經濟特科試。取列第四。以通英語言文字。時稱爲外交人材。郵傳部成立。唐紹儀援之入。授右參議。當時堂司各官。明敏周密者。莫若士詒。郵部重要文牘。咸所手擬。方設鐵路局。轄京奉京漢諸路。卽以士詒兼任焉。舊是京朝官。俸入薄。至不供日食。及郵傳立。曹郎竟有歲獲萬金者。鐵路局則歲入尤豐。因出其羨。餘以餽權要。若內奄。若樞府。若親貴。歲時皆染指焉。於是衆稱其賢實權。漸與尙書等侍郎左右丞對之。且有媿色。然以揮霍謙讓。無<sub>世</sub>迂於衆。故得專利數年。已而宣統繼位。京朝官各立門戶。水火益甚。郵尙陳璧。適以墨敗。璧固闇弱鄙吝。以附慶袁。得躋正卿。事皆聽士詒。主政惡璧者。因兼惡士詒。臺諫



官漸劾。其把持恣縱。而繼璧爲徐世昌。素知士詒能。且世昌亦善事親貴。餽遺之資。並取之路局。故察覆案。恆爲灑刷。得保其權位。庚戌。世昌將入軍機。恐代者爲異。已因與規畫。士詒日來往於劄桐濤洵之門。未幾命下。唐紹儀果筦郵傳。而載澤已納盛宣懷鉅金。更嫉紹儀爲袁黨。排擠頗力。時瑞澂自鄂督覲京師。士詒謀求解於徵。以其爲澤姻婭也。紹儀方在南。議未得當。徵已具疏彈之。雖未行。處分而已。知紹儀已不得久於其位。頗營他調。無何。宣懷竟代紹儀。首撤其鐵路局事。繼以李經芳。經芳夙歷東西洋。聲望甚隆。才亦足以匹敵。故弗敢與抗。然宣懷知士詒有寵於世昌。更交通親貴。而以溫語慰之。謂非不慊於子。特非此無以止羣謗。士詒亦徯矢感激。圖報狀勤劬。趨公知無不言。二人之隙漸弭。辛亥春。鐵路國有議成。嘗笑告所親曰。鄭孝胥已然。薪請盛氏居釜。上是已。逆料宣懷之敗矣。後川亂作。鄂革軍起。國內皆叛。清室果褫盛職。以謝百

姓世凱組閣。任爲郵部副大臣。時贊袁幕府。謀倒清最力者。厥維士詒。宣統既讓位。袁稱總代表。遂任爲郵部代表。卽今之總長也。世凱就總統職。畀以公府祕書長。仍兼交通銀行總理。參預諸鐵路事。時任命官吏。元首僉與商權。權勢幾埒內閣總理。嗣假父壽。旋粵。厚結陳炯明。以分廣東民黨之勢。然炯明後亦叛。皖黨中有譖之者。後任財政部總長。夙極豪侈。至是輿衛尤盛。每出從。十三騎。馬皆純白。京師人爲之謠曰。遙看白馬十三騎。知是黑心總長來。或謂是時寵已漸衰矣。乙卯帝制議初作。爲段祺瑞徐世昌所阻。世凱志猶未決。士詒首願擔認經費。袁克定至。九頓以謝。其惠改國計。遂定。然犒賞軍隊。及組織民意機關。費已不貲。其他典禮輿服。尤務奢泰。及洪憲改元。所費已超過預算倍餘。俄而雲南起義。川湘軍興。一時兵費更無所出。乃加印交通鈔三千萬。以濟之。北方金融遂陷于絕境。故楊度孫毓筠者。言論之。帝制派士詒則經濟之帝。

制派也。使無士詒則楊孫之說亦不克實行。及浙陝獨立知大事已去而世凱猶日濫提軍費偵探費。士詒曰：船已破聽其沈可耳。益添印紙幣。迨西南提出懲治禍首條件。政府猶不能決。議會亦以是爲言。乃下令拏辦。實則士詒等先已款段出都門矣。其時頗畏祺瑞。少少匿跡。至段與西南交惡。帝制派遂活動。士詒駐津。大通賓客。政府曾不過問。及復辟敗。段氏再起。士詒適居日本。頗爲游說。賞南旋爲交通。李福林、李耀漢等段乃授意。曹錕等爲請特赦。國璋許可。然士詒本唐紹儀。擊交同處。東瀛頗有商權。且深知樹錚等武斷政策之不可行。則力聳世昌出山。以息戰禍。被推爲新國會參議院長。聯合諸黨。同舉徐爲總統。倡言調和。然樹錚主戰。堅以副總統餌曹錕。士詒知錕受餌和議必不成。竟拒絕。開選段黨。始知其有攜貳意。頗危言恫喝。殊不爲動。終以是促成和議。乃辭議長職。組織和平會。以自白于國民。而交通系勢漸爲曹汝霖所分。舊黨

咸不平。士詒老謀深算。知未可遽敵。則勸葉恭綽避位。復發起銀公司。以聯絡曹陸。齟齬少息。他日國務總理。必爲所獵取。殆無疑義。士詒狀貌樸厚。若賈人接客。和巽喜怒未嘗形於辭色。服用奢華。尤喜酢。應一擲萬金。無難色。以久縉路局。夙已擁厚資。入民國後。旣掌財權。恆以公帑營私業。日益饒裕。或謂其富過盛。宣懷稱梁財神云。

### 周自齊

字子虞。魯人也。而長于粵。幼從事方言同文諸館。通英國語言文字。參使事北美。以外吏受知袁世凱。援之入外務部。擢至右丞。然才遜于曹汝霖。官久殊無建白。國變後。外長山東民政。內歷財政工商等部總長。素騎牆于時事。無所臧否。然濡染官習。旣深。故頗惡民黨附袁益堅。民國初。偉人至京師。袁氏恒開燕驪。迎有坐作失儀者。自齊每旁笑之。其掌財政。適庫藏如洗。而其搜刮之術。又

不若周學熙熊希齡應付甚苦。面世凱。輒請辭。世凱告人曰：子虞長厚君子。吾不欲以是困之。乃得請。後總農商。時帝制議興。更無閒暇。以倡實業。竟成閒曹。籌安會起時。客有叩其成敗者。曰：以項城之力。弋大位。其所探囊取物者。客謂如外人。不承認。可奈何。曰：各國皆厚項城。烏有異議。藉有異議。我亦可于尊俎間調停之。語問諸袁。已而洪憲將改元。日人頗有微言。世凱召入密議。謂子夙有是談。吾久壯之。今東瀛之行。非子莫屬。自齋趨起對曰：設日人有所要求。欲得吾權利。以爲承認。交換條件者。何法應之。世凱曰：勢至此。權利安可吝。恣子許之可耳。自齊退而悔懊。幾死。然已傳明。命特任其入日爲賀使。一時中外報紙揭載。謂是行必有詭謀。軍界至有電阻其行者。政府雖爲解釋。衆弗信也。瀕行矣。日使告外部。謂日廷不允接待。乃中止。自齊大喜。告所親曰：今而後。庶免負賣國責任矣。然以荏弱不能自脫于袁。終望名帝制犯中。及特赦從。被推爲

參院副議長。其進止一聽命于士詒。議舉副總統時。自齊首反對。避至天津。亦士詒意也。曩聞高子益言。自齊質美未學。非他人之喪心病國者。比觀其喜免日行信矣。

### 朱啓鈴

字桂莘。黔人。清大學士瞿鴻禨姻婭也。少有才名。庚子後。鴻禨以外部尙書贊軍機。權爲漢大臣。冠啓鈴已。以舉人納資爲曹郎。時京師新立譯算學館。因得爲監督。朝臣皆許其通新政。世凱調赴北洋。差委徐世昌督東。遂以候補四品京堂從之。至奉天。充蒙務局督辦。時議開辟內蒙古地。設民官。近邊爲廓爾羅斯。諸旂時有交涉。故蒙務局者。實兼邊防墾務責任。綦重。啓鈴以新進得之。衆疑其必有異才。然任事二年。亦殊無所設施。第月支薪俸千金而已。後奉派出洋。攷察拓殖事務。議歸後。以所得行之東省。未返。而世昌已內用。啓鈴頻通札

錫良殊鮮裁答不自安辭去時世昌方兼督辦津浦路派充北段總辦啓鈴在當時官僚中至富新思想贊和立憲復長肆應徐黨中健者也世凱亦知其明幹癸丑竟任爲內務總長內務實總警政非袁腹心不能任北洋警界亦不承其節制也獨啓鈴在位數年衆皆帖然袁眷日隆駸駸與梁士詒埒然雖附袁而對異己者亦不欲多所誅鋤凡偵緝民黨事皆讓之統率辦事軍政執法兩處籌安會起瞿鴻禨頻寓書勸其引退戀棧不能從則爲袁氏組織民意機關其時京師諸勸進團皆其暗中提倡洪憲旣僭號任爲大典籌備處長日引僞儒及克定腹心友多人探討古近禮制議袞冕置女官定爵賞與西漢末新朝議禮考文絕相類費至二千餘萬啓鈴亦自此富有矣明年以帝制犯被緝去之日本旣邀特赦乃和士詒提倡和議獲舉爲議和會北總代表以陝西停戰掣肘和議中止憤請辭職政府慰留之而說者謂徐唐接洽夙妥使無祺瑞樹

錚。干。涉。議。早。一。致。代。表。特。名。義。耳。啓。鈴。議。論。動。作。安。詳。合。度。文。辭。亦。條。達。家。居。頗。摹。歐。式。其。第。三。女。尤。開。通。務。接。納。有。法。美。婦。人。風。每。駕。車。游。都。市。間。羣。小。爭。逐。之。然。貌。實。不。揚。

## 嚴復

字又陵。一字幾道。閩人。由船政學堂資遣留學于歐。爲海軍學生。中前輩第一人。且湛深文學。冠其同儕。歸國後。屢爲船政及海軍學堂教員。後起若鄭汝成。劉冠雄等。皆其弟子也。然以嗜鴉片。弗便任軍官。故終不獲自統一旅。以譯成天演論。有名于時。丁酉戊戌間。頗主張變法。宗旨同康梁。政變後。所爲詩歌。多諷弔時事之作。有告剛毅者。謂天演論實傳播革命。復亦康黨。宜拏辦。賴榮祿。王文韶救得免。然自是官不得進。後膺聘爲大學教員。袁世凱雖重其學。而亦短其疎懶。弗能治事。宣統爲載洵。顧同。辛亥冬。自謂將隱居。而其後劉冠雄尙



具呈乞退。願讓位于復政府。笑置之。漸惓惓。無聊。適籌安會作楊度。欲得老成之士爲提倡。袁克定曰。是莫若復。且其力足以聳動海軍界。度慮其不從。克定笑曰。何重視此老餌以財貨。事必濟。屬其鄉人某說之。殊無難色。奮筆書名。自稱發起人。陳玉堂諫阻之。答曰。吾不知袁氏當帝與否。所悉者中國之斷不可以共和治也。時方爲參政。世凱遂以耆碩禮奉之。頻賚珍異。益自喜。未幾西南起義。袁沮喪。取銷帝制。復猶告人。護國軍決無成。帝制特暫輟耳。其悖若此。爲籌安六君子之一。然其詩文皆清妙。不落恆谿。與人語亦娓娓可聽。或謂其害于鴉片信然。

袁乃寬

乃寬雖籍汴。實非世凱宗族。以其堅附項城。有攀龍附鳳之想。克定輩咸以昆弟視之。其來往公府。雖內闔可自由出入。世凱姬妾不相避。猶國璋之有張調。

宸世昌之有吳笈孫焉。其起家也。以陸軍學生。當清代已官直隸道員。入民國。嘗一度爲陸軍部次長。初未有異寵。及帝制漸萌。段祺瑞有違言。乃寬獻計。克定。謂宜增禁軍。力庶內重。不爲人所制。克定大稱善。遂創置模範團。自與。乃寬分領之。不隸陸軍部。祺瑞知其然。假日人二十一條件。力主戰。以示異于袁世凱。竟免其職。于是籌安會立。昌言改國。然其子某素激烈。惡專制。慕民黨所爲。頻諫其毋盲從。貽唾罵。弗納。知不可諫。乃亦佯示附和。而陰聯黨人。先埋炸彈。新華宮地下。約期內外同舉。有民黨籍黔者。知其謀。竟告密。乃寬縛其子。獻公府。乞典刑。世凱笑釋之。謂少年爲人。誤寧足深計。幸吾福大。弗爲所算。當滌觴行。賀勿言其他。然蔡鍔起兵。人有勸。乃寬自請臨前敵。以報項城者。殊畏。蔥不敢行。其人可知矣。亦籌安六君子之一。初徐世昌頗惡其主帝制。誤世凱。祺瑞尤銜之。然以其善事人。能先意承志。徐段意解。徐氏且將令其統衛軍。或曰洪。

憲之禍。實乃寬主謀。孫楊猶被動。或亦不誣。

### 楊度

字皙子。湘潭人。幼而穎敏。涉獵甚博。嘗從湘綺先生游。蓋楊王同里。且通家也。後以舉人納資爲郎中。橫行桑梓間。人皆訾其無行。已而留學日本。交梁啓超。互標榜師承。牽合新舊學。說頗支離。湘綺移書絕之。而張之洞。袁世凱。皆喜其才。埃其歸而蒞之政務處。嗣立憲政編察館。充總纂。晉四品京堂。其于湘漢鐵路。主借外債建築。議非不可行。而實承政府意。旨湘鄂人恨甚。及其還鄉。過漢臯時。衆起而遮之。欲得甘心。棄衣冠。自水竇中逃。出得免。自是動桐益賞其賢。庚戌。有人蒞于錫良。聘參錦瓊路事。徒月支薪三百人。仍居京師也。辛亥。親貴內閣成立。受法制局副局長。是秋革命起鄂。渚度決其無成。然亦獻計那桐等。宜赦康梁。實行立憲。獨不主起世凱。謂項城出當生大變。桐等不能從。未幾。

袁已擁兵入朝。知清勢去。乃日奔走。袁邸而世凱猶未以腹心視之也。壬子後。政府與民黨日益水火。政府藉共和黨爲援。以抗異己。其奔走聯絡者。度力爲多。寵以漸隆。後幾奪秘書長于梁士詒之手。而其志實在財政交通兩席。久之未成熟。適世凱有稱帝意。克定改國尤急。而朝士無敢昌言者。一日赴克定飲。袁乃寬爲道意。度曰。是何難。特不宜遽言擁戴。當先以頻年國內擾攘狀著爲論說。言共和之不足奠國。蘄海內明達共商。權信若此。則事爲有根。克定曰。計誠善。而非子與少侯莫能當發起人者。願先奉二百萬爲開辦費。度喜過望。不數日而籌安會成立矣。所識咸以正論規之。復悚以利害。度曰。今非漢代。無所謂名節。以項城之智之勢之財。令朝發國夕改矣。吾儕先之以討論者。猶和緩之劑也。吾決民黨中無文叔項城非巨君我輩亦不致如子雲也。度夙侈泰。至是金日多益置。姬妾服用華靡。僅降于梁士詒寡廉鮮恥之官吏文人。齎集京

師。咸。奔。走。其。門。冀。得。進。用。初。尙。裨。以。置。頓。旣。而。厭。之。告。衆。人。曰。待。新。君。踐。阼。吾。任。內。閣。總。理。再。爲。若。輩。謀。噉。飯。地。可。也。是。冬。蔡。鐸。起。義。報。至。度。殊。不。信。謂。松。坡。吾。擊。交。且。武。人。贊。成。帝。制。者。彼。實。居。先。此。殆。唐。繼。堯。託。辭。耳。後。知。其。眞。黔。桂。亦。踵。起。始。懊。喪。有。以。削。平。第。二。次。革。命。相。擬。者。度。閉。目。搖。首。曰。何。視。之。易。耶。此。事。無。反。對。者。則。一。言。出。而。全。國。和。有。反。對。者。則。一。隅。起。而。各。省。從。今。若。此。行。遍。海。內。矣。俄。而。浙。陝。果。獨。立。及。袁。將。歿。已。先。逃。至。津。隸。捕。命。下。遂。去。日。本。年。來。嘗。往。來。于。滬。日。析。津。間。並。賃。華。屋。以。處。諸。姬。當。籌。安。初。作。度。往。謁。湘。綺。湘。綺。謂。爾。是。舉。爲。助。袁。抑。倒。袁。耶。度。對。助。之。也。湘。綺。曰。倒。或。利。於。助。乎。雖。然。無。此。舉。不。足。復。清。行。見。袁。爲。夥。涉。而。清。仍。炎。劉。也。蓋。王。固。持。宗。社。主。義。者。度。自。仕。達。學。以。日。荒。間。爲。文。辭。絕。蕪。雜。塵。俗。獨。長。肆。應。工。于。論。辨。乙。卯。秋。與。袁。黨。諸。要。人。飲。召。妓。侑。觴。酒。酣。起。曰。青。田。奇。才。而。不。得。以。功。名。終。若。文。程。完。我。又。鹿。鹿。不。稱。佐。新。命。卽。

才如留侯亦未。一日執政。我所願學。則房杜之于太宗也。衆笑其狂。世凱聞而益信其忠。翌日召入。拊其肩曰。何必房杜。蕭何不尤賢乎。度曰。非不知何賢。特公量邁。漢高非唐宗。無以當之耳。語竟相與大笑。又聞湘綺言。度未達時。嘗盜一女。冠事絕可笑。以其穢。故不書。

### 孫毓筠

宇少侯。籍壽州。孫家鼐從孫也。少敏妙。後留學於日本。入同盟會。主實行排滿。歸國仕于江蘇。方聯絡江皖徵兵。謀大舉。有告密于江督端方者。收鞠之。已得信讞。司道官僉請正法。方固家鼐弟子。弗忍。第繫之獄。後釋出。遙應鄂軍。起皖北。嘗欲爲黎宗嶽。扼于大通。幾不得脫。後遂被舉爲安徽都督。其鄉人來投者多。不可紀。半皆伯叔兄弟。行至充廨。宇傾皖中地方官缺。及釐差。猶不敷位。置而反對者已。嘖有煩言。軍人亦不盡承其節制。在任五閱月。不安其位。去。乃代。

以柏文蔚壬子春。蹴居滬上。後被舉爲參議員。始之京師。毓筠嗜鴉片。益以雪茄。且多內寵。而戚故之來假館者尤煩。居春明時。非日得百圓。不能供用。而入俸至薄。遂瀕涸轍。以好佛。所交多釋子。有蜀僧某善相。自稱能決未來事。毓筠方外交也。時諸袁與毓筠等方聯和。延僧講經于京師。是僧與焉。嘗相克定。謂其風度似太原公子。神采類白水真人。惜生當民國耳。于是世襲總統說興。一日克定過毓筠。所僧適先在。力言總統號賤不足當帝王。又言曾相世凱壽不能躋七十。卽早正位。亦不過唐之高祖。若沾滯不決。則歲月易邁。不知其可矣。克定本冀非分。聞而中益熱。乃出資二百萬。屬孫楊組織籌安會。或謂僧說皆毓筠所教。因果多欲。藉是攬金錢也。于是皖籍民黨之投誠者紛紛趨京師。有自賣其同黨者。有舉其機關所在及進行計畫告密者。皆毓筠爲引落於政府。故籌安會雖度正主任。而關於排鋤異己之謀。則毓筠功爲多。不數月。宿逋盡。

償。失敗時後楊度逃。展轉至於上海。年餘金罄。鴉片日貴。乞王揖唐解于祺端。祺端不報。徐樹錚曰。彼苟能爲吾探取民黨陰事者。當先助以資。而後爲謀。特赦毓筠。乃通電討倪嗣冲。且醜詆段氏。復自移居法界新民里。民黨巢穴也。然重要偉人。以其反覆。殊不之信。所日與周旋者。特皖籍之淪落無歸者也。久之。殊莫能得民黨內容。益無聊。一夕移家去。不知所之。端方督江日。嘗納妓爲妾。後方死。其妾爲毓筠所得。友至恒出以面客。曰。此方故寵也。吾今納之。宿怨洩矣。其淺若此。然獨好佛。每晚然晶燈。吸烟。姬妾左右。擁脂粉芙蓉雪茄之馨。氤氳一室。已則曼聲誦華嚴孔雀諸經。一禪家之異境也。

### 顧鰲

鰲亦帝制黨之健者。氣魄識力。皆在楊度孫毓筠上。凡事意所爲。是即率而行。之雖百折不同也。字巨六。廣安人。以拔貢七品小京官。留學法政於日本。歸調



入民政部。擢至五品警官。記名知府。旋晉僉事。適當國變。頗排斥革命。謂清室已立憲。不當謀破壞。報紙載之。民黨銜刺骨。翌年鰲南下旅滬上。幾爲黨人所執。復走還京師。楊度等交游於袁氏。趙秉鈞尤謂其賢。遂任法制局長。志益發。據遇國。民黨人益以白眼加之。在袁黨中有金剛之號。後授參政。洪憲僭號。自任願草憲法。且居籌安會發起人之一。勢煊赫。視各部總長。失敗後。遂去京師。鰲始終不以共和爲然。非徒欲帝袁也。卽清氏復辟。亦所驩迎。是與孫楊等爲不同。又嘗曰。頃城學不足。非政事才。特長於兵事。故藉彼力。可以倒共和。若云躋國富强。則天生眞人。正未知在何所耳。嘗爲世凱篡居仁寶鑑。徵引古聖帝明王事績甚備。

馬良

字相伯。丹徒人。耶教徒也。少卽工文。尤長論辨。以無聊賴。始投入天主教。而其

名亦自此始。少著。及被選爲議員。年已七十矣。各團體開會。咸倩其蒞。而演說。則莊諧雜出。妙緒環生。聽者忘倦。於是聲聞益彰。籌安會起。初未要良與其事。乃面孫楊自願加入。克定聞而喜。曰。得此人。以號召基。督教徒。吾事濟矣。曠度毓筠列入。發起人中。世凱亦召之居仁堂。溫語獎假。良出告人曰。今而後餘年。可見太平矣。然袁黨視之輕。終未嘗引預密謀也。事敗。衆益輕訕。或繪羊馬載猿圖以譏之。羊指度。馬卽指良也。

### 薛大可

湘人。清代官七品小京官。入民國。創亞細亞報。初爲共和黨言論機關。主中央集權。詆謀聯邦制。頗援助政府。且搜羅藝文。甚備在當時。京報中名最著。已而國會解散。黨爭盡弭。報竟爲袁氏所收買。遂變而爲御用報。大可亦投入袁黨。時周旋克定弟兄間。駿馬快車。若貴官僚。乙卯袁謀改國。初議收買滬報。然銷

廣者不願入穀其願入穀者則日銷不及四千分者坐是躊躇莫能決大乃可  
建議與其賄買他人報曷若自擴機關於上海克定曰然畀以開辦費二十萬  
按月津貼五萬延楊姓者爲主筆開館未幾卽爲民黨投以炸彈所立論備極  
諛諛讀者欲嘔而大可由是擁厚資嘗語人士詒功在輸餉啓鈴自齊功在贊  
襄典禮度毓筠功在提倡若始終以言論衛新主排異己者則區區功也無何  
事敗袁憤死有嘲之者曰子功何在何弗隨項城於地下大可默然

